



5044  
18416

26-6-3975



MEMORIÆ SEMPITERNÆ

VIRI CL. MARCI PERACHON  
in Supremo Senatu Causidici, Qui post eju-  
ratam sincerè hæresim in qua natus fuerat, de  
Religione ac Literis benè meritus dum vive-  
ret, moriens Bibliothecam Lugd. Coll. S. S.  
Trin. Soc. IESU annuo Censu locupletavit.

Ex Censu anni 1742.

105351

# Beger  
Laurent

167011

167011



167011





5024



SPICILEGIUM  
ANTIQUITATIS.



THE GREAT HALL

ANTIQUE  
MUSEUM

SPICILEGIUM  
ANTIQUITATIS  
*SIVE*  
VARIARUM  
Ex Antiquitate  
ELEGANTIARUM

vel

Novis Luminibus illustratarum

vel

Recens etiam editarum

FASCICULI,

*Exhibente*

L. BEGERO,

Serenissimi Electoris Brandenburgici Consiliario ab  
Antiquitatibus & Bibliotheca.



MISCENT ODORES



COLONIÆ BRANDENBURGICÆ,  
Typis ULRICI LIEBPERTI, Electoralis Typographi.  
Anno M DC XCII.



ELIZABETH  
BARNARD



THE  
LIBRARY  
OF THE  
COLLEGE  
OF THE  
CITY OF  
NEW YORK  
AND  
THE  
LIBRARY  
OF THE  
CITY OF  
ALBANY



PER-ILLUSTRI ET GENEROSISSIMO,  
**DOMINO**  
**EBERHARDO**  
**CHRISTOPH. BALTHASARO**  
 à  
**DANCKELMAN,**



Serenissimi Electoris Brandenburgici,  
**MINISTRO INTIMO**  
 à CONSILIIS  
**STATUS, FEUDALIBUS ET BEL-**  
**LICIS** &c. &c.

*Dominò meo, omni devotæ mentis cultu*  
*Devenerando.*

PER-ILLUSTRIS ET GENEROSISSIME,  
 DOMINE ET PATRONE GRATIOSISSIME



*I præcellens Tuorum meritorum*  
*jubar tanta mihi facultas foret*  
*describendi, tanta Tibi patien-*  
*tia contemplandi, quanta est*  
*Tua dignitas & gloria, quan-*  
*tusque animi mei ardor, in laudes Tuas, PER-*  
 ILLU-

ILLUSTRIS DOMINE, plena Panegyri assurgerem.  
Ferit oculos non unius tantum Regionis, sed totius  
politioris Terrarum Orbis, indefessa illa Provi-  
dentia, qua Marchiæ Brandenburgicæ Provin-  
ciarumque Electoralium felicitati consulis, Ten-  
tonici Imperii gloriam curas, Pacis Bellique ne-  
gotia promoves. Admirationi est invicta illa  
Fides, qua SOLIUM ELECTORALE,  
ACHILLEMQUE BRANDENBURGI-  
CUM, AUGUSTUM inquam MAR-  
CHICI SCEPTRI MODERATOREM,  
non Domi tantum, inter sanctioris Justitiæ fa-  
sces, sed etiam in Bello, inter turbidos furibundi  
Martis clangores, quibus DIVINUS ILLE  
HEROS, pro securitate publica, glorioso ausu,  
se se immittere solet, amplecteris.

Quis crederet, ex tanto fastigio, inter tot, tan-  
tosque virtutum Tuarum labores, gratiosum bene-  
volentiae radium, in tenebrosas gementium Exu-  
lum speluncas, in obscura trepidantium Musarum  
antra penetrare posse? At defluit in utrosque, Te  
& procurante, & dispensante, continuus Electo-  
ralium beneficiorum imber. Te Gallus Religionis  
Zelo fugitivus, post inclytum illum AETO-  
PHON, Patronum suum veneratur! Te  
Palatinus, Bellonæ furiis patria pulsus, Præsi-  
dium

*dium suum adorat! Te Artium Scientiarumque  
Mysta, dulce Decus suum, suspicit.*

*Quid ego, qui duplici nomine Tibi obstrictus  
sum? Quod Palatinos gratioso favore reficis,  
ipse Palatinus quidni gratias Tibi referam? Quod  
Musis, interbellicos Populorum fremitus, securi-  
tatem præstas, largâque manu subsidia affundis,  
ipse Musarum sacerdos quidni holocaustum Tibi  
accendam? Adest victima, si non tuis condigna  
meritis, attamen devoti Tibi, pro immenso bene-  
ficiorum agmine, animi mei index.*

*Africa mittit Ebur, mittunt sua Thura Sabæi,  
Electrum Præstus, pretiosas India baccas.*

*Mibi nec Pætolus, nec Hermes divitias suppedi-  
tat: Opes Heliconis curæ sunt, quem & APOLLO  
NOSTER Augusto jubare irradiat, & Tu,  
GENEROSISSIME MÆCENAS, Herculis Musagetæ  
instar, sollicitè tueris. Hic non tantum Hesper-  
idum hortos, non tantum hortos Alcinoi, aut bife-  
ri Pæsti rosaria carpo; Tota Græcia, quam latè  
olim diffluxit, sinum suum mihi patefecit: Ter-  
rarum Gentiumque dominatrix Roma ambitum  
suum aperuit, ut dignos Tua magnitudine floscu-  
los colligere, arisque Tuis imponere possem. Ex  
his accipe, quicquid hoc est, submissi calami mei*  
*hostimen-*

*hostimentum! Accipe hostiam, non quæ nitidis  
ignibus, sed quæ calidis pro salute & felicitate  
Tua votis ardet. Deus felicitatis summus ar-  
biter, Te felicitatis nostræ, post inclytam  
BRENNI dextram, Statorem indefessum, omni  
felicitate coronet! Vitæ fons, Vitam longam Ti-  
bi largiatur! Gloriæ Author, gloria perenni per  
ora Posteritatis Tua merita ferat! Sic feliciter  
agent, non Helicon tantum, sed & Solium Electo-  
rale! non Marchia tantum, sed & Orbis Bran-  
denburgicus; imò & ejectæ sedibus suis & Pietas  
& Innocentia! Ita vovet,*

PER-ILLUSTRIS ET GENEROSISSIME DOMINE!

GLORIOSISSIMI TUI NOMINIS



Cultor obsequentissimus

LAURENTIUS BEGER.





Um innocenti Libertate per  
amoenissima nobilioris Antiquitatis Vi-  
ridaria ambulo, id mihi accidit, quod etiam  
in hortis solet. Diffusus undique variantium  
flosculorum decor non tantum sui in con-  
templationem me trahit, sed & eò audaciæ  
propellit, ut ex immensâ segete elegantiora

quædam colligere, & in publicum efferre sustineam. Primas tenent  
Numismata. Proccedit

# I. HPΩΣ ET MENHΣ



**D**Uas hoc in nummo figuras cernimus. Altera certa est, altera ha-  
cenus incerta. Illam Apollinis esse, ex radiis discimus: Hanc esse  
se *Ἡρώος Ευμενῆς Herois Mansueti & Benevoli*, conjecturâ af-  
sequimur, eâ potissimum ratione, quòd nec Deum insignia determi-  
nent, nec Heroem hastile neget: Chiorum autem, quorum Numisma  
est, historiam versantibus non alius occurrit, cui potius eâ figura tribui

possit. Audiamus Nymphodorum apud Athenæum lib. 6. p. 265. & quidem, cum locus prolixior sit, ex Dalechampii interpretatione; ita ille: *Parum ante nostram ætatem, Chii narrant, servum quendam profugum in montibus condesse, illicque fuisse commoratum, animi quidem virilis hominem ac bellicosum, & qui, velut exercitus Rex, fugitivorum ductor ac Imperator esset. Adversus illum Chii cum expeditionem sapius fecissent, ac irritò conatu nihil profecissent: ut eos perire frustra videt DRIMACUS, (sic enim fugitivus ille nominabatur) his verbis ipsos est allocutus: Quod negotium vobis, ò Chii Domini nostri, servi facessunt, nunquam cessabit. Quo enim pacto desinere possit, cum Oraculo, id eveniturum, Deus prædixerit? At mihi, si vos obtemperetis, & quiescere nobis per vos liceat, multorum ego vobis bonorum Author futurus sum. Fœdus ergo Chii cum invissent, ac inducias in aliquot tempus essent pacti, mensuras, pondera & sigilla peculiaria sibi fabricatus, ea Chius ostendit ac dixit, quicquid id daturi essent, eo se accepturum pondere & mensura: acceptis verò, quæ satis sint, pretium relicturum notatum impresso eo signo: De fugitivis postea illorum servis se inquisiturum & fugæ causam examinaturum: si quid atrocissimum & inexpiabile passi fuisse videantur, eos se habiturum: si justam suæ fugæ causam non dicant, ad heros se remissurum.*

*Eas fœderis & pacis leges reliqui servi cum viderent Chii acceptas esse; multò minus aufugebant, illius judicium metuentes; Ejus autem comites fugitivi, magis ab eo sibi timebant, quam à Dominis, & quæ sui muneris essent, omnia illius, ut Imperatoris, jussu, obediens exequabantur. Protervos enim & extra suum ordinem palantes is puniebat, agrumque populari nemini concedebat, aut se nolente injuste patrare quippiam. Diebus verò festis ex montibus in agrum descendens, vinum opimasque hostias auferebat, & si quid aliud Domini largirentur; Si quem autem sentiret, insidiantem sibi, aut exitium molientem, ab eo pœnas exigebat. Cum verò Croitas per præconem denunciasset, magnam se pecunia vim daturam, si quis eum caperet, aut abscissum ejus caput afferret, Drimacus jam natu grandior Anasium suum in secretum locum abduxit, & sic affatus est: Ego quidem omnium hominum te maxime dilexi. In porro mihi puer es, filius, & alia omnia. Jam temporis satis vixi. In verò juvenis es. Etatis est iste vigor ac flos. Quorsum hac?*

Stre-

Srenuum te esse, ac fortem virum oportet. Quandoquidem Chiorum civitas, si quis me interficiat, percussori plurimam cum libertate pecuniam pollicetur, volo te amputatum mihi caput Chium perferre, receptaque à civitate pecunia Te posthac beatam vitam degere. Abnuenti negantique, se id facturum, juveni, morem sibi ut gereret, tandem persuasit: Excētum illius caput ad Chios Juvenis desert. Chii, quos praeo nummos promiserat solvunt. Corpore fugitivi sepulto, in patriam is remeat. Verum, cum ab infestis servis, Chii adhuc multis Injuriis afficerentur & diriperentur, memores aequitatis ac lenitatis mortui, in agro suo HEROUM illi exstruxerunt, appellaruntque ΗΡΩΟC ΕΥΜΕΝΟΥΣ, HEROIS MANSUETI AC BENEVOLI, cui etiamnum fugitivi decimas omnium, quae depraedantur, offerunt. Illum quoque, ajuat, in somnis Chiorum multis apparere, & significare, quid insidiarum servi machinentur: ac eos quibus noctu visus est, in Heroi locum profectos illi sacrificare.

Hæc à Nymphodoro apud Athenæum relata, & de sacrificio testantur, quod in numismate per aram exprimitur, & causam simul aperiant, cur Heros hic mansuetus Apollini junctus sit; Primò enim ejus Dei cultorem fuisse, inde patet, quod Oraculo, Chii servorum insultus denunciante, credidit: deinde eosdem cum Deo fatidico honores meritum, inde constat, quod Chii per somnum apparuit & servorum machinationes detexit. Hæc duo, qui probe considerat, quin Heroem mansuetum in numismate Chiorum simul cum Apolline necum fassurus sit, nullus dubito.

## II. PHINTIAS REX.



**D**E hoc nummo, an ad Phintiam Regem, an ad urbem Φιντιάδα referendus sit, anceps apud authores disquisitio prostat. Ad rem decidendam, Diodorum Siculum adducimus, qui non tantum de Phintiade Urbe, sed etiam de Phintia Rege, Phintiadis Urbis conditore, docet. Itaille in Ecclōgis ex libro XXII. Κατὰ δὲ Συμελίαν ἦσαν πρόγονοι Ἰνέας ἐν Συρακούσῃ, ΦΙΝΤΙΑΣ ἐν Λιμερίανῃ, καὶ Τιν διαίων ἐν Ταυρομενίῃ, καὶ ἕτεροι τῶν ἐλαπίδων πόλεων. Φιντίας δὲ καὶ Ἰνέας πρὸς ἀλλήλους πόλεμον ἐνεργήσαντες, καὶ τὴν Ἰνέας ἀπονήγαλτο. &c. paulo post: Κτίσας δὲ Φιντίας πόλιν, ὀνομάσας αὐτὴν Φιντιάδα, γελώως ἀναστάντος ἑὸς οὐκίας ἐν αὐτῇ; ἐπὶ δὲ αὐτῇ πρῶτον ἀσπίδασι. Καταμεῶν, ὃ δὲ τὰ ἰεῖρη καὶ πὰς οἰκίας, καὶ πᾶς λαὸς τῆς γέλας εἰς τὴν Φιντιάδα μετῆνεγκε, πῖσας ἰερχοὺ καὶ ἀρχοὺ ἀξιόλογον, καὶ ναύαρχον. hoc est: *In Sicilia Tyranni erant, Hicetas Syracusis, PHINTIAS Agrigenti, Tyndarion Tauromenii, urbiumque minorum alii. Phintias autem & Hicetas conflato inter se bello, ad Hyblaum acie instructa concurrerunt, victoriamque retulit Hicetas. &c. mox. PHINTIAS urbem condidit Phintiadam, Gelensesque à Patria submotos in ea collocat. Sita autem hac est ad mare. Muris enim domibusque Gela destructis, populum Phintiadem transtulit, postquam mœnia forumque insigne ac Tempia Deorum condiderat.*

Hæc cum ita sint, consequens est, *primò*: Ut Caput in numismate laureatum, non Gelonis, sed ipsius Phintiae statuamus. *Secundò*: Si quid vetustate detritum in Numismate fuit, quod equidem ne dubium sit, per quam vereor, ut non nomen id Regis esse, sed loci fortassis arbitremur, & quid si AKPATANTINON? eodem modo, quo in nummis Nicomedis, aliisque quibusdam Nomina Regis & Urbis conjuncta cernimus? *Tertiò*: Ut corrupta Authorum Nomina apud Ptolemaum, cui Φιντια, & Antoninum in Itinerario, cui Plintis Urbs Phintiae dicitur, cum Doctis corrigamus, & illic Φιντια hic Φιντις restituvamus; ut taceam Plinium, ubi *Phintiensis* & *Phintia* de fonte Siciliae, ubi Codex Chifletianus *Pinthia*, alii *Pythia* legunt, cum tamen aperte *Phintiensis* & *Phintia* legi debeat. *Quartò*: Ut Damonis amicū, qui vulgo Pythias dicitur, rectè à Plutarcho περὶ πολυφίλους ΦΙΝΤΙΑΝ credamus dici, quo nomine etiam Jamblichus memoratur, qualiter etiam in Veteribus Ciceronis libris se reperisse Turnebus testatur. *Quintò*: ut adversæ canem non ad Pyrrhum Gelonis referamus,

mus, quod Golzius non improbabili conjectura sibi videtur facere, sed ad Phintiae venandi studium, quod ex aliis Regis Phintiae apud Parutam numismatibus, Aprum & Dianam exhibentibus, abunde patet, quorum huc cœtypa transferimus.



Addatur in rei fidem & lucem idem Diodorus Siculus, quo teste etiam somnium, Phintiae funestum, venationem adumbravit. Φιντίας ὁ Φιντιάδης κτερε, Ἀγρογάνης πόρην ἰδὲν ἔναρ δὴλῶν τὴν τῆς βίης καταστροφὴν. Ἦν ἄξιον κτηνῶν ὁρμῆσαι καὶ αὐτὸς τὴν ἦν, καὶ τὴν πλεονεξίαν αὐτοῦ τοῖς ὁδοῖσι παύσαι, καὶ διελάσασθαι τὴν πλεονεξίαν κτερε. *Phintias, Conditor Phintiadis & Agrigenti Tyrannus, somnium vidit, exitum illi vicia representans: Dum Aprum venatur, sus in eum ruere, latus ejus ferire dentibus & transactō vulnere, ipsum perimere visus.* Non caruit somnium eventu: Phintias, eodem Authore, ob Gelenfes excisos, reus cædis factus, urbium cunctarum illi subditarum odiis flagavit, quæ & præsidia expulerunt, inter quos primi fuere Agyrinæi.

### III. ΑΕΤΩΜΑΤΑ Ædificiorum.



**Q**uid sub vocabulis *αἰτὸς καὶ Αἰτώμα* Ⓢ, ubi de ædificiis & Templis sermo est, intelligi debeat, anceps apud Authores Sententia prostat. SUIDAS *Τεῖτα* ipsa ita vocata arbitrat sub voce *Ἀετώματα*. *Τὰ τῶν ἱερῶν τεγῆσματα*, inquit, *πτερυγας καὶ αἰτὸς καλεῖσθιν*. *Templorum tecta alas ἔσ' aquilas vocant*, allegatque hæc ARISTOPHANIS.

*Τὰς οἰκίας ἐρεψομεν πρὸς αἰτὸν.*  
*domos tegemas ad Aquilam.*

additque ita dicta *αἰτὸς καὶ τεγῆσματα*. pro voce *tegemus*. Sed videtur ipse SUIDAS hujus suæ opinionis finnis non fuisse, cum paulò ante *Ἀετὸν οἰκοδομημάτων*, non *τεγῆσματα* tectum, sed *τὴν τῆς οὐρανῆς partem*, dixerit, *qua in tecto est*, quamque quidam *Ἀετώμα* vocant HESYCHIUS ita dici scribit, *τὸ κυμαίνον τὸ ἐν ταῖς γείσις Cymatium in Suggrundis*. Suggrundæ sunt tecti exstans inferior pars, parietes à pluvia defendens, & Cymatium iis supposita linea, fluctuum in speciem efformata: Proindeque *αἰτὸς*, & *αἰτώμα* secundum hunc esset in lateribus domuum aut Templorum. GALENO in *Lexico Hippocratao* est *αἰτώμα*, *τὸ ἐς ὕψος ἀναπαταμένον τῆς οὐρανῆς, ὡς περὶ πύργον, illa pars tecti, qua triangulari forma in sublime elevata est*. Hæc apud Antiquos. Recentiores & ipsi opinionibus in diversum abeunt. COELIUS RHODIGINUS Suidæ ascribitur: *Legimus, inquit in Templis nominari αἰτὸς. Id non aliud indicat, quam tecta, qua item πτεγῆ vocant, sed ἔσ' αἰτώματα*.

HENRICUS STEPHANUS *Ἀετώμα*, id quod *αἰτὸς* peculiariter dicitur, de fastigio ædificiorum aquila volantis speciem represen-

tan-

tante. Ex quibus simul & vocis ratio redditur, quamvis ad illud Pindari Olymp. Od. XIII.

Τῆς Θεῶν ναοῖσιν οἰωνῶν βασιλῆα διδυμεν ἔθηκε.

aliam, & quidem numismatibus nostris apprimè convenientem, suggerat Smidius. *Intelliguntur*, inquit, μεταλλικῶς αἰετώματα vel αἰεῖδι id est *Aquilarum signa Metallica, qua fastigiis Templorum & aliorum adificiorum imponi solent.*

Hæc sententia, cùm non tantùm rationi consentanea sit, sed & allatis venerandæ Antiquitatis monumentis confirmetur, consequens est *Primò*: Ut rejecto Suida & Hesychio, Ἀετώματα non in tecto, sed in fastigio & culmine ædificii quæramus. *Secundo*: Ut propriè aquilas ipsas fastigiis templorum vel impositas, vel appositas, impropriè autem & μεταλλικῶς, fastigium ipsum, ut Galenus ait, trigoni in formam effigiatum intelligamus. *Tertio*: Ut rationem, ab Aquilis illis impositis approbantes, eam frivolum pronunciemus, quam EUSTATHIUS profert, his verbis: Μέγῃ τὸ τῶν ναῶν ἢ μόνον αἰεῶμα ἐλέγετο, ἀλλὰ καὶ αἰετοὶ καὶ τὸ ἐοικέναι Φασι πῆριξιν αὐτῶν. *Quartò*: Quando apud Comicum dicitur.

Τὰς γὰρ ὑμῶν οἰκίας ἐρέψομεν ὥς αἰετὺν.

*Vestras enim domos tegeimus ad Aquilam.*

non idem esse, ac σκαίσμεν, ut SUIDAS, nec idem, quod ad *Aquilinarum alarum similitudinem* tectum eorum in summo fastigio faciemus; Sed quod σκαίσμεν ὥς αἰετώματα, tegemus ad Aquilas, ut Schol. Græc. id est, ad culmen usque.

Ad Pindarum adhuc subjicienda veniunt Scholiastis verba, ex quibus non tantùm patet, aquilas Templis impositas, sed & gemina fuisse αἰετώματα: οἰωνῶν βασιλῆα, τὸν αἰετὸν Φησι. λέγει δὲ τὸ πρὸς τὰς ναὺς τῶν Θεῶν αἰετώμα. πῶς ἔν Φησιν ἐν τοῖς ναοῖς τῶν Θεῶν τὸν βασιλῆα τῶν οἰωνῶν ἐπέθηκε τὸ λεγόμενον αἰετώμα. Διδυμῷ δὲ Φησιν, ὅτι διπλᾶ πρὸς αἰετώματα, ἔπιδεν ἃ ἐμπροσθεν. Διὰ τὸ ἐξ ἀμφοτέρων τῶν μερῶν κατασκευάζεσθαι αὐτὰ. Ἀλλως. οἰωνῶν βασιλῆα. ὁ αἰετὸς οἰωνῶν βασιλεὺς ἐστὶν ὁ ἐπὶ τῶν ἱερῶν πηγόμενος. Ἰνὲς δὲ τὸ αἰετώμα, ὡς Φησι Διδυμῷ, ὥς πηγόμενος Τίμαχον λέγοντα. καὶ τῷ ἐν αἰὲς οἰκοδομίας αὐτῶν. εὖρημα ἃ γὰρ ἐξ ἧς.

IV.  
SYRI  
Sub Ariete.



**A** Nimal supra caput turratum in Nummis ab Antiochenſibus percuſſo *Triftanus Leonem* putat, Cybeles capiti impoſitum. Alii *Ovem* interpretantur, alii & quidem rectè arietem, quem cum ſtella ſolitum quidem faciunt Antiochenſium ſymbolum, cur autem in eorum nummis fulgeat, hætenus, quod ſciam, nemo aperuit. Mihi ſub Ariete *Signum cæleſte* latere videtur, idque non tantum, quòd *Stella & Luna*, in quibusdam arieti jungantur, ſed etiam, quòd aries capiti turrato, imò & templis ut plurimum impoſitus ſit, quod utique contra artis præcepta foret, ſi animal terreſtre ſub eo lateret. Favet aſſerto *MANILIUS*, qui ſub ariete cæleſti ſigno Syros ponit, quorum Metropolis Antiochia fuit.

*Laniger in medio ſortius ſidera mundo  
Adſerit in vires Pontum, quem vicerat ipſe,  
Illum etiam venerata colit vicina Propontis  
Et SYRIÆ Gentes. &c.*

Ex



Ex his Manilii constat, eandem rationem etiam esse arietis, in nummo Κυρρησίων, templo Jovis καὶ αὐραίου impositi;



Neque enim soli Antiochiæ Arietem tribuit Manilius, sed *Gentibus Syria*, quarum civitas etiam Cyrrhus erat. Quamquam Sidus in Numismate, utpote cum luna conjunctum, non tam stellam aliquam putarem, quam Solem siderum principem. De Luna apposite succurrit ARATUS in Phænomenis, v. 225.

αὐτὸς δὲ κρείττοιο δυνάμει ἐστὶ κέλευδοι,  
αὐτὸς μὲν νοσήσῃ καὶ ἀνάστῃ οἷα σελήνη  
σκέψασθαι.

*Illic etiam arietis celerrimi sunt cursus.*

*Ipse quidem languidus & obscurus, utpote Lunam Observando.*

De Sole & Luna audiatur COEL. RHODIGINUS, cujus hæc sunt: *Ajunt, quum primum in ordinem hunc & nitidissimam claritatem facta, expurgata, compositaque Elementa sunt, quem diem mundi esse natalem prædicant, ARIETEM signum media cæli tenuisse, qui locus cæli quidam mundi vertex intelligitur; proindeque factum, ut PRINCIPEM in signorum duodecim limbo LOCUM ARIES habere credatur, quippe in genituris omnibus cælum medium principem habet locum. Nam & ex hoc totius genitura fundamenta colligunt. Inde concinne admodum ex hoc signo reliquis omnibus initium factum, præsertim cum stellarum pars maxima, sed & Lumina utraque, SOLE & LUNA, radios suos in hoc collimarint.*

En Solem & Lunam radios suos in Arietis signum collimantes! Solem & Lunam, quæ in nummo Arieti junguntur! En Arietem Signorum duodecim principem! Principem, qualem Antiochiam

idA

B

si non

si non mundi, tamen Orientis dictam (quæ alias post Romam & Constantinopolim, aut Carthaginem aut Alexandriam, quibus tamen interdum & præponitur, tertia fuit] Per III. SPANHEMIUS docet ad Cæsares Juliani, pag. 402.

THEON Autor est, ab Ariete ordiri Ægyptios, quod signa omnia cum membris analogon habeant; esse autem Caput arietem, conjectant, quia in capite sit animæ principatus, & ovium Dux Aries sit. Hæc mecum si considero, facile mihi persuaferim, urbem fastigii principalis æmulam, imò & citerioris Asiæ non semel Dominam, idè arietem hunc numismatibus suis expressisse, ut primam sibi gloriam non ambitione humana, sed divino naturæ consilio testaretur adjudicatam.

## V. A M O R G I N I Samiorum Colonia.



**C**Ur in Amorginorum nummis expressus sit Apollo cum Sphæra & circino, an ob excellentes aliquos Astrologos, quos habuerit hæc Insula? inquirendum Lectori NONNIUS relinquit. Alii

Alii id factum arbitrantur ob receptum fortè in Civium numerum Pythagoram Samium, Oenipodeve Chium, aut quempiam alium è priscis illis Astrologiæ Magistris adduntque, in nummis Samiorum Pythagoram baculo Sphæram monstrare. Exstat numismatis illius Ectypon in *Specimine Morelliano*, ex quo & hic denuo ut proponam, quid prohibet?



Multum certe facit, & ad confirmandam de Pythagora opinionem, & ad rejiciendam de Oenipode; non equidem, ut in civium numerum ab Amorginis receptum Pythagoram credamus, sed ut *Amorginos ex Samo* Pythagoræ patria discamus oriundos. Pythagoras non tantum Samius fuit, præter alios & Ovidio canente Met. 15.

*Vir fuit hic ortu Samius.*

Sed & Astrologiam, imo & Geometriam, quæ sub Circino adumbratur, & integram Mathesin in tantum calluit, ut non abs re idem Author cecinerit:

*Cæli regione remotos  
Mente Deos adiit, ex qua natura negavit  
Visibus humanis, oculis ea pectoris hausit.*

Pythagoras in nummo Samiorum Sphæram tangit, qualis & in numifmate priore Amorginon visitur. Quis ex hac convenientia non aliquam utriusque Insulæ cognationem præsumat? Eam apertis verbis edocet Suidas, quem & Nonnio citatum videmus, quanquam reibasin affectus non sit. Itaille.

Σιμμία. Ρέδι. γεαμμαλινός. ἐξαψε γλαύσας βιβλία γ'. ποιήματα διάφορα βιβλία δ'. ἦν δὲ τὸ ἐξαεχὴς στίμι. ἐν δὲ τῷ δῶποισμῷ τῇ Ἀμοργῇ, ἐπέλη καὶ αὐτὸς ἡγεμὼν δὲ τοῦ σαρμίων. ἐκίσε δὲ Ἀμοργὸν εἰς γ' πόλιν. μινώαν. Ἀγριαλόν. δεκεσίμην.

# VI. CHIUS Cretensium Colonia.



**G**oltzius hoc Numisma proponit. Interpres Nonnius de a-  
versa tacet. Tacent & alii, quosunque de Chiorum Numi-  
smatibus inspexi. Mihi *Labyrinthus* videtur, idque ob per-  
plexos parietes, continuosque anfractus, coecasque viarum ambages,  
quibus labyrinthus apud Authores describitur, & hodiernum in Nu-  
mismatibus Gnosiorum occurrit. En Exemplum ex Gaza Electo-  
rali Brandenburgica!



Sed de Labyrintho Cretico constat. Constat & de Ægyptio, &  
de Italico, & de Lemnio. Quis autem unquam in Chio Labyrin-  
thum posuit? Et si non fuit, quæ ratio ejus in numismate Chiorum  
expressi?

Dicam quod sentio. Ratio duplex esse potest: Minois po-  
tentia & Oenopionis in Insulam transitus. Minos, qui Labyrinthum  
in Creta exstruxit, potentia navali imperium maris & Insulas obti-  
nuit: Quidni igitur & Chium, occurrentē famosissima Labyrinthi  
structura in Chiorum nummo? Oenopion ex Ariadna Minois filia  
genitus, à Rhadamanto, justissimo sub Minoe Cretensium Judice, Chi-  
um

um possidendam accepit, Vinique consecrationem, quam à Patre Baccho didicerat, proculdubio primus intulit. Diodorum audiamus. Τὸν δὲ Ραδάμανθον Οἰνοπίωνι τῷ Ἀετιάδῃ τῆς Μίνω Χίον ἐγγχει-  
εῖσαι Φασίν. ἐν ἑταίῳ μυθολογῶσι Διονίσει γρόμενον, μαθεῖν πᾶσι τῷ  
πατρί τοὺς τὴν οἰνοποιῶσαν. *Rhadamanthum autem Oenopioni, ex Mi-  
nois Ariadna, genito Chium possidendam tradidisse, eumque è Bac-  
cho natum, vini consecrationem à patre didicisse, memorant.*

VII.  
COI  
ab Argis oriundi.



**L**udovicus Nonnius in hoc nummo quidem Junonem & duo  
Conopea agnoscit, sed nullum Authorem, qui lucem affunderet,  
memorat. Simili modo & HARDUINUS, magnum nobilioris  
Antiquitatis lumen, nummum ex Cimelio Regio product, Antonini  
Pii dicatum gloriæ, in cuius averta Juno sit in curtu juncto pavonibus,  
nulla tamen ex autoribus adjecta rei causa. Mihi dum Athenæum  
lustrarem, commodè occurrit, quod pag. 639. Macario referente legi-  
tur. *Coos sc. dum JUNONI sacrificant, servilia prohibere ad  
Epulas accedere.* Ex eo sane Junonis cultus apud Coos indubita-  
to apparet, cujus si originem desideres, Tacitum audi, lib. XII.  
Annal. *Retulit dein de immunitate COIS tribuenda, multa-  
que super antiquitate eorum memoravit.* ARGIVOS, vel cum La-  
tona parente, vetustissimos Insula cultores. &c. En Argivos vetu-  
tissimos Insulæ cultores! Argivos apud quos, Strabone lib. IX. teste,  
Juno nata ferebatur, quique Hægia seu Junonis sacra solennissime  
celebrabant, id quod pluribus apud idoneos Authores docetur. Quis  
ex his non colligat, Junonis cultum simul cum Argivis in Insulam in-

troductum fuisse, idque Vetustatis suæ monumentum Posteris in numismatibus suis consecrasse? Tantus scilicet Argis Junonis cultus fuit, ut & inde cognomen Dæe imponeretur: *Ἡ Ἀργεῖα* memoratur HOMERO: *Ἡ ἄρα Ἀργεῖα* numismati Neronis in specimine Morelliano: & apud Gruterum pag. XXIV. legitur. JUNONI ARGIVÆ: ut taceam *Ἡ ἄρα Ἀργεῖα* vado, Junonis argivæ templum, cujus Pausanias in Laconicis meminit, adeò ut non absre Horatius cecinerit:

*Plurimus in JUNONIS honorem  
Aptum dicit Equis ARGOS.*

De duobus Canopeis quod dicam, nondum habeo, nisi quod ob tenuia quibus obteguntur, telarum umbracula in mentem venit *tela bombycina* & *Coa*, cujus prima inventrix fuit, quæque tanta subtilitate texebatur, ut corpus non tegeret, sed denudaret. De qua Plinius lib. XL cap. 23. & Tibullus

*Illagerit TENUES VESTES, quas FOEMINA COA  
Texuit.*

Credendum scilicet, quâ toto orbe celebrabantur, artis specimen etiam Dææ Coos consecrasse, quam non Vetustatis tantum suæ testem habebant, sed & inter præfides suos venerabatur.

Quòd autem duo Canopea supervolante velo quasi juncta cernamus, forsitan idèò factum, quòd non tantum Junoni, sed & Junonis marito Jovi honorem haberent, quem & ipsum Argivos variis sub cognominibus coluisse, ex Pausania patet.

VIII.  
COLCHORUM.  
apud Goltzium nummi  
An ad Golgos Cypri pertineant?



UT nummos, etiam si aliorum calamo jam explicatos, rursus in Theatrum adducere necesse habeamus, diversitas opinionum facit, quibus jam dilucidata interdum aliò detorquentur, coque, dum iusta Sententiarum fulcra latent, nihil aliud, quam luci tenebræ inferuntur. Idem & propositis videtur accidisse. Nonnius in prior Minervam agnoscit, casside armatam, quam ramus Oleæ coronat: idque ideo, quod in Colchide *Minerva Asia* fuerit culta, in cujus memoriam, teste PAUSANIA, à Castore & Polluce post reditum ab expeditione Colchica, etiam Templum *Minerva Asia* conditum fuerit in Laconia. In posteriore agnoscit Apollinem, capite laurea coronato, denuo ob cultum Solis, tanquam Regum suorum Authoris, apud Colchos plane peculiarem, cum Diodorus referat, Solem duos procreasse filios, Æeten scilicet & Persen, quorum ille Colchidos, hic Tauricæ regnum tenuerit. Quare Valerio Flacco hac de causa & in Templo Apollinis jus dicere consuevisse, libro 5. memoretur.

Phæ-

— — Phæbi genitoris ad aras  
Ventum, ait. huc adytis jam se de more parentis  
Rex feret, Hic proceros audit, populosque precantes  
Alloquiis facilis præsens pater admonet aequis.

Quis post tam claram interpretationem, aliam adhuc orituram credidisset? Sed orta est, & quidem calamo ejus, cujus Eruditio multum lucis deliciis nostris attulit. Rev. Harduinum dico, cujus æquitas haud opinor mihi succenserebit, si hoc loco opinionem suam clarius deducendi occasionem ei exhibeam. Itaque: Κολχων, apud Goltzium in Asia Tab. 1. sed dubie Γολχων ab eo legi oportuit, qui nummos inspexit. Nam in his Venus insculpta, seu armata seu laureata, & ex parte aversa Veneris seu Luciferi stella, quam leogradiens respicit, nomenque Pratoris adjectum ΔΩΡΟΘΕΟΣ, quæ sunt omnia a Colchorum lingua & moribus aliena. At Golti in Cypro sacrum Veneri oppidum Catullus in Epithal.

*Quæque regis Golgos, quæque Idalium frondosum*

Γόλγος πολὺς νύμφης Stephano. Unde & Αφροδίτη Γολγία. Hætenus HARDUINUS, cujus sententia, si nummis indubitæ antiquitatis fulciatur, procul dubio assensum merueris, si ad ectypon Goltzianum inclinet, vercor ut subsistere possit. Dubium movet duplex nummus, in quo difficilius fuit errare, & loco Γ. literam K. substituere. Deinde utriusque nummi Effigies, quæ neutiquam Venerem referunt, sed omnino altera Minervam casside & jubata & olæ ramo redimitâ, altera Apollinem laureatum: Utrumque qualiter Centenis in Numismatibus præstant.

Quod de Stella Veneris adfertur, nihilo firmitus est, quis enim nescit stellæ figura in numismatibus. Solem præfigurari solere? Quis nescit Regi hunc, quod jam supra diximus, generis fuisse progenitorem? Quid ex vocabulo ΔΩΡΟΘΕΟΣ contra Nonnium, quid ex Leone exurgat, non video. Léo solare animal quidni ad Solem respiciat? Dorotheus quid potius ad Cyprum, quam ad Colchos? An lingua differunt? At omnia ejus tractus urbium numismata Græca sunt, quidni & Colchorum? fateor me rationem, cur à Nonnii sententia recedendum sit, non assequi, & gratissimum foret, si de veritate opinionis contrariæ, rationibus firmis edoceret.



IX.

BOVES.

Larini & Cestri.



**G**enerosa Epirum armenta producere, & Tauros præcipue, ex OVIDIO notat Goltzii interpres NONNIUS:

*Quanto MAJORES herbida TAUROS  
Non habet EPIRUS.*

Rev Harduinus addit Plin. L. VIII. Sect. LXX. *In nostro orbe bubus Epiroticis laus maxima, à Pyrrhi, ut ferunt, jam inde Regis cura.* Et Aristotelem L. III. hist. animal c. XVI. p. 361. Ἡρωτικὸὶ βοῦς αἱ μεγάλαι. Sufficiens hæc bovis in Epirotarum Numismatibus causa foret, nisi & argumentum peculiare vetustissimæ Originis aliunde affligeret. Cognomine *Larini* dicebantur. Originem ab Hercule repetebant, nequicquam Pyrrhi curam laudantæ Plinio: nisi explosa Lyci Regini, aut Proxeni autoritate Apollodorum sequaris. Suidas audiatur, libero statuendi arbitrio: λαεινοὶ βοῦς. εἰ ἐν ἡρώται, διὰ λαεῖνα βυκόλιν, κλέψαντες βῆς ὡς λυγρὸν ὁ Ρηγῖνος, ὅτε τὰς μηρόνους βῆς ἔλαινε. περὶ δὲ αὐτὴν τὴν βοκλήα ἀνέβαιναν πῆρας τῆς δωδωναίου διῆς. Ἀπολλοδορὸς δὲ αὐτὸς Ἐυπείας, λαεινὸς. λαεινεῖαν γὰρ τὸ σπείαν. Ἀεὶ το Φάνης ἔφησι, ξηπὺ δὲ λαεινὸν ἔστω, ὁ τὴν τῆς πυρὸς θράσει ψυχὴν. αὐτὴ τὴ μέγα, διὰ μεταφορῆς πῶν βοῶν, διὰ λαεῖνα πνὸς βυκόλιν τὴν τὴν περὶ σπείαν ἐλκύναι. ἔσσι δὲ πνες, οἱ ὧν τὸ λαεῖν ἀξίωσιν αὐτὰς ἔπαι καλεῖσθαι. οἱ δὲ τὴν ΠΙ σπείαν δασύνουσιν. ἢ ἡ λαεινὸς, τὸς μεγαλοεῖνας. *Larini boves, qui sunt in Epiro, (sic dicti) à Larino bubulco, qui boves Hercules furatus fuerat, (ut scribit) Lyci Reginus, quum Geryonis boves abigebat. Proxenus vero dicit ipsum Herculem, quosdam boves Jovi Dodonæo dicasse. Contra vero Apollodorus ait,*

boves larinos vocari pingues & bene nutritos ac saginatos. Nam λαϊνέων significat saginare. Aristophanes in avibus pag. 386. v. 18. & 19. Dicere quero (vehementer cupio) aliquod jam pridem magnum & pingue, splendidum ac amplum verbum aliquod, quod istorum frangat animum, (& spiritus contundet.) Pro magnum per translationem à bobus. (Aristophanes in pace pag. 470. v. 3. λαϊνὸν ῥοῖ Schol. annot. 4. unde Suid. Lycus Rheginus dicit, ipsos) à Larino quodam bubulco hanc appellationem accepisse. Sunt autem quidam, qui censent, ipsos vocatos τῶν τὸν λαρῶν. (Larus vero genus avis marina, de qua lexica. Si legas τῶν τὸν λαρῶν dices ab eo quod est dulce, tenerum jucundum, gratum.) Quidam vero syllabam ei aspero notant, ut sit λαϊνός idem ac μεγαλοεῖνς sive μεγαλοφῖνς, eos qui magnos nares habent.

Hæc apud Suidam leguntur, ubi notandum, quod Aristophanis interpres & ipse τὸ λαρινόν pro pingui positum per metaphoram à bobus Larinis à Larino pastore ita dictis agnoscat. Ab iisdem bobus etiam Sues Larinos dictos author est Eratosthenes, apud Athenæum, ubi & varia vocis Etyma conjunguntur, οἱ ἔτιως ἐκλήθησαν, ἢ δὲ τὸ τῷ λαρινεύειν (ὅπερ ἐστὶ σιλῖζειν) ἢ δὲ τὸ ἰνός κόμης ἡ περικλῆς λαρίνης, ἢ δὲ τὸ τῷ βυκολῶν αὐτοῖς. λαρινὸν δ' ἔτ' ἐκαλεῖτο. Hos sc. boves δὲ τὸ τῷ λαρινεύειν nuncupant, nimirum quod uberiore pabulo pingues sint, vel à Larine Epiri pago, vel à bubulco, cui nomen Larinus fuit.

Antequam digrediamur, paucis adhuc mentio habenda boum Cestrinorum in Chaonia, præcipua Epiri regione. De iis SUIDAS eodem loco: Ἐν δὲ τῇ χαονίᾳ Φασί, τοιάυτης ἔναι ῥῶς, ὥς καὶ νεφερίως καλεῖσθαι. Rationem addit Hesychius: Κέσρινοι ῥῶες, οἱ ἐν χαονίᾳ. ἢ γὰρ χαονία περὶ τὴν νεφερίην περὶ σιγηρόν ἐστι, ἐστὶ δὲ μοῖρα τῆς ἡπείρου ἀνατολῆς ἐχουσα ῥῶς.

NICOSTRATIA ET HIPPONIA.



**U**Vam apud Rhodios *Rhodia* cognomen habuisse in Thefauro Palatino ad propositum numisma ex Plinio dictum lib. 14. c. 3. Hic adjicimus cognomentum *Hipponia* ex Athenæo lib. 14. p. 654. Ex cujus loco simul & de *Nicostratia*, quæ in Attica nascebatur, clarum fit. Ita ille: Λυγκεύς δ' ἐν τῇ ἐπιστολῇ πρὸς Διαγόραν ἑπαινῶν τὴν καὶ τὴν Ἀττικὴν γρόμενον ΝΙΚΟΣΤΡΑΤΕΙΟΝ ΒΟΤΡΥΝ, καὶ ἀνέλεθεῖς αὐτῆς τὸς ΡΟΔΙΑΚΟΤΣ Φησιν. καὶ δ' ἐκεί καλὸν μὲν βοτρυῖ ΝΙΚΟΣΤΡΑΤΙΩ ΤΟΝ ΙΠΠΩΝΙΟΝ ἀντεπερὶ Φυσι βότρυ. ἐς δὸς ἑκατομβυῶν μὲν, ὥσπερ ἀγαθὸς οἰκίτης ἀγαθὸν τὴν αὐτὴν ἔχων εὐνοίαν. *Lyncæus in Epistola ad Diagoram, Uvas NICOSTRATIAS Laudans, quæ in Attica proveniunt, et comparans ex adverso cum illis RHODIACAS ait: UVAE quam illic NICOSTRATIAM vocant, bonitate parem alunt UVAM HIPPONIAM, quæ veluti frugis famulus, à Junio mense eandem semper benevolentiam erga herum suum retinet.*

OLLULA RHODIACA.



**N**umisma hoc, cum in Thefauro Palatino publice contemplan- dum proponerem, vasculum, quod ei præter rosam impres- sum



# XII. CHALCEDONENSES. à Megarenſibus oriundi.



**A**D Apollinem his in numismatibus expreſſum NONNIUS Petrum Gyllium citat, libro de Boſphoro Thracio, Antiquiſſimum Apollinis templum Chalcedone memorantem, peculiari in honore, & nullis Veterum Oraculis cedens; additque, apud Scriptores cæteros altum eſſe de eo ſilentium. Rev. HARDUINUS, & fere eodem tempore & Ego in *Theſauro Palatino*, LUCIANUM in medium adduximus, ex quò Petrus Gyllius aſſertum ſuum hauſiſſe videtur; Nunc alius aſſurgendum arbitror, nec tantum Apollinis cultum ſub ejus effigie agnoſcendum, ſed & Originem Coloniae. A Megarenſibus conditam STRABO lib. 7. & THUCYDIDES lib. 4. memorant. Megarenſes autem peculiari cultu Apollinem proſecutos, non tantum ſequens eorum numiſma arguit:



Sed & hiſtoria, qua Apollinem Alcathoum in extruendis mœnibus

occupatum legimus juvisse, quo quidem tempore Citharam ad lapidem deposuit, qui inde, si quis calculo tetigerit, eundem sonitum fingebatur edere, quem Cithara, si pulsétur. Ea de re VIRGILIUS in *Ciri*.

*Sæpe lapis recrepat Cyllenia munera pulsus  
Es veterem sonitu Phæbi testatur honorem.*

Sed hæc & ea, quæ Ovidius ea de re cecinit, ad propositum nummum jam attulit Nonnius. Luciani verba subjicimus. ἀφικόμενοι εἰς τὴν Χαλκηδῶνα, Χερσησιμον ᾧ π ἔμους ἢ πάλις αὐτοῖς ἔχειν ἔδοξεν ἐν τῇ Ἀπολλωνῆος ἱερῇ, ὅπερ δεχαιόμενοι εἰς τὴν χαλκηδονίους &c. Cum Chalcedonem venissent (nam id oppidum visum est hac parte non nihil illis conducibile habere) in APOLLINIS TEMPO quod est apud CHALCEDONIOS ANTIQUISSIMUM &c. Subjicimus & testimonium de Colonia à Megarensibus deducta, in quo totius asserti nostri cardo vertitur, & ex quo simul patebit, non abs re Luciano Apollinis apud Chalcedenses templum antiquissimum dici, utpote, quod primi ejus incolæ Megarenses hoc munere Apollinem, etiam ad hujus suæ urbis primordia & incrementum vocaverint, simulque suas origines, simul cum patriæ divinitatis cultu, consecravcrint. Verba THUCYDIDIS sunt: Ἀφικνέεται εἰς χαλκηδῶνα τὴν ἐπὶ τῇ εὐμαλῇ πρὸ πάντων μεγαρέων ἀποικίαν. pervenit Lamachus CHALCEDONEM in Ponti faucibus sitam, MEGARENSIUM COLONIAM. STRABONIS sequentia: τὸν Ἀπόλλω Φασὶ τοῖς κτίστοσι θεοῖς βυζαντίου ὑπερὶ μὲν τὴν ὑπὸ μεγαρέων χαλκηδὸν καί τινι χερσησιαζομένοις ποταμῶν. Apollinem ferunt iis, qui CONDITA jam CHALCEDONE à MEGARENSIBUS, Byzantium condiderunt, oraculum suscitantibus mandavisse &c.



# XIII. SYRACUSANI

sub  
ICE TA.



**Q**uid vocabulum ΕΠΗΚΕΤΑ in aureo Syracusanorum, quod proponimus numismate significet, Neminem scio, qui explicatum dederit. ΕΠΗΚΕΤΑ legunt Goltzius & Paruta, & quicumque de eo verba fecerunt. Mihi nummum Cimeliarchii Electoralis Brandenburgici accuratius inspicienti virgula illa, quæ II in H conjungit, non apparet; prout nec apparet in trigesimo primo aureorum Parutæ: Indeque conjectura subit, hanc vocem non conjunctim ΕΠΗΚΕΤΑ, sed divisim ΕΠΗ ΙΚΕΤΑ legendam esse, eodem modo, quo ΕΠΗ ΙΕΡΑΚΟC *sub Hierace* in Arzanitensium numismate apud Rev. Harduinum. Licet enim Ictas Leontinorum Tyrannus fuerit, constat tamen, cum Syracusanum Origine, imò & contra Dionysium juniorem à Syracusanis evocatum esse: Et licet Tyrannidi eorum inhiaret, tamen alio prætextu urbem obsedisse, eaque præter Insulam potitum esse, eò usque, donec Timoleontis metu Leontium regrederetur. Hæc à DIODORO SICULO & STRABONE latius deducta, sufficientem conjecturæ nostræ lucem videntur afferre; Neque mirum est, quod Ictas non, ut reliqui Tyranni, βασιλεὺς cognominetur; ad exitum enim rem non perduxit, neque dejecto Dionysio, Regium apud Syracusanos culmen ascendit. Non obstat, quod Diodoro Siculo *Syracusanorum Tyrannus* & Δυνάστης Princeps vocatur; hæc enim vocabula non regie dignitatis sunt, sed potestatis perpetuæ, ea in civitate, quæ libertate antea usâ fuerat. De vocabulo *Tyranni*, & Testimonio CORNELII NEPOTIS constat, &

exemplo Miltiadis. Hic enim eodem autore in *Chersoneso Tyrannus* erat appellatus, regiamque dignitatem obtinuit, quamvis careret nomine.

# XIV. AKPAΓΑΣ NYMPHA.



**C**Apit, hoc Numismate expressum, Goltzius in Indice conjicit esse Demaretæ, Theronis filia, à qua Demareteus nummus fuit. Mihi id mirum videtur, idque ea potissimum ratione, quod Demaretæ effigies, si in numismatibus expressa fuit, expressa procul dubio fuit in nummis ab eacognominatis, in quorum numero propositum ut colles, adscripta magnitudinis mensura impedit, quæ vix 2. drachmas adæquat, cum tamen Demareteus nummus X. drachmarum fuerit. Quid dicemus? an caput hoc PROSERPINÆ tribuimus? an PUDICITIÆ? an JUNONI LUCINÆ? an CONCORDIÆ? Concordiæ templum Lilybetani ab Agrigentinis victi ex foedere erexere. Templum Junonis Lucinæ pessum dedit Gelliae desperatio, nobilitavit Deæ simulacrum, Zeuxidis opus, quod ad exemplum quinque præstantissimarum virginum expresserat. Fanum Pudicitiae omnium, excepto Jovis Olympici, maximum erat, & celeberrimum. Templum Proserpinæ tanta Anaclypteriorum & Theogamiorum veneratione colebatur, ut hinc Lyrico Agrigentum *Proserpina sedes* vocetur. Sed de Concordia, Junone & Pudicitia nulla lis esse poterit; Concordia enim comas lauro nexa Ovidio canitur, quod in proposito secus est: Junonem absentia sceptri arcet: Pudicitiam arcet veli defectus: De Proserpina dubitari posset, nisi adscriptæ literæ AKP. potius ad AKPAΓαvη, Nymphæ sub Schemate præfiguratam, respicere juberent. Urbes feminea specie vel centena numismata exhibent; Sed id Agrigentum peculiare habet, quod



quod non turrito capite, sed splendidae cujusdam Reginae forma prodeat, plane qualem Pindarus allocutus est; in Pyth. Od. XII.

Ἀπείω σε Φιλάγλαε καλ-  
λίττε βροτῶν πόλιν,  
Φερεσφόνει εἰς ἄ-  
τ' ἔχθαις ἐπὶ μηλοβότῃ  
Ναίει, Αἰοσίγαντι εὖ  
δματον κολώναν, ὡ ἄνασ-  
σ' Ἴλα, Ἀθανάτων,  
Ἀνδρῶν τε, σὺν εὐμενείᾳ,  
δέξαι σεφάινωμα. &c.

*Rogote, O SPLENDORIS AMICA,  
PULCHERRIMA humanarum ur-  
bium, Proserpina sedes, quae  
ad ripas pecorosi  
inhabitas Agrigenti, bene edi-  
ficatum collem. O REGI-  
NA Propitia immortalium  
hominumque, cum benevolentia  
accipe coronam &c.*

Ad hæc Pindari addantur & Scholiastæ verba: ὁ λόγος ἀπόστασις τῆς πινδάρου πρὸς τὴν ΗΡΩΙΔΑ ΤΗΝ ΑΚΡΑΓΑΝΤΑ, ἣ καὶ τὴν Αἰοσίγαντα πόλιν. Et paulo post: ἥτις ἐν ταῖς ἔχθαις τῆς προβατοτροφῆς Αἰοσίγαντι, τὴν εὐκαίαστικαυτον Αἰοσίγαντα τὴν ὀμνύμεν σαιτῇ οἰκῆς πόλιν.

Hæc quam concinne opiniononi faveant nemo non videt. Unicum addimus: eleganter scilicet Agrigentum Heroïnæ, & Reginae sub forma surgere, cum Acragas fluvius sub forma pueri, ÆLIANO teste, fuerit effictus.

# XV. NAUPLIUS.



**N**On dubito, conjecturam de *Nauplio*, quam hic in medium adducimus, primo adsp̄ctu minus probabilem visum iri, quòd Eubœæ ille fuerit Rex, & facinore sibi famam circumpolaret, inter Græcas urbes potius abolendo, quam duraturis ad aternitatem monumentis consecrando.

Quicquid sit, juvabit tamen rationes pro eo militantes trutinare, libero Lectoris arbitrio, an satis validas, an vero rejiciendas censeat. Princeps argumentum, quod *Nauplium* arguit, est habitus figuræ, monti insistentis, faciemque præferentis; Is enim habitus planè convenit cum habitu *Nauplii*, quo revertentem à Troja Græcorum Classẽm subdola face in asperrimos scopulos pellexit. Audiamus *HYGINUM*: *filio Capto*, inquit, & divisa prædâ, *Danai* cum domum redirent, ira Deorum, quod sana spoliaverant, & quod *Cassandram Ajax* Locrus à signo *Palladio* abripuerat, tempestate & flatibus adversis ad Saxa *Capharea* naufragium fecerunt, in qua tempestate *Ajax Locrus* fulmine est à *Minerva* ictus, quem fluctus ad saxa illiserunt, unde *Ajaci* *Petra* sunt dicta. Ceteri noctu cum fidem Deorum implorarent, *Nauplius* audivit, sensitque, tempus venisse ad persequendas filii sui *Palamedis* injurias. Itaque, tanquam auxilium eis afferret, FACEM ARDENTEM eo loco EXTULIT, quo saxa acuta & locus periculosissimus erat. Illi credentes humanitatis causa id factum, naves eo duxerunt: quo factò plurimæ earum confRACTÆ sunt, militesque plurimi cum Ducibus tempestate occisi sunt, membraque eorum cum visceribus ad saxa illisa sunt; si qui autem potuerunt ad terram natare, à *Nauplio* interficiebantur.

Ex

Ex his facem ardentem extendentis, qualiter in numisinate cernitur, ad oculum patet habitus. Suffragatur & PROPERTIUS Lib. IV. El. I. Trojam affatus:

*Nauplius ultores sub noctem porrigit ignes,  
Et natat exuvium, Gracia pressa, tuis.*

Aufonius ex montis vertice id actum, qui & ipse in numisinate visitur, haud obscurè innuit, in Monosyll.

*Ulix flagravat de rupibus Euboicis fax*  
& clarius adhuc Servius L. XI. Æn. pag. 632. ad verba: Ulitorque Caphareus. *Ulix*, inquit, *ideò dixit, quod Nauplius Palamedis Pater dolens filium suum factione interemptum, cum videret Gracos laborare, montem Caphareum ascendit* & *ELATA FACULA* signum dedit vicini portus, qua re decepti Graci inter asperros scopulos naufragium pertulerunt.

Sed hæc utique patent: Non æque ratio, cur Nauplius in numisinate Buthrotion credi debeat expressus. Neque enim Euboicorum vel coloni vel vicini fuerunt: & quid hominem jactarent toti Græciæ damnosum? Quid facem, quam Hyginus inter sceleratas reposuit? Dicam quod rem esse existimo: Buthrotum quidam à Buthroto conditore denominatam ferunt: Alii vero, ut Teucer Cyzicenus apud Stephanum, Helenum, ajunt, versus occasum navigantem, cum in Epiro *Δωρσανηία* sacrificaret, & bos Victimarii manus effugisset, & per pontum ad hunc usque sinum perveniens, hærente in cervice vulnere eò loci moribundus procubisset, velut fato quodam monitum, Buthroto nomen ex facto imposuisse. OVIDIUS Helenum Buthroti Regem facit.

— — regnataque Vati  
*Buthrotos Phrygio.*

facit & Vatem, eodem modo, quo & VIRGILIUS l. 3. cui etiam *interpreter Divum* audit;

*Trojugena interpret Divum, qui numina Phæbi  
Qui tripodas, Clarii lauros, qui sidera sentis,  
Et volucrum linguas, & præpetis omina penna.*

Scilicet Helenus, qui Buthroto nomen dedit, & Vates & Rex fuit, imò & vaticinia ei Regnum peperere. Audiamus eundem Servium ad lib. II. pag. 232. *Helenus*, inquit, *apud Arisbam captus à Gracis est: Et indicavit coactus fata Trojana, in*

quibus etiam de Palladio. Unde dicitur à Pyrrho regna meruisse :  
*quanquam praestiterit Pyrrho, ut rediret per terram, dicens, omnes  
 Græcos (quod eſt contigit,) naufragio eſſe perituros.* En Helenum  
 Vaticanis regna merentem ! En regna merentem à Pyrrho ! an quod  
 fata Trojana, & inter ea quoque de Palladio prodiderit ? Atqui hoc Di-  
 omedem potius, aut Ulyſſem concernit, qui Palladium abſtulere : An  
 quod Pyrrho praestitit, ut rediret per terram, dicens, omnes Græcos,  
 quod & contigit, naufragio eſſe perituros ? Id non abs ratione credi-  
 deris ; Vita enim regno carior eſt. Regnum igitur, & in eo Buthroti  
 poſſeſſionem vaticinio obtinuit, non quovis, ſed eo, quo Naufragium,  
 Nauplii aſtu Græcis exitioſum prædixit, Pyrrhum ſervavit, & im-  
 menſam ſpiritus fatidici ſibi gloriam circumpoſuit.

Hæc cum ita ſint, jam adeò abſurdum non erit, ſi Nauplium in  
 Buthrotiæ numiſmatibus fateamur ; Licet enim fax ejus ſclerata  
 fuerit, Buthrotii tamen non notiore ſigno gloriam Conditoris ſui ad-  
 umbrare potuerunt, quam vulgato ſcelere, cujus effectum prædicen-  
 do, & gloriam meruerat, & regnum : Eodem plane modo, quo in  
 Corinthiorum numiſmatibus non tantum Bellerophonem Chime-  
 ram debellantem conſpicimus, ſed & Chimeram ſolam, licet mon-  
 ſtrum hoc non minoribus à Corintho ſpaciis abſuerit, quam abſuit ab  
 Eubœa Buthrotus.

Hæc dum dico, nummumque juxta conſidero, ſubit conjectura,  
 mera illa quidem, ſed tamen forſitan non reſpuenda : Scilicet, annon  
 Buthrotii credendi ſint, non tantum Numiſmate Nauplium vulgâſſe,  
 ſed & ipſius ſtatuiam monti ſuo cum face impoſuiſſe, eaque Phari in-  
 ſtar uſos eſſe ? Id ut arbitreris, Buthroti ſitus poterit ſuadere, de quo  
 VIRGILIUS

*Ceſſam Buthroti adſcendimus urbem.*

& Interpres ejus SERVIUS : *Poſita eſt, inquit, Buthrotus in ſaxo, quod  
 mari cingitur :* Poterit ſuadere columna, quam non tantum monti  
 impoſitam, ſed etiam, cui Nauplium acclinem & innixum cernimus,  
 quod in coſoſſis ſolet, ne pondere corruant.

Sed hæc, ut dixi, mera conjectura ſunt, & ſi nec in ſuperioribus fidem  
 fecero, attamen rem ulterius examinandi ſubminiſtra-  
 vero occaſionem.

XVI.  
KYΘNIOI TYPOI  
CASEI CYTHNII.



**F**Oeminam in Siphniorum numismate cum facula & canegradi-  
cientem Rev. HARDUINUS Dianam venatricem facit, & rectè. Ea-  
dem omnino facula, idemque canis Venaticus occurrit etiam in  
propositis, unde nescio an errare possim, si caput muliebre eidem Di-  
anæ adscribam; Licet enim aperto idonei Authoris suffragio hæte-  
nus destituar, mirum tamen videri non debet, Insulam divinis incuna-  
bilis vicinam, Dæ honorem habuisse, cum & cæteræ Cyclades id fece-  
rint, cum & Jupiter Pater, apud CALLIMACHUM, *Tredecim Urbes, &  
surrim non unam, Dianæ daturum*, polliceatur: *Tredecim urbes,  
quas solam Dianam invocant: Urbes multas, tam mediterraneas,  
quàm insulas, communiter cum aliis dimetiendas, in quibus omni-  
bus Dianæ ara & nemora sint.*

Sed de his præcipuus nobis sermo non est. Casei in mentem  
veniunt, qui apud Cythnios tantæ præstantiæ fiebant, ut non abs ra-  
tione Doctissimus BOCHARTUS inde Nominis Etymon deduxerit.  
Cythno, inquit, *videri queat nomen fecisse קטניו Katnuth PAR-  
VITAS, nam exigua est insula. Tamen aliud succurrit, quod  
licet minus obvium, fortasse multò est verius. Κύθνη τρεῖς*

**CYTHNIUS CASEUS** fuit olim valde celebris. Ita observant Stephanus & Eustathius, ubi de Cythno. Et à Polluce lib. 6. cap. 10. Τῆς κίθνης τε καὶ Σικελικὸς, Caseus Cythnius & Siculus censentur inter τὰ παλαιῶν ἐδεσμάτων ἀδένιμα cibos apud veteres maxime probatos; & paulò post: Propter Casei dotes Cythnius phœnicice, ut suspicamur, dicta est Insula γούβνα Gubna vel Guphno, quomodo Syri hanc vocem efferunt, id est Insula Casei.

Quorsum hæc, inquis? Non ut Etymologiam defendam, cum alii à Cydno conditore eam deducant; sed ut ostendam, Caseos Cythnios in propositis nummis effigatos nobis non absurde videri. Caseos quinq; sub quinq; minutis circulis intelligimus, sub circulo majore intelligimus orbem sive pateram, quibus Casei imponi solent. Minuti procul dubio erant, utpote ex lacte ovium, quod ex Vicina Cio intelligas, cujus casei non minus ac Cythniorum eodem sub nomine, venibant, de quibus Ælianus lib. 16. cap. 32. de animalibus, ex Æschylidis libris de re rustica memorat, oves in solo sterili Cytiso, ficus & olea foliis, siliquis & spinis nutritos lac emittere, ex quo fiat **CASEUS PRÆSTANTISSIMUS**, vocari autem **CYTHNIUM**, ejusque Talentum venire Drachmis centum & nonaginta.

De Cythno notum est, esse Insulam juxta Atticam sub Eubœa, Cææ vicinam, Dianæ fano memorandæ, uti apparet, ex **ANTONIO LIBERALI** Metam. fab. 1. Notum est, antiquitus habitam, utpote quam Amphitruo everterit, unde postea proverbium Κυθναϊκὴς Συμφορῇ Cythnia calamitates, de quo **SUIDAS** & **ERASMUS**. Notus est & Cydnius pictor, apud **STEPHANUM BYZANTINUM**, quem Cydiam dictum, cujusque tabulam *Argonautas* Hortensium Oratorem mercatum, eique ædem in Thusculano suo fecisse, **PLINIUS** Author est; sed inter alios Græcos ad Plateam contra Mardonium etiam Cythnios stetitisse, quod Pausanias refert: Sed Aristotelem Κυθνίων πολιτείαν scripsisse, quam Harpocration citat, haud forsitan adeò vulgare arbitraberis. Utrumque sane documento est, etiam de hac Insula posse dici, quod Callimachus in Delum cecinit:

Ἀπασαί κυκλάδες αἱ Νήσων ἱερώταται εἰν ἅλϊ κῆνται  
Ἐὐῦμοι.

*Omnes Cyclades, quæ sacratissima in mari jacent, laudibus referta sunt.*

# HYDRIA ARGENTEA.

Opuntiorum donum.



**V**Asculum, quod hoc in nummo occurrit, GOLTZII interpretis silentio præterit. Rev. HARDUINUS Cantharum interpretatur, atque, argumento cum esse, quod Libero Patri ager ille faceret, & Vini terax, eo quod uva & hedera ex vase hoc emergant. Mihi *Hydria* videtur, & ea quidem, quam ex collecta Tyrannorum Phocensium, qui sacra Apollini donaria conflaverant, pecunia argenteam Opuntios fecisse, Deoque rursus consecrassè, apud Plutarchum de Pythii oraculis legimus. En verba! \**Ἄξιον δὲ καὶ τῶν πόλεων εἶναι τοιαύτων εἶναι ἀναθήματα ἡμῶν ἢ ἀγαθὰ, οἷον τὸ Ὀσωντίων. ἐπεὶ γὰρ οἱ Φωκίῶν πόλιν πολλὰ τῶν χειρῶν ἢ δεξιῶν ἀναθημάτων συγχέαιτες ἐκοίμην νόμισμα καὶ διέσπειρον εἰς τὰς πόλεις, Ὀσωντίοι συναγαγόντες ὅσον δεξιῶν, ὑδαίαν ἀνέπεμψαν ἐνταῦθα τῷ θεῷ καὶ καθέλωσαν.* Dignum est etiam urbium, si qua sunt talia donaria, ea venerari. Quale imprimis est Opuntiorum. Cum enim Phocensium tyranni multa aureorum & argenteorum donariorum conflavissent, & ex ea massa cusam monetam per urbes dispersissent, OPUNTII tantam collegere, ut HYDRIAM ex ea ARGENTEAM conficerent, eamque heic dedicaverunt. Hæc quam apposite nummum nostrum explicent, nemo non videt. Neque enim dubium ab uva & hedera deduces, quod vas vinarium ex videantur designare, cum hydria ex Etymologia potius aquaticum sit. Constat enim non tantum aquis, sed etiam aliis liquoribus inservisse. Unicum testimonium, sed quod rem proxime tangit, ex JULIO POLLUCE adjicimus: *Ἐν δὲ τῆς ἀρχαίας τιτύοις ἂν ἢ ἁς εἶηκεν ΔεισοΦάνης ἐν οἰκίᾳ σὺν οἰκίᾳ εἶναι. ἐν δὲ τῇ γῆρᾳ*

*Ἐφ' ὑδαίαν δαδείκην πεντήκην, ἢ μέζονα.*

ὡς τε ὁ μόνον ὑδατῶς, ἀλλὰ καὶ τὴν αἰθέρα ἢ ὑδεῖα ἦν. hoc est interpretetur Rod. Gualthero: *Intervasa quoque referantur, quas ARISTOPHANES, in Holcadibus, HOLCAS VINI vocavit, & in Senectute*

*Urnas mutuo dare quinque chius capientem aut majorem.*

*adeo, ut HYDRIA non aqua modo, sed & VINI VAS fuerit.*

## XVIII. MINERVA HIPPIA.



**F**iguram galeatam, & cum jaculo juxta Equum, stantem Lud. NONNIUS Militem interpretatur, eo quod Equestri gloria Bisaltæ floruerint, valdeque fuerint bellicosi. Gloriam Equestrem non negabo. Mos Equis propriis venam incidendi, sanguinemque cum lacte concreto bibendi, cujus Virgilius III. *Georg.* testis est, rem abunde demonstrat. Si vir in numismate esset, adducerem & Livium, qui *Bisaltas fortissimos viros* facit; Sed foeminam habitus prodit, idem plane, qui Amazonum solet esse: Idem, qui & Romæ terrarum Domina, gentiumque Deæ, quæ Claudiano teste

*Innupta ritus imitata Minerva  
dextrum nuda latus niveos exerta lacertos  
audacem reteggit mammam -- --*

*-- -- galeæque minaci  
flava cruentarum prætenditur umbra jubarum.*

Quæ verba non tantum Romæ quadrant, sed & figuræ in numismate Bisaltarum expressæ; adeo, ut vel hinc conjectura subeat, non tam virum, quam foeminam eo exhiberi. Si vir esset, haud forsan absurdè *BISALTEN* statuerem, Solis & Terræ filium, à quo Bisaltæ nomen descendere, *STEPHANUS* Authore est; Sed cum foemina sit,



virum, quam foeminam co exhiberi. Si vir esset, haud forsân absurde *BISALTEN* statuerem, Solis & Terræ filium, à quo Bisaltiae nomen descendere, *STEPHANUS* Author est; Sed cum foemina sit, *Minervam* arbitror, non quamvis, sed *Hippiam*. Cùm *III. PATINUS*, & post eum *Rev. HARDUINUS* in hoc Gortyniorum numismate



Minervam hippiam agnoverint, galeâ absente, multo magis in numismate Bisaltarum agnoscenda erit eadem, cum non tantum solitis insignibus, Casside & hastili, fulgeat, sed & adumbret originem coloniae ab Atheniensibus in Bisaltiam deductæ. Minervam Hippiam Atheniensium coloniam esse, docet *PLUTARCHUS* in Pericle. *Χιλίας μὲν ἔστειλεν εἰς χερρόνησον κληρέχης, εἰς δὲ Νάξον πεντακοσίαις, εἰς δὲ Ἄνδρον ἡμίσεϊς τάπων, εἰς δὲ βορέην χιλίας Βιστέλαις συνοικήσεντες.* Mille colonos chersonesum misit: Naxum quingentos: Andrum ejus dimidium. In Thraciam mille adscripsit *BISALTIS*, &c.

## XIX. THEBANI Scutiferi.



**S**cutum in Thebanorum, imò & reliquorum Boeotorum Numismatibus Nonnius ad Herculis factum refert, quo arma ex  
E  
tem-

templis auferens Thebanos ab Ergini & Minyarum dominatu in libertatem legitur vindicasse; Lectorem tamen dispicere jubet, si quid certius occurrat. Rev. Harduinus ad Thebanorum fortitudinem respicit, quod Epaminondas aliisque vulgò noti sint. Forſan ad Scutum Herculis respicias, quod elegantissimo carmine celebravit Hesiodus, præsertim cum clava imposita id determinare videatur; Sed figuratum id erat, & Poëtico magis, quam historico cælaturum genio. Tutius Thebanos Scutis hujusmodi usos asserueris, non vana conjectura, sed idoneo nobilissimi Authoris testimonio. Cadmeos sive Thebanos Φερεσάκεις, *Scuta ferentes* appellat idem Poeta, v. 13:

Ἐς Θήβας ἰκέτευσε Φερεσάκεις καὶ μείως,  
*Thebas venit supplicans SCUTATIS CADMEIS.*

Ubi Joh. Tzetz. Ἐς τὰς Θήβας περσέφυγον ἐπὶ τὰς πολεμικὰς καὶ μείως, ἢ ἐπὶ τὰς ἔχοντας μεγάλας Ἀσπίδας. *Thebas profugit ad bellicosos CADMEOS vel ad MAGNOS CLYPEOS HABENTES.* Adde & v. 24:

Βοιωτοὶ Πληξίπποι ὑπὲρ Σακίων Πρέιοντες.  
*Boetii Equitando insignes supra CLYPEOS animum gerentes.*

In tantum, scilicet, Scutorum apud Thebanos invaluit usus, ut & Pindarus Thebanam urbem, cujus Statuam Pausanias in Messeniâ memorat, & ipsam χεῖριστον, *aureum Clypeum gestantem*, vocaverit in Istm. Od. i. pr. adde, ut non omninò satisfaciât, quod Interpretes in genere de armis id intelligant, nisi speciem unam pro omnibus positam contendas. Cataphractus certè fuisse ex Homero discas, cui Boetii χαλκοχιτώνες memorantur, Il. o. v. 330:

Τὸν μὲν Βοιωτῶν ἡγήτορι χαλκοχιτώνων.  
*Hunc quidem Boetiorum Ducem areas tunicas habentem.*

# MERCURIUS EPITHALAMITES,

Et Galli Chalcidici.



**D**E hoc Carystion numismate, inter Golziana proposito, licet non taceat interpres Nonnius, tamen rationem, cur Mercurius & Gallus in eo fulgeant, non suggerit. Similiter nec Rev. Harduinus, nisi quod Gallum ad cultum Solis referat, cui hæc avis sacra fuerit. Qvod de Gallo dicit, licet ex Pausania aliisque Authoribus constet, vereor tamen de proposito numismate asserere, cum si non alia ratio foret, potius ad Mercurium pertinere posset, Cujus in adversa effigies visitur; Sed de hoc priore loco dicendum. Mercurium agnoscis ex habitu. Mercurium *Epithalamiten* conjicimus ex loco signaturæ & auctoritate Hesychii. Locus signaturæ est Carystus urbs Eubœæ, & in Eubœa Mercurium Epithalamiten cultam Hesychius testatur: *Ἐπιθαλαμίτης. Ἑρμῆς, ἔναι Εὐβοίᾳ.* Quid sub vocabulo *Ἐπιθαλαμίτης* designetur, obscura apud Authores ratio est. LILIUS GYRALDUS quidem nuptialem interpretatur, & posset fortassis ei succurrere MARCIANUS, qui de Nuptiis Mercurii librum inscripsit. At *Epithalamiten*, imò vero & *Thalamiten* quis hæctenus pro nuptiali posuit? *Ἐπιθαλαμίτης* nisi apud HESYCHIUM, nullibi, quod sciam, legimus. *Θαλαμίτης* autem ARISTOPHANIS SCHOLIASTES nō ad nuptias refert, sed de remige inferioris ordinis interpretatur, ἥστιν *τρεῖς τῶν ἐρεμῶν. Καὶ ἡ μὲν καὶ τὸ θαλαμί. Ὁ θαλαμίτης ὁ πρῶτος πρῶτος.*

πρωτον. *Tres erant Remigum ordines. Inferior θαλαμῖν. Item θαλαμῖνς ad proram.* Quæ tamen Baysius, notante STEPHANO, secum pugnare scribit, ut quæ θαλαμῖνς ad proram collocent, & tamen Inferioris ordinis remiges esse velint, ideoque θαλαμῖνν solum cum dicit esse, qui ad proram remigat; Sententiam si admittas, ex bonæ Compositionis Regula Επιθαλαμῖνν Mercurium cum credideris, qui proræ remigibus præest, adeoque Deum agnosces non terrestrium tantum, sed & maritimorum itinerum Principem, id quod vel idcò forsàn non adeò absurdum videbitur, quia Astrorum cognitio, cujus secundum Manilium Cyllenius Author creditur, navigantibus maximè necessaria est, & tantum non unica viarum maritimarum Cynosura est. Sed hæc politiori iudicio relieta sunt.

De Gallo adhuc dicendum; Mercurio sacrum, ejusque Assesorem esse, ipse Gallus apud Lucianum fatetur. Rationem tradit Mythologia, quod Literati & negotiatores, quorum Deus Mercurius est, Vigilare necesse habeant. In numismate non Mythica tantum, quæ & in aliis Antiquitatis monumentis, quorum haud rara passim exempla prostant, sed concurret etiam historica, cum Galli Chalcidici in Chalcide Eubææ urbe, haud procul à Carysto distante, frequentes, & ob pulchritudinem pugnacitatemque celebres memorantur, licet ad proliferationem fuerint ineptiores. M. Varro Lib. III. de Re rustica asserti Author est: Nec tamen sequendum in Seminio legendo tanagricos, inquit, ac Medicos ac Chalcidicos, qui sine dubio sunt pulchri, & ad præliandum inter se maximè idonei, sed ad partus sunt steriliores.

## XXI. VENUS DEXICREONTIS.



Sami



Θαίς δὲ καὶ πολὺ ὕδωρ ἐνέμενεν· ἐξέπλυσεν, εἶτα νηνεμίας καὶ χαλῆνης ἐν τῷ πελάγῃ καὶ ἀναχέουσης, διψῶσι τοῖς ἄλλοις ἐμπόροις ἢ ναυκλήροις ὕδωρ πωλείσκων, ληρύειον πολὺ συνήθροισεν· ἐκ δὲ τῆς καὶ ἀσκησίας τὴν θεὸν, ἀφ' ἑαυτῆς προσηγάρευσεν. *Cur in SAMO DEXICREONTIS VENEREM* invocant, an quod Samias mulieres, cum pra luxu & luxuria libidini indulgerent, Dexicreo Circulator, piacularibus quibusdam ritibus adhibitis, Vefania ista solvit? aut verius est, quod dicitur? Dexicreo cum esset nauclerus Samius mercatura faciunda gratia in Cyprum navigavit. Eum jam navem oneraturum Venus nihil aliud importare, quam aquam iussit, & illico arvehi. Paruit Consilio, multaq; imposita aqua solvit. Mox cum altum ventorum silentium & tranquillitas in mari obtinuisset, reliquis mercatoribus & naucleris situ laborantibus, aquam divendens multum corrasit argenti. Itaque Dea simulacrum à se nominatum dedicavit.

## XXII. VENERIS CUM ANCHISE CONCUBITUS.



**D**E Venere Samiorum modo diximus, de Veneris cum Anchise congressu, quem in proposito eorum, uti ex adjec-  
ta Junone patet, intuemur numismate, paucis adhuc dicen-  
dum. Idem planè trium figurarum habitus etiam, in Juliorum nu-  
mismate prostat: Nec hætenus dubium fuit, quin in honorem Cæ-  
saris, ex Julio Veneris Nepote oriundi, Veneris cum Anchise, ut di-  
ximus, congressus, iis adumbretur, adeò, ut de re ipsa, tanquam no-

ta,

ta, laborandum non videatur, sed potius dispicienda ratio, Cur Samii numismate eam expresserint? An ut & ipsi Cæsaris Gloriæ li-  
tarent? Atqui vix id egerint eo typo, qui nihil ad se pertinebat? An Trojanorum consuluerint memoriæ? Sed quid Samo cum Troja? Dicam quod sentio; Vel hoc numisma Samo-Thracum est, vel Samii Samo-Thraciæ decora, ut suam gloriam extollerent, simulq; Romanis adularentur, mutuati sunt. De Samo-Thracibus docet Scrvius lib. 3. Æn. ad verba, *Penatibus & magnis Diis*, Deos magnos cælum & terram putari, ac per hos Jovem & Junonem Deos Penates à Samothracia sublato, & ab Ænea in Italiam advectos esse, Indeque *Samothraces Cognatos Romanorum* dici. En Samothracæ Cognati Romanorum! quid mirum ergo, si divinam Romanorum originem eo typo celebraverint, qui cognationis Romanos admonere poterat? quique simul & Regionis suæ situm indicaret?

Ἐντεῦθεν ὃ Ἐφαίνετο πᾶσι μὲν Ἰδῆ,  
Φαίνετο δὲ Πειραιμοῦ πόλις ἔνθ' ἦν Ἀχαιῶν.

*Inde Ida videbatur tota & Priameia tellus,  
Et Grajūm naves.*

Ida tota, in qua Venerem cum Anchisæ concubuisse Poëtarum affertum est, Ovid. in Epist.

*Phryx erat Anchisæ volucrum cui Mater Amorum  
Gaudet in Ideis concubuisse jugis.*

Et quid si Trojanorum etiam cum Samothracibus cognatio in mentem veniat? Jasion & Dardanus fratres, Strabone teste, Samum Thraciam habitarunt, quorum ille ob peccatum in Cererem, fulmine cum periisset Dardanus, ἀπίεας, ἐκ Σαμοθράκης ἐλθὼν ὃ κησεν ἐν τῇ ὑποφείᾳ τῆς Ἰδῆς πρὶν πόλιν Δαρδανίαν καλεῖσθαι. Καὶ ἐδίδαξε τὸς πρῶτας πρὶ ἐν Σαμοθράκῃ μυθήσεια. *Ex Samothracia profectus in vicinia Ida Dardaniam Urbem edificavit, Trojanos Samothracum Mysteria docuit.*

Sed ais, in numismate non Samothracum, sed Samiorum nomen occurrere, adeoque numisma horum potius videri? Responderi posset ex eodem Strabone: Sami nomen etiam Samothraciæ olim

olim datum esse, sed si quis ob Junonis caput, Samique Jonicæ celebritatem, non Samothraciæ numisma tribuat, sed Samo, nec huic refragabimur, modo agnoscat, notissimum Samothraciæ decus, non minore audacia suæ gloriæ Samios attexuisse, quam attexerunt Veturitatem & ortum, Samothraces à Samiis oriundos mentientes, quos tamen Geographus lib. 10. graphicè refutat.







RIMUM hæctenus Viridarii nostri ex-  
gimus segmentum, recensendo Numismata  
qvædam, quorum interpretatio haud adeò  
videbatur apparere. Nunc ad SECUN-  
DUM transimus, contemplaturi *Gemmas*,  
numero quidem paucas, sed vel raritate spe-  
ctabiles, cum pars *ex Thesauro*, heu quondam! *Palatino* deprom-  
pta, hæctenus autem vulgata non sit; vel denuò interpretationis no-  
vitate, quæ ab aliis jam vulgatas in Theatrum rursus adducere jubet:  
Palatinas præmittimus.

I.

## P E G A S U S.

Hippocrenen in Helicone aperiens.



Carico.

**P**egasum, Neptuni & Medusæ Filium, inde dictum, HESIO-  
DUS ait, quòd ad Oceani fontes natus sit. BOCHARTUS  
ab Ebraico vel Syriaco פג פג, vel פגא, quod *frenum*  
significat, & סוס, quod *equum* sonat, compositum *Pegasus* de-  
scendere

scendere arbitrat, cò quod ἵπῳ χαλινάγωνμένῳ is fuerit. Frenum Pegaso Minervam injecisse, indeque χαλινίπδα dictam, ex PAUSANIA constat. An autem inde nomen ipsius Pegasi descendat? haud forsan abs ratione dubitaveris; neq; enim ab eo demùm tempore nomen suum accepit, quo freno domitus est, neque deinceps frenum patienter tulit. A fonte δ'αὖ τῆς πηγῆς dictum, vel ideo potius credas, quòd non tantùm ad Oceani fontes natus sit, sed & aperto in Helicone fonte, quem ab eo *Hippocrenen* dixere, ortum suum denuò inculcaverit. Res in Gemma nostra ad oculum patet, nec defunt Poëtarum testimonia. Aratus in Apparentib. vers. 213. seqq.

ἱερὸς ἵπῳ.

Κῆνον δὲ ἢ Φασὶ κατ' Ἰφίλῃ ἐλκῶν  
Καλὸν ἰδῶρ ἀγαθὴν δαλδέει ἵπῳ κρήνης  
Οὐ γάρ πε ἐλκῶν ἄκρ' ἀλεείβετο πηγῆς,  
'Αλλ' ἵπῳ μὲν ἔτυψε τόδ' ἀθρόον αὐτόθεν ἰδῶρ  
'Εξέχυτο πλεῖστην περὶ πόδος. Οἱ δὲ νομῆες  
Πρῶτον κῆνον ποτὲν διεφήμεσαν ἵπῳ κρήνῳ.

*Sacer equus.*

*Hunc etiam ajunt in excelsò Helicone  
Pulchram aquam produxisse largi Equi fontis;  
Nec unquam enim Helicon summus destillat fontibus,  
Verùm Equus ipsum feriit, atque copiosa inde aqua  
Effusa est ictu prioris pedis; Pastores autem  
Primi hunc potum appellarunt EQUI FONTEM.*

Ictu prioris pedis, inquit, & in eo cum Gemma nostra non convenit. Latini pedem non determinant. Apud OVIDIUM Metam. 13. Tritonia

*Virginum Heliconā petit, quo monte potita  
Constitit, & doctas sic est affata Sorores:  
Fama novi fontis nostras pervenit ad aures,  
Dura Medusæ quem præpetis ungula rupit.*

Cui Urania:

*Vera, inquit, fama est, & Pegasus hujus origo  
Fontis, & ad latices deduxit Pallada sacros,  
Qua mirata diu factas pedis ictibus undas, &c.*

Adda-

Addamus & HYGINUM in Poët. Astron. II. de Equo, *Hunc, inquit, Aratus & alii complures Pegasus Neptuni & Medusa Gorgonis filium dixerunt, qui in Helicone Bæotia ungula saxum feriens, fontem aperuit, qui ex ejus nomine HIPPOCRENE est dictus.* En Saxum! quod apprimè cum gemma nostra convenit; forsitan & tempus facti desideres. PELIGNUS Poëta & hoc suppeditat.

*Jamq; indignanti nova frena receperat ore,*

*Cum levis Aonias ungula fodit aquas.*

Quid? an frena receperat? utique nec hæc in Gemma nostra apparent? Receperat, sed ore indignanti: imò & rursus excusserat, sic os sequaris, qui inde in cælum avolasse ajunt; inter signa enim cœlestia etiam apud antiquos freno caret, quanquam alii frena cum post apertum demum fontem recepisse arbitrentur. Sed de his suum cuique placeat. An autem fictum animal Pegasus sit, an verum, de eo haud forsan abs re quæsis, cum Plinius author sit, Pegasus, Pennatos Equos, & cornibus armatos, in Æthiopia nasci: Imò & alio loco Pegasus Equino capite insignes inter aves numeret fabulosas. Fabulosum, ut alios taceam, facit & Fulgentius in Myth. lib. I. ubi elegantem rei sensum suppeditat, *De Sanguine Medusa, inquit, nasci fertur Pegasus, in figuram fama constitutus; Virtus enim, dum terrorem amputaverit, famam generat, unde volare dicitur, quia fama est volucris.* Ideo & Musis fontem ungula sua rupisse fertur, quod Musa ad describendum, famam Heroum aut sequantur priorum aut indicent antiquorum. Et iterum Lib. III. *Bellerophon, id est bona consultatio, qualem Equum sedet nisi Pegasus? quasi Pegaseon, id est fontem æternum.* Sapientia enim bona consultationis æternus fons est. Ideo pennatus, quia universam mundi naturam celeri cogitationum Theoria collustrat: Ideo & Musarum fontem ungula sua rupisse fertur; Sapientia enim dat Musis fontem, &c.

## II.

## N Y M P H A,

Cornucopiæ floribus replens.



**V**aria circumfertur de origine cornucopiæ opinio. Quidam Acheloi cornu faciunt, quidam Amalthææ: quidam Tauri, quidam capræ. Qui Tauri fuisse asserunt, ab Hercule in pugna de Dejaniræ conjugio, Acheloo detractum arbitrantur; Qui Capræ, Jovis Nutricis ajunt fuisse. Non minor incertitudo etiam in reliquis est. Quidam ab Hercule fructibus repletum dicunt: quidam à Jovē; quidam à Najadibus: alii ab Hesperidibus seu Nymphis. Herculis pugnam cum Acheloo Tauro, imò & Herculem cornucopiæ gestantem, genuinæ Antiquitatis monumenta hodiernū exhibent; exhibent & capram Jovis nutricem, & cornucopiæ in captini formam effigiatum; Sed Jovem id floribus & fructibus replentem hætenus non vidimus, imò nec Nympham, nisi in unica, quam hic proponimus, Theauri quondam Palatini gemma, ad quam appositè recitaverim tersissimos OVIDII versus Fast. V. de cornu capræ:

*Lac dabat illo Deo, sed fregit in arbore cornu,  
Truncaq; dimidia parte decoris erat,  
Sustulit hoc NYMPHE, cinxitq; recentibus herbis,  
Et plenum pomis ad Jovis ora tulit.*

Sed magis quadrat, quod idem Poëta libro Metam. IX, sub persona Acheloi, de Hercule fundit:

*Nec satis hoc fuerat, rigidum fera dextera cornu,  
Dum tenet, infregit, truncaq; à fronte revellit.*

(45)  
NAJADES hoc pomis & odoro flore repletum

Sacrarunt, divesq. meo bona copia cornu est.

En poma & flores! illa qualia jam intra cornucopiæ fulgent; hos, quales Nympha elevat, pomis & speciebus, recentibusque herbis jam sociatura.

Sed hæc Mythicè dicta sunt. Si mythologicè consideres, eadem sententiarum diversitas prostat. EUSTATHIUS in Periegesin Dionysii, ex interpretatione Chabotii ad Horatium; *Ferunt, inquit, Amaltheam fuisse vetulam lucro deditam & Mercatricem, qua multum indiderat moneta in cornu, & quia homines ditaret ac vita multum commodaret, sic est vocata. Quum autem Hercules illud abstulisset pecunia plenum, eoque usus esset, ad voluptates perfrundas, hinc rumor facetus dilatus est, cornu Amalthea effundere Herculi omne genus bonorum.* NATALIS COMES ab Ægyptiis, ait, est relatum, Ammonem Regem Partis Lybicae, cum viseret regiones ad montes Ceraunios, reperisse Virginem formam egregia, Amaltheam nomine, cum qua congressus filium genuerit, qui Dionysius vocatus sit, Amaltheam autem constituisse Reginam propinqui loci, cujus figura, cum esset cornu bovis similis, dicta sit cornu Hesperidum. Ob fertilitatem verò regionis, qua multiplices domesticorum fructuum arbores produceret, cornu Amalthea. Alii, qui Acheloum fluvium faciunt, qualis revera fuit, sub cornu fracto, aquas intelligunt ex Acheloo in vicinos agros deductas, quarum liquore irrigata terra uberiores & florum & fructuum copiam produxerit, adeo ut hinc Poëtico figmento de cornu, Nympharum ministerio floribus & frugibus repleto, non incongrua occasio fuerit. Horum opinionem eorum esse, qui ex fabulis verum colligunt, Strabo arbitratur Geogr. lib. X. Quicquid sit, abundantiam rerum cornu hoc significari, abundantiae typus in nummis evincit: imo & abundantiam verborum significari evincit simulacrum Rhetoricæ, quod Amaltheæ cornu tenere, fructibus omnifariis refertum, LUCIANUS author est in *Rhetorum Præceptore*, cui & alibi *Kléga* Ἀμαλθεας proverbii loco ponitur. Ita Horatius:

*Aurea fruges*

*Italia PLENO diffudit copia CORNU.*

# III. NEPTUNUS

ΤΡΙΑΙΝΟΚΡΑΤΩΡ & ΉΠΠΙΟΣ.



Sard.

Sard.

**N**eptunum hic cernimus, ferè qualiter in numismate Q. TUBERONIS apud Oisellum; Est tamen differentia in eo, quod apud Oisellum & currus appareat, & Equi marini frenis coërceantur: ut taceam laciniam vestis, quæ ventis agitata circû caput in proposita gemma volitat: taceam Equorum in medio squamas, quæ allato in authore vel secus se habent, vel omninò absunt. Neptunum Equis per æquora vestum, non tantum ex VIRGILIO discimus. lib. V. Æneidos, sed etiam ex Pœtarum patre HOMERO Iliad. XIII. vers. 23.

Ἐνθ' ἐλθὼν ἰπ' ὄχεσφι πεπίσκει χαλκίποδ' ἵππῳ  
Ωκυπέτῳ, χερσέοισιν ἐθήρησιν κομάντῃε.  
Χερσὸν δ' αὐτὸς ἔδυε πάλ' ἑοῖ. ἤρκετο δ' ἰμάθῳ,  
Χερσέῳ αὖτε πυκνῷ, ἐὼ δ' ἐπεβήτητο δίφρῳ  
Βῆ δ' ἐλάαν ἐπὶ κύματ'.

*Illic (Argos) cum venisset, sub curru junxit areis pedibus  
Equos*

*Celeriter volantes, aureis júbis comantes;  
Aurum autem ipse induit circum corpus. Accepit autem  
scuticam*

*Auream, eleganter factam, summa, ascendit currum;  
Capit autem agitare per undas.*

Quæ verba, si scuticam & currum excipias, non tantum ad gemmam nostram quadrant, sed & edocent equorum celeritatem, aureumque

teumq; jubarum fulgorem, imò & auream ipsius Neptuni vestem, ORPHEUS in hymno etiam faciem Neptuni describit, *χαινώπι* cū appellans, quasi *gratiosus aspectu* esset, eadem procul dubio ratione, quā VIRGILIUS ejus caput *placidum* vocat. HOMERUS comarum colorem tangit sub Epitheto *Κυανόχαιτη* *nigras comas habentis*, quod etiam LUCIANUS asserit. ORPHEUS de Tridente docet:

Καλποτόρθεον ἔχων χείρεσσι τείανον.

*Ferro tornatum tenens manibus tridentem.*

Quamquam ARISTOPHANES & hunc aureum fecerit in *Equitibus*:

Δεὺρ' ἔλθ' ἐς χορὸν ὃ χειροτείανει, &c.

Quicquid sit, à Tridente Neptunum cognomina meritum, & hoc evincit, & quæ apud PINDARUM occurrunt. *Ὀροσείαν* *tridente furens* dicitur: dicitur *αἰγλοδείανης*, *Tridente Illustris*, & in Epigr. Gr. in Isthmo Corinthiaco *Τειανονοσίπωρ*, *Tridentis potens*. Tridentemq; triplicem aquarum naturam & virtutem liquidam, fecundam, & potabilem effectum Fulgentius arbitratur: Alii quod Piscatores eo instrumento utantur, vel quod aptum sit instrumentum ad movendam terram, uti LILIUS GYRALDUS arbitratur.

Sed ad Equos redimus. Eos squamis in medio contextos cernimus, quod antiquis in marmoribus vulgare est. Exemplum dabimus infra ex manuscripto Pighiano, ubi & uberior erit de iis dissertandi campus. Equorum bigas cernimus, quales & in numismatibus Crepereji Rochi apud URSINUM; Videtur autem numerus Equorū promiscuus fuisse, cum quadrigas Neptuno tribuat ORPHEUS in *Hymno*:

Τετραόρεον ἅμα διώκων,

*Quadrigatum currum gubernans.*

Imo ex Equo Giganti infectam PAUSANIAS memoret: adeò ut non mirum, si tanquam Equorum domitor, *Equester* & Confus apud Romanos; apud Græcos autem *ἵππι* & *ἵπποκλει* fuerit appellatus; Equos primum domuisse, artemq; equitandi ab eo traditam, indeque cognomen cum meruisse, DIODORUS SICULUS Author est. FESTUS vel ad Pegasum arbitratur respiciendum, qui ex con-

tus sit, vel ad Equuleum; qui loco ejus Saturno fuerit subiectus, vel denique, quòd tridentis ictu percussa terra equum excierit. PHURNUTUS velocitatem navigationis in medium adducit, quod naves in mari quasi Equi viderentur. Sed hæc de Neptuno sufficiant; ad alia transimus.

# IV. SEMELES TEMPLUM, ET Numen incognitum.



**A**T qua spe gemmam hanc Lectoris oculo subjiciam, cum tamen altera ejus pars planè nobis incognita sit? Eadem, qua totam opusculi compagem: ut scilicet, quæ vel nesciero vel perperam dixerò, ab aliis docear, simulque deliciosæ Antiquitatis cultoribus, si non meo, saltem alieno calamo satisfiat. Sæculum barbarum sapit hæc gemma. Et inscriptio & figurarum inconcinnitas rem satis evincunt. Pars prior Numen aliquod exhibet, id quod nō tantum ex calathò patet, quem cum Scapide communem habet, sed etiam ex quadruplici capitum compage, quam cum Jano. Quale numen hoc sit, me ignorare ingenuè fateor, neque enim vel ex inscriptione, vel ex cætero habitu certi aliquid colligere potui, inscriptionis exordium ΔΕΙΑΝ ΣΥΡΙΑΝ, Deam Syriam, videbatur prodere, sed quid hoc ad rem, cum Dea Syria non habitu virili, nec tribus capitibus culta fuerit, sed eadem cum matre Deorum & Doctissimo Seldeno demonstratur, & in variis adhuc Antiquitatis reliquiis ostendatur? Forsitan subscriptas literas ΑΠ. de Apamensibus intelligendas censeas, adeoque numen aliquod Apamensium indigitare. Id per me licebit, modò juxta doceatur, quale illud numen fuerit? Sed



Sed in re obscura satis erravimus. Aversa clarior est. Templum ea exhibet, in cuius vertice Avis. Avis, an Aquila, quales templis imponi solitas, supra ostendimus? pronus sum ut credam, neq; enim aliundè lux affulget. Templi structura, ut dictum, rude saculum prodit. Cujus Templi sit, inscriptio ostendit, ΣΗΜΕΛΗΝ ΤΡΕΜΟΥΣΙΝ ΔΑΙΜΟΝΕΣ, SEMELÈN tremunt Dæmones. Ex quibus verbis non tantum conicere possumus, SEMELES hoc esse templum, sed & intelligimus Deæ potentiam.

Semele Cadmi Thebarum Regis, ex Phœnicia oriundi, filia fuit. Quæ ob insignem formæ præstantiam à Jove adamata, sive superbia, sive dissidentia legitur petiisse, ut eo Deus habitu secum concumberet, quo cum Junone soleret. Paruit Jupiter, licet invitus, quod humanam imbecillitatem Divinæ majestati imparem sciret, id quod & eventus comprobavit. Semele fulminibus conflagravit. Jupiter exortum ex utero ejus Bacchum suscepit, & suo femori indidit, ut Menses compleret, Matrem autem, Junone delinita, in cælum transtulit, Deabusque adscripsit.

Hæc est Fabula de Semele, qualiter ferè à Mythographis & Poëtis traditur. Deabus adscriptam Nonnus docet:

Φλογερῶ Σεμέλῃ μετὰ νείστον εἰς πόλιν ἄστρον  
 Οὐρανὸν οἶον ἔχισαν ἀνιγαγε μήτεσσι βαίνῃ  
 Λιθεΐας κατέστην ὁμέστον, ὡς γένε' Ἥρης,  
 Ὅς τόνον Ἀρμονίης ἐξ' Ἀρε', ἐξ' Ἀφροδίτης,  
 Καὶ κατὰ γῆν λίσσεται νέον δέμας ἄδοπι περσῶ  
 Καὶ βίαν ἄφθιτον ἔχεν ἐλπίμπιον. Ἄντι δὲ καὶ δμα,  
 Καὶ χθονία δαπέδοιο, ἔ. Ἀιδονός, ἔ. Ἀχαιῆς  
 Σύνδρομον Ἀστεριν διέε ἔ. ὠμίλησεν Ἀθήνη.  
 Καὶ πόλιν ἔδνον ἔδειξεν, μήτε ψαίνεσσι τετραπέσης  
 Ζηνὶ καὶ Ἐρμῶνι, ἔ. Ἀρεὶ ἔ. κατὰ γῆν.

Ardentem Semelen exsulem in polum astrorum  
 Cælum domum habentem reduxit matrem Bacchi,  
 Æthereis incolis contubernalem, tanquam genus Junonis:  
 Ut partum Harmonia ex Marte, ex Venere  
 Et puro solvens novum corpus, nigro igne.  
 Et vitam immortalem habuit cælestem, pro vero Cadmo,

*Et immortalis solo ἔς Autonoe ἔς Agave  
Comitem Dianam invenit, ἔς conversata est cum Minerva  
Et Polum nuptiale munus accepit, unam tangens mensam  
Cum Jove ἔς Mercurio ἔς Marte ἔς Venere.*

Ex his Apothecosis Semeles abundè licet pateat, addimus tamen & Orpheum, cui inter cœtera venustatis & Potentiæ Ælogia apertè non tamen *Dea* vocatur, sed & Παμβασίλεια *omnium Regina*, ex quo testimonio Gemmæ nostræ, qua Dæmones Semeles imperio subiectos audivimus, non exigua lux accedere videtur. Verba hæc sunt:

*Κινέησιν κέφλαι καὶ θυμὸν παμβασίλειαν  
Εὐειδὴ Σεμέλῳ ἐρεβέπλοκαμον, &c.*

Et paulò post:

*Νῦν σε θεὰ λίτομαι κέφῃ καὶ θυμῷ ἀνάσσει.*

*Voco puellam Cadmi. OMNIUM REGINAM  
Formosam SEMELEN, comam amabilem habentem.*

Et paulò post:

*Nunc Tibi DEA supplico puella Cadmia Regina.*

Tibi Dea supplico, an peculiatibus sacris? non dixerò, potiùs Carmine, Quamquam & solenne sacrum ΣΕΜΕΛΕΙΑ memoret Hesychius, quod Semeles honori peractum Eruditissimus Meursius arbitratur, in nobilissimo tractatu de Festis Græcorum. Verba hæc sunt: ΣΕΜΕΛΗ *incertum quale Festum fuerit.* HESYCHIUS: ΣΕΜΕΛΗ, σεάπειρα αὐτῇ δὲ Φρυγίῳ, Ἑορτῇ. Puto Semeles fuisse.

## V.

# QUATUOR OCULI

Decem faciebus perfectè delineatis

Sufficientes.



Sard' Incol.




Elegan-

**E**legantissimam hanc gemmam non ob historię, quę nulla est, raritatem, sed ob artificii & inventionis præstantiam, *BENEVOLO LECTORI* communicandam duco. Figuras bifformes, immò & quadriformes hæcenus Antiquitas obtulit. Bacchum *διμορφον Biformem* appellat ORPHEUS: Idq̃ve inde, quod, ut DIODORUS docet, duo Bacchi fuerint. Caput biforme exhibet Tenediorum nummus ob conjugum, ut alibi dictum, unitatem & concordiam. De Jano res trita est, quanquam non item de *quadriformi*, de quo tamen & ipso modo vidimus, cujusq̃ue templum apud celeberrimum CHOULIUM cernimus. Sacratum à Lutatius Catulo, & à quatuor anni temporibus denominatum & effigiatum, docent & historia & ratio, quanquam alii alia comminiscantur; Sed ecce, subit & statua Jovis *quatuor vultus habentis*, τετραπρωπῶς, quam Manasses Rex Judæorum in templo Domini poni curasse SUIDÆ memoratur. Alii *quinqueformem* faciunt, ipsiq̃ue eam Manassi tribuunt. Quoscunq̃ue adferas, non plures tamen effigies erunt, quam oculi. In nostra autem gemma effigierum numerus numerum oculorum quantum excedit? nec tamen cuiquam oculum dixeris deesse. Ingeniosum sanè inventum! eoq̃ue magis æstimandum, quo concinnius quinque maribus totidem foeminas juxit artifex. Si viros respicias, foeminae vicem pilei suppleant, si foeminas, virorum barbæ suppleant vicem ornatus muliebris, quem, ut hodiè, ita & apud antiquos, luxus hominum ingeniosè variavit.

## VI.

# INSCRIPTION.



**A**nceps & obscurus est hujus Inscriptionis sensus, sive averfam consideres, sive adversam; An tamen certi aliquid elici possit,

tentabimus. Adversa C. GL. CF. exhibet. Cajum aliquem & Caji filium denotari, ex aliis innumbris tam Numismatibus, quam Lapidibus constat; Quis autem sub literis GL. intelligi debeat, ambiguum est. An *Glitius*? an *Glycerius*? an *Glesidius*? Omnium horum Inscriptiones apud GRUTERUM videas, & ultimi hujus cum C. prænominē, quamvis non C.F. sed *Herma*. Aversa LUCUM ELECTUM arguit, idque IN ÆDIBUS FILII; An autem sub literis VI. SACR. *Via Sacra* lateat, de qua Propertius lib. 2. Eleg. 1.

*Actiaq. in SACRA currere rostra VIA.*

An numen aliquod, cui lucus hic electus & sacratuſ fuerit, dubitari poteſt. Si primum ſtatuas, ſenſus erit, *C. Glesidium C. F. lucum elegiſſe via ſacra, in adibus filii*. Si poſterius, diſquirendum eſt, quale numen ſit, cui lucus ſacratuſ dicitur. An *Vibilia Dea*, de erroribus viarum liberare ſolita, cujus meminit ARNOBIUS lib. IV? An *Vitula* Dea lætitiæ? An *Vitumnus* Deus vitæ & nativitatîs? an *Virtus*? an *Vintia*? an *Victoria*? Latîſſimuſ hic eſt conſiſcendi campuſ. De lucuſ Deo alicui ſacratuſ, non tantum gentium hiſtoria, ſed etiam ſacra declarat: Non tantum Dii magni lucuſ viſitabant, ſed & Manes & Heroëſ, qui *Lares vitaleſ* dicebantur, notante SERVIO, habitabant, indeque VIRGILIUS:

*Nulli certa Domuſ, LUCO ſhabitamuſ opacoſ.*

Et CICERO LIBRO II. de Legib: *Lucuſ in agriſ habento. Et Lariuſ ſedem &c.*

Sed aiſ, *Lucuſ in agriſ* Cicronem ponere, inſcriptionem autem noſtram in *Ædibuſ*? Reſpondeo, fuiſſe non tantum in agriſ, ſed etiam ipſa in urbe. *Lucuſ in Urbe fuit media latiſſimuſ umbra* inquit Virgiliuſ. i. Æn. Ita *Lucuſ Semeleſ*, fuit in Regione XI. *Lucuſ Forinaruſ* in XIV. adſtipulante REYNESIO: & idem CICERO *Lucuſ Veſta* à Palatii radice in novam viam devexum, Divin. lib. I. Sed hæc ad Gemmam propoſitam dixiſſe ſufficiat. Si quiſ certiora docere & poſſit & dignetur, habebo, quod grata mente & agnoſcam & proſequar.

VII.  
MARIS TERRÆQUE  
ET REGIMEN ET FELICITAS  
VIGILANTIAM  
requirunt.



**D**uas hic gemmas proponimus, duplex vigilantiae ministerium adumbrantes. In primo Gallus remoni insidet, suppositis Cornucopiae & Delphino. In secundo idem Gallus poculo inter duo cornuacopiae duosque Delphinos, spicam item & caput papaveris insistens, rostro muris frugibus infesti caudam invadit, perniciosum animal à præda retracturus. Delphinem esse maris Symbolum, Cornucopiae esse Symbolum terræ in varia fructuum genera effervescentis, nemini opinor dubium est. Idem dixero de spica & de capite papaveris. Idem de remone, Symbolo regiminis: & de gallo, vigilantiae.

Non rerum expressarum obscuritas Gemmas has commendat; sed concinna compositio, utilitasque virtutis, quam sub Gallo adumbratam regimini terræ marisque, rerumque conservationi & necessariam discimus & utilem. Ad Gallum vigilantiae Symbolum in mentem venit PAUSANIAS, qui & Minervæ Galeæ affectum memorat, idque ideo, quod hæc avis omnium sit pugnacissima: Vigilantiam scilicet non inermem, sed armatam intelligimus, qualis Regum solet esse, Maris Terrarumque Dominorum, quorum ex regimine & vigilantia, circumpositoque Martiali robore, & hostium terror, & subditorum felicitas!

VIII.

SCORPIUS

Signum Cœleste.



**D**UO ad hanc gemmam veniunt considerata: Scorpius, & Scorpii cum Stella conjunctio. Scorpionum esse duplex genus, unum *terrestre*, pedibus ingrediens, permagnum, Ventribus abundans; alterum verò *aëreum* & volatile, membranceis alis, quales sunt locustis & cicadis & vespertilionibus, LUCIANUS in *Dispadibus* ait. Alii tertium genus *marinos* addunt. Qui in gemma visitur ad terrestres pertinere videretur, nisi stella ad cœlestem reduceret; Sed eadem utriusq; figura. *Octo pedibus* insignis est, unde in Proverb. Οκτώπους vocatur; *Caudam elevat*, ad ictum parata, coq; distinguitur ab eo genere, quod caudam jacentem trahit, Arabibusq; indè *Gerrara* dicitur, cujusmodi qui venentur, mittere Persarum Reges à Persicis Sufis in Mediam iter facturos, ÆLIANUS lib. 15. c. 26. refert.

*Cauda* ex variis internodiis constat, uti & *chela*. Chelas ῥόρεας, id est πολυφάγους appellat NICANDER in *Theriacis*, notante COEL RHOD. lib. 15. c. 7. De numero internodiorum caudæ anceps quæstio est. PLINIO testante, pluribus sunt *Sena*, quibusdam tamen *Septena*. Alii constanter *Septena* reperiri asserunt, adeoque Nicandrum, qui Ἐννεαδέσμως σφονδύλης in Scorpii cauda ponit, non *novem internodia* intellexisse ajunt, sed indefinitè novem pro multis posuisse. Assentire effato, nisi appositè ad verba Nicandri *novem internodia* hic noster ostenderet. An autem Sculptoris id vitium sit,

fit, an revera in quibusdam is numerus inveniat, eorum decisione relinquimus, quibus teterrimos hujus insecti exercitus penitus lustrare, vel natura jussit, vel nimius peregrinandi ardor licentiam præbuit.

Terræ partus est, id quod non Philosophi tantum, sed & Mythographi testantur. Dum cælestis Scorpii Originem promunt, terræ editum finxere. Cum Orion venaretur, & in eo exercitissimum se esse confideret, dixissetque & Dianæ & Latonæ, se omnia, quæ ex terra oriuntur, occidere valere, Terram, ajunt, permotam Scorpionem edidisse, qui eum interfecerit, ideoque à Jove, factum mirante, inter astra collocatus fuerit, ut species ejus hominibus documento esset, ne quis eorum aliqua re sibi confideret, docente HYGINO.

Ita ad cælestem ascendimus, quem in nostra gemma stella unica evincit, licet omnibus insignis non sit. Novendecim ejus numerantur Astronomis, quarum binæ in unaquaque gelarum, in fronte tres, tres inter Scapulas, in ventre duæ, quinque in cauda, & in acuminè, quo percutere existimatur, duæ; Sed nulla inter gelas, quæ in situ cælesti circuitu longo non curvantur tantum, sed & in diversa abeunt. Aded, ut hæc stella planè aliena sit; Licet enim *Manilius* canat:

*Æquato tum libra die cum tempore noctis*

*Atrahit ARDENTI fulgentem Scorpion ASTRO.*

Quod ad gemmam forsàn quadrare arbitraberis, notandum tamen sub vocè *Astro* non unam stellam, sed totum asterisnum intelligi, qui, ut dictum, ex novendecim stellis constat; nisi fortè unam reliquis ardentiorè loco omnium positam contendas, id quod & in aliis usu venire solet. Sed hæc Seges Astronomorum est, nec quicquam pro Stella Scorpio propria ad gemmam nostram evincit. De Stellis alienis duplex occurrit opinio. Altera *Solem* in medium adducit, altera *Martem Planetam*. Utraque satis probabili nititur fun-

fundamento. Solem sub figura Stellæ antiquis præfigurari solitum, evincit vel unicum numisma spurcissimi Imperatoris Elagabali.



Solem, ut reliqua Zodiaci signa, ita & Scorpionem permeare, in vulgus patet, unde & Phœbus, Phœthontem de periculis admonens, ita inter cœtera fatur:

*Per tamen adversi gradieris cornua Tauri  
Æmoniosq; arcus violentiq; ora Leonis,  
Seuq; circuitu curvantem brachia longo*  
SCORPION. Met. lib. 2.

Nec abs re solem in Scorpione cœlaverit antiquorum superstitio; Si enim MANILIO fides, tunc fecunditatem terris solet immittere, eosque, qui sub eo nati fuerint, Martios efficit. En verba!

*SCORPIUS armata violenta cuspide cauda,  
Qui, sua quum Phœbi currum per sidera ducat,  
Rimatur terras, & sulcis semina miscet.  
In bellum ardentis animos & martia castra  
Efficit, & multo gaudentem sanguine civem.*

Martios efficit Martii animalis signum; Mars enim ei dominatur, indeque altera Stellæ inter brachia Scorpionis posita, ratio est. Quidni huc detorqueam ejusdem Manilii effatum?

*Pugnax Marvorti Scorpions hæret.*



# IX. CENTAURUS.



**C**Entaurum, NIZOLIUS imperitè scripsit, esse monstrum ex homine & Tauro connexum, procul dubio sono vocis deceptus, quòd Taurum ea videatur arguere. Alii tamen, quòd non Taurum, sed Equum in eo agnoscant, historiam nominis rationem adferunt, quòd scilicet, bobus cestro agitatis, cum Thessalus quidam Rex satellites suos ad eos revocandos ire jussisset, illique cursu non sufficerent, Equos ascenderint, & eorum velocitate boves secuti, eos stimulis ad lecta revocarint, eoque habitu visi, locum & fabulæ dederint & nomini, ἀπὸ τοῦ κεντῆν τὰς ταύρας dicti, prout docet SERVIUS ad Virgilium. Georg. III. PALÆPHATUS Regem Ixionem facit, Centaurosque non Regis satellites, sed Juvenes ex Nephelæ Montano pago, qui Equos primi domuerint. TZETZES chil. VII. n. 99. hanc Etymologiam rejicit, eò quod, si ἐπισκευοῖς τὰς ταύρας Centauri dicti sint, non Centauri, sed Centotauri dici debuerint. Ita non absurdè TZETZES, qui tamen aliam rationem subjungit, superiore multò absurdiozem, de stupro Nephelæ ancillæ ab Ixione illato, unde Centauri prodierint; quasi verò κεντῆν pro re venerca ullus scriptorum usurpaverit? HENRICUS STEPHANUS à stimulando calcari-  
bus Equo nomen deducit, indeque Hippocentaurum quasi Equi stimulatorem arbitratur esse dictum, sed formationis modum non aperit. Si me quæras, vel κεντοταύρας cum TZETZE, sed inde, ob Euphoniā vocis, Centauros arbitraberis dictos, vel, quod novum quidem, sed forsitan verius est, ἀπὸ τοῦ κεντῆν τῆς αἵρας, quòd auram sive Aerem Centauri ferire & quasi stimulare viderentur, vel celeriter Equitantes, vel ex equis jacula emittentes. Hanc Etymologiam, nescio

nescio annon fulcire possit Gemma nostra, in qua Centaurum cernimus, *jaculo & clypeo* armatum.

Jaculo & clypeo? Atqui DIODORUS Author est, alios *Piceis* radicitus evulsis, alios grandibus *Petris*, nonnullos succensis *facibus*, aliquos magnis *securibus* contra Herculem in prælium ruisse. Imo & HESIODUS, Diodoro longè antiquior, *Abietes* eis tribuit in pugna adversus Lapithas. Sed OVIDIUM in rem præsentem adducimus, qui licet in eadem pugna contra Lapithas *poculus*, fragilibus *Cadis*, Curvis *Lebetibus*, *Lampadibus*, *ara*, imo & *arboribus* & *Saxis* Centauros usos canat, Pyracmonem securiferum vocet, jaculumque primò solis Lapithis videatur abscribere, tandem tamen etiam Centauris tribuit, non tantum Lycoten *Jaculatorem* vocando, sed & Nestorem a Teleboa *jaculo*, quod gesserit, vulneratum memorando. Nestor ipse Met. XII.

*Chthonius quoque Teloboasque.*

*Ense jacent nostro, ramum prior ille bisurcum  
Gesserat, hic JACULUM. JACULO mihi vulnera fecit.*

Et quid si eundem etiam de Clypeo testem vocemus? Ita ille de CENTAURO.

*Provocat Emathii spoliis armatus Halest,  
Quem dederat leto membris & corpore Latreus  
Maximus. Huic atas inter juvenemque senemque,  
Vis Juvenilis erat. Variabant tempora Cani.  
Qui CLYPEO, gladioque, Macedoniaque sarissa  
Conspicuis, faciemque obversus in agmen utrumque,  
Armaque concussit, certumque equitavit in orbem.*

Clypeum certe etiam in sequenti Gemma apud ANGELONUM cernimus.



In qua Centaurorum ex Gente foemina, simul cum Masculo, Liberi Patris currui juncta, *Clypeum* prætendit. Centauros LIBERI consortio

confortio adscriptos, PERILL. SPANHEMIUS luculenter, & ex antiquitatum reliquiis, & ex idoneorum Authorum Testimoniis demonstravit. Consortii causam ebrietatem esse, cui impensè dediti fuerint Centaurs, exemplis firmat NOB. TRISTANUS *Tom. II. p. 617.* Ubi & de fœminis plura adfert, præterque Centauros Thessaliæ, etiam Centauros Cypri memorat, cornutos illos, qui non ex Ixione & Nube, sed ex semine Jovis Venerem persequentis prognati fuerint; imo & *Ono-Centauros* ex ÆLIANO, qui non ex hominibus & Equis, sed ex hominibus & asinis compositi fuerint. Sed neutra Observatio ad propositam nostram gemmam quadrat, Pulcherrimus enim in eo *Equus & homo*, non Cornutus, sed *Juvenis*, & ferè qualiter Cyllarum OVIDIUS describit, dum canit:

*Nec Te pugnantiæ Tua CYLLARE forma redemit,  
(Si modo Natura formam concedimus illi)  
Barba erat incipiens: Barba color aureus: aureaq;  
Ex humeris medios coma dependebat in armos:  
Gratus in Ore Vigor: Cervix, humeriq;, manusque,  
Pectoraq; artificum laudatis proxima signis,  
Ex qua parte vir est. Neque Equi mendoſa sub illo,  
Deteriorque Viro facies. Da colla caputque,  
Castore dignus eris. Sic tergum sessile, sic sunt  
Pectora celsa toris:*

Multò aliter CALLISTRATUS: *Ingressus in templum ingens,* inquit, *ac Venerabile, quod pulcherrimam in se formam continebat, vestibulum ante ipsum, primoque in Limine, Centaurum video, non Viro ex Homericæ imagine Odyss. Φ. Sed Bellua Sylvicola assimilem. Homo erat usque ad Ilia, descendendo Centaurus, in Equi gressum quatuor Cruribus nexum desinebat. Etenim Equum & hominem natura à dimidio secans, in unum corpus compegerat, partim artibus quibusdam secretis, partim sibi invicem consonantibus fabricatis. Sed enim à forma humana, quantum à Lumbo ad imos pedes sub tenditur, detraxit: Equino autem Corpori, ademptam reliquam partem, ab umbilico descendentem, humana effigiei contribuit: ita ut Equus Caput desideraret, & cervicales toros, & quicquid in terga descendens latè extenditur;*

*Homo vero ab umbilico ad Pedum usque plantam stabilimentum requirat. Porro, cum tale sit corpus, videas animum in artificio eminentem, & corpus efferatum, & vultui belluinum quoddam efflorescens, & marmor Pilorum ornamentum pulcherrimè representans, & omnia ad verum simulacrum properantia.*

Hæc CALLISTRATI in *Statuis* Centaurum nobis proponunt, licet rudiorem, quam in gemma, talem tamen qualis in marmoribus frequens occurrit, qualis & infra Chiron, de quo plura suo loco. Memorare placuit, non quod nostri formam, sed quod figuræ nexum accuratius exponant.

Sed, inquis, Nomen hæctenus & arma, imò & Corporis habitum exegisti, cum tamen incertum adhuc sit, an unquam Centauri fuerint? Et si non fuerint, quidni & aperis rationem figmenti? Utrumque agam.

An Centauri fuerint, anceps apud Authores quaestio est. Visum à se alatum in melle Centaurum, PLINIUS *lib. 7. c. 3.* affirmat, additque, CLAUDIUM CÆSAREM scripsisse: Hippocentaurum in Thessalia natum, eodem die interiisse. Imo & D. HIERONYMUS in *Vita Pauli* tradit, Antonium ad Paulum Eremitam pergentem, conspexisse, ut ipse loquitur, *hominem equo mixtum*, cui opinio Poetarum *Hippocentauri* nomen indiderit. Hæc Testimonia quosdam induxerunt, ut Centauros fuisse non negarent.

Ego licet unum aut alterum, vel aberrante natura genetrice, vel occulto Dei Iudicio, nasci potuisse facile credam, adeoque in tantum, qui contrarium sentiunt, LUCRETIO, PALÆPHATO, imo & GALENO non accedam; tamen adducì non possum, ut integram gentem, genusque, transfusa à parentibus in Liberos duplici forma, unquam mihi persvadeam extitisse. Iis potius subscribendum duco, qui Thessalos primos Equorum domitores, insolito habitu, Vetustæ simplicitati figmenti occasionem dedisse arbitrantur. Thessalos certè Equestri laude celebres fuisse, neminem Eruditorum arbitror latere. Imò nec bello erant inertes, quod & ipsum ad Centauros quadrat, vel nostra gemma assertum fulciente. Quid enim aliud jaculum & Clypeus, de quibus supra dictum? MANILIUS, dum horoscopos pertractat, de eo, qui sub Centauro nascitur, inter cætera ita canit:

*Aut*

*Aut onerabit Equos armis, aut ducet in arma.* Id quod de Theſſalis non minus dixeris. Plura, ut dictum, videbimus inter marmora.

X.  
SCENICUS  
BACCANALIORUM  
LUSUS.



**Q**Uo referrem elegantissimam hanc GAZÆ quondam PA-  
LATINÆ gemmam, si verum fateri licet, diu dubius hæsi.  
Tres figuras in ea cernimus. Una calvo Sileni Capite in-  
signis est, dextra sertum præfert, sinistram pallio exertam præten-  
dit, prona, & jamjam casura, nisi ab alia juvenili, quæ retro visitur,  
pellemque à tergo dependentem gestat, retraheretur, & à casu ser-  
varetur. Juvenilis hæc, figurarum secunda est; sed cave hominem  
existimes! Larva enim est, artificioso nexu prioris tergo affixa,  
ut eò formidolosiore adspectu se obviis ostenderet. Id facile col-  
ligas ex figura tertia, quæ licet nuda sit, & ipsa tamen pellem sini-  
stra gestat, elataq; supra verticem dextra, insolito priorum visu ex-  
territa stupeſcit.

Dubitabam primo, annon *Lupercal Ludicrum* hoc schemate  
adumbraretur, quod ex Arcadia allatum, nudi juvenes, Lycæum  
Pana venerantes, simul cum Romulo per Lulum atque Lasciviam  
celebrasse, LIVIO memorantur; *Pelles*, quas exinde Luperci ge-  
starunt, quibusque obvios verberabant, foeminas præsertim, foe-  
cunditatis remedium id arbitantes, Opinioni aliquatenus videbantur

favere. Videbatur favere *arbor media*, cum Ludicrum id non in urbe aliqua Romulus celebraverit, sed in monte, qui ab initio à Pallanteo, urbe Arcadica, *Palatium*, deinde *Palatinus* dictus est. Et quidni figurarum etiam habitum in subsidium adducere? Lusus certe & Lascivia, quæ LIVIO apertè memorantur, etiam huic locum videbantur facere.

Hæc cum tacite mecum volverem, subiere *Bacchanaliorum ritus, scenicique Lusus*, Baccho dedicati, adeoque se insinuarunt, ut opinione de Lupercali rejecta; *Bacchanalia Silenorum* in gemma crediderim adumbrata; Licet enim nec Thyrsi, nec Hædera, nec Pampinus, solita Bacchi, comitumque ejus, insignia, in ea appareant, Unicum tamen SILENI simulacrum, sive verum id sit, sive, quod propius, personam inductum, non videtur permittere, ut aliò respicias. Fortè & *saturnalia* in mentem venient, quæ hilari festivitate, variisque jocis & Lusibus celebrabantur, quibusque & ipsis Silenum quadrare, vel IMPERATORIS Testimonio planum videbitur. Sed Silenus non tam Saturno comes fuit, quàm Baccho, indeque à JULIANO Satyræ admiscetur, non quòd Saturni assecla, sed quòd Cavillarum & risus magister esset, ideoque de scenicis silenorum lusibus, Baccho Consecratis, magis placet, cum personas Libero Patri sacras fuisse, facile ex JUVENALI colligas Sat. VI. v. 70. ubi personam & Thyrsum conjungit.

*Personam Thyrsumque tenent.* Sed apertius testatur CALLIXENUS Rhodius apud ATHENÆUM, Pompam recensendo, quam Ptolemæus soter, in honorem Liberi & instruxit & duxit, ubi non tantum *Silenos*, sed & *Personas* Tragicas, Comicas & Satyricas memorat, & has quidem non tam prælatas, quàm *circa simulacrum Dei appensas*, adeò ut his præmissis planior jam sit ad figurarum contemplationem transitus.

SILENUM persona refert, calvum illum Liberi patris Pædagogum. SILENUM *Calvum*, pleraque Antiquorum monumenta ostendunt: *Bacchi Pædagogum* consensus Poëtarum, imò & Historicorum evincit. Illa videas apud PERILLSPANHEMIUM, *Disq. V. & in annotationibus ad Julianum pag. 338.*  
De

De hoc præter ORPHEUM etiam DIODORUS testatur, Παιδαγωγὸν & τροφῆα, *Padagogum* Bacchi & *nutritorem* appellans. Nihil proinde mirum, si vino victus, & in casum pronus, incedere videatur. Semper Ebrium facit VIRGILIUS, & apud Elcos *Ebrietatem ei vinum è poculo porrigere*, PAUSANIAS memorat, ut taceam alia, quæ passim prostant, gravissimorum Authorum testimonia, quæ licet planum faciant de Φιλῶνι, parum tamen de corona, quàm manu præfert, parum de figura juvenili, quæ à tergo lapsurum retrahere videtur. Equidem non dubito, quin figura hæc juvenilis, juvenem aliquem Silenum adumbret, qualiter etiam in numismate Alexandri Severi apud ILL. SPANHEMIUM *ad Cas. Juliani pag. 393. & in Toreumate pag. 432*. Licet enim PAUSANIAS scribat: *Maximos natu Satyrorum Silenos nuncupari*, id tamen superstite vetustatis supellectile non firmatur. Potius NONNO accedendum, qui *lib. XXIX. Dionys. v. 263*. tres Sileni filios memorat: aut CATULLO, qui & ipse certum Silenorum genus videtur facere, dum *Nisigenos* appellat, PINDARO & PAUSANIÆ, antiquissimum in Malea Laconum civitate natum asserentibus, non contrarius; quid enim obstat, quò minus hujus posterì in urbe Bacchi nutrice nati potuerint esse, cum Pater *Padagogus* Bacchi fuerit? Sed de his constare videtur.

Corona aliquam lucem mutuatur ex eodem NONNO, *Libro XIX. v. 161*. Ubi *Silenus* Coronam Baccho memoratur texuisse. Quanquam enim ea ex hedera & vite fuerit, tamen & lauro Bacchum coronatum HOMERUS tradidit, cui arbori nescio an vel Arbor Gemmæ nostræ, vel etiam corona dissimilis sit? Arborem forsitan contra opinionem nostram, qua lufum Scenicum in gemma præfiguratum diximus, militare arbitraberis. Sed si consideres, non personas tantum in Theatrum prodiiisse, sed & montes, & flumina, imò integras regiones & Maria per Machinas, uti adhuc hodiè, ita & Vetusis temporibus, fuisse exhibitas, non miraberis de arbore; JULIUM POLLUCEM consule, & prolixè doceberis.

Tertiã figura nescio an Faunum aliquem, an Silenum referat. Pellis certe Bacchi assectam prodit. De utroque, si ad conspectum trepidet,

utpidet, nihil mirum, cum ejusmodi personæ ad Terrorem occurrentibus incutiendum induxerint. Hinc APULEJO *Persona Minax* vocatur, & apud JUVENALEM

*Persona pallentis biatum*

*in Gremio matris FORMIDAT Rusticus infans.* Hæc de Opinione nostra sufficiant. Sufficiant & *Gemma ex Thesauro quondam Palatino desumpta.* Aliæ succedunt, Doctorum solertia publici quidem Juris jam dudum factæ, debita tamen luce hætenus non illustratæ. Apud Angelonum est

## XI.

# DÆDALUS.



**D**ÆDALUM, decantatum illum Atheniensium Artificem, nemo ignorare potest, modo sacros Castalidum fontes primis saltem degustaverit labellis. Ex Regia Metionidarum gente ortum, *in Atticis* PAUSANIAS memorat. Idem Palamaonis filium facit, *in Boeoticis.* Eupalemi sive Euphemi filium testatur TZETZES *hist. 19. Chil. 1.* PHERECYDES Erechthei, viri Atheniensis, & Iphinoes. Quidquid sit, ab eo *tribus Dadalidarum* Athenis fuit, licet Athenienses eo diutius usi non sint. Cum sororis suæ Perdices filium Attalum, vel Acalum, vel ut alii, Telen discipulum per invidiam, ob rotam figlinam, vel ut alii, ob ferram ab eo inventam, de tecto præcipitasset, fugere coactus ad Minoem abiit, extructoque Labyrintho, quem supra ex Gnosiorum numismate protulimus, gloriam ingentem nactus est. Sed nec hic sedesci stabilis fuit. Cum Pasiphaes, Taurum ardentis, libidini obsecutus, Vaccam ligneam, cui illa inclusa, votis suis potiri poterat,

cxco-



excogitasset, & ipse custodiæ datus, Labyrinthum, quem fecerat, carcerem habuit. Ex eo ut se expediret, alas ex cera sibi filioque fabricavit, earumque remigio in Siciliam ad Regem Coccalum avolavit.

Hæc est historia, an fabula? de Dædalo, qualiter ferè ab Authoribus traditur. Addi possent & alia, quæ passim de eo memorantur; A Minerva scilicet Architecturam & universam ædificandi artem cum didicisse: asciam, perpendiculum, terebram, Glutinum & Lithocollum invenisse: Statuis oculos & crura & manus addidisse: Opera ejus rudia quidem & aspectu indecora fuisse, attamen numen veluti quoddam præ se tulisse: Pausaniæ ætate ex iis adhuc Herculem Thebis, Trophonium apud Lebæenses, Britomartem ad Oluntem in Creta, & Minervam, Ariadnæque chorum ex candido lapide, apud Gnossios, & Venerem apud Delios existisse. Posset mentio fieri Uxoris, Gortinidis filia, ex qua suscepit Scillidem & Dipœnum, ut ait PAUSANIAS in *Corinthiacis*: Naucratis servæ, ex qua Icarum: & Mulieris Cretensis, ex qua Japygum, à quo postea Japygiam dictam STRABO *Lib. 6.* Author est. Sed hæc omnia extra propositum sunt, nec ad Gemmam nostram quidquam faciunt. Alam fabricantem intuemur, planè qualiter Ovidio canitur, Met. VIII. fab. III.

*Ignotas animum demittit in artes,  
Naturamque novat; nam ponit in ordine PENNAS  
à minima cæptas, longam brevior seque,  
Ut clivo crevisse putes. Sic rustica quondam  
Fistula disparibus paulatim surgit avenis.  
Tunc Lino medias, & CERIS alligat imas,  
Atque ita compositas parvo curvamine flectit,  
Ut veras imitetur aves.*

Quibus ex vetbis & materia alarum innotescit, quas inde *Ceratas pennas* HORATIUS vocat, prout ipsum *fabrum volantem* JUVENALIS *sat. 1.* quod utique re ipsa accidisse non dixeris, sed fabulam fatearis, vel inde consuetam, quod vela navium & antennis invenerit Dædalus, vel quod navibus ipse ex Creta in Siciliam fugerit. Hanc Opinionem latius deducit PALÆPHATUS in

*fabulosis narrationibus, cujus ecce verba! Dadalum una cum Icaro filio, quandam ob causam in Carcerem à Minoe inclusum fuisse ajunt, qui quidem Dadalus cum FICTITIAS sibi PENNAS FABRE FACIENDO aptasset, una cum Icaro illinc exilisse fertur. Scientiam vero hanc Volantes homines facendi, absque vel machina vel artificio, pennasque praesertim fictitias habentes, calluisse impossibile est. Tale igitur hoc erat, quod ab eis dictum est. Dadalus cum in Carcere esset, ac sese ipsum per fenestram quandam demississet, scapham mare sulcaturus inscendit, quod simulatque Minos intellexit, qui illum abeuntem insequerentur navigia mittit. Id autem Dadalus atque Icarus agnoscentes, persecutoresque à tergo instare animadvertentes, vento terribili & vehementi cum impetu flante usi, ADVOLANTES, hoc est, navigantes circum pelagus vertebantur.*

## XII. DAPHNES METAMORPHOSIS.



**D**Aphne Ladonis fluvii Arcadici, vel ut aliis placet, Penei Theſſalici ex Tellure filia, tantæ venustatis fuiſſe perhibetur, ut Apollinem ejus conſpectus ureret: tantæ caſtita- tis, ut Dei amores celeri fuga, imò &, ſi non interitu, tamen metamor- phoſi ſua ſibi evitandos cenſeret. Cùm amantis vim celeritate ſe ſuperaturam deſperaret, commiſeratione matris in Laurum mutata eſt, in eamque abeuntem nequicquam complexus Apollo, qua Virgi- ne potiri non potuit, eam arborem ſibi ſacram voluit.

Hæc

Fabulæ series ex Mythographis patet. Gemma ex Angelono proposita Daphnen exhibet in ramos jam jam excrefcen-  
tem. Affidet, & flebili amplexu frustratos amores lamentatur  
Phœbus. Phœbum lyra testatur, non fatidico pollice tacta, id  
quod ab hilari solebat, sed humi abjecta, quod à moerente. Lyra  
adjuncta est, instrumentum non ignotum amoris vel conciliandi,  
vel dulciter transigendi.

*Per me concordant Carmina nervis,*

Inquit, inter alia amoris delinimenta, Phœbus ipse, Daphnem adhuc  
insequens, apud OVIDIUM Poëtam elegantissimum, qui ut totam  
fabulæ seriem eleganter expressit, ita nec eorum oblitus est, quæ ad  
gemma hanc sunt præcipua. Audi de Daphne.

*Torpor gravis occupat artus,  
Mollia cinguntur tenui præcordia libro,  
In frondem crines, in ramos brachia crescunt.  
Pes modo tam velox pigris radicibus hæret.  
Ora cacumen habent, remanet nitor unus in illa.*

Audi de Phœbo!

*Hanc quoque Phæbus amat positaque in Stipite dextra  
Sentit adhuc trepidare nervo sub cortice pectus.*

De Daphne elegans est Descriptio apud LUCIANUM in veris  
historiis, lib. 1. Cum portentosas vites memorasset, quarum truncus  
inferior à terra ramosus esset & crassus, superior autem Mulieres  
referret, ab utero fere sursum omnia perfecta habentes, subjicit:  
*Talem apud nos Daphnem describunt, quam cum Apollo jam jam  
comprehenderet, in arborem versa est.* Apposite ad Gemmam!  
Truncus enim etiam in hac à terra ramosus est & crassus, superior  
autem mulierem refert, ab utero fere sursum omnia perfecta haben-  
tem, adeo ut de fabula Daphnes hac in gemma expressa dubitari  
non debeat.

De origine & sensu adhuc dicendum. Laurus Græcis ΔΑΦΝΗ  
dicitur: Inde nomen. Laurus ad Peneum Thessalicum flumen  
frequens nascitur, nascitur & ad ripas Ladonis in Arcadia, & nasci-  
tur ex terra fluvialibus aquis imprægnata: Inde Parentes. Nascitur  
etiam

etiam Delphis, indeque si THEOCRITUM audis Phœbo dicata est, quanquam alii ad Vaticinia decurrant, quod Sacerdotes non tantum lauro coronarentur, sed & Vaticinaturi ejus foliis vescerentur, imò quod & vera somnia expectarentur, ea fronde dormientis vertici supposita. Alii in Arboris calore, calorem solis aliquo modo referente, rationem ponunt, cujus intuitu & Lunæ simulacro ramum lauri datum legimus, ut scilicet pateret, calorem una cum lumine illam à sole mutuari. Alii ad usum medicum respiciunt, quod HERODIANO memorante, Lauri odores ad evitandam contagionem valeant, & rami ejus fulmine non tangerentur, sed semper vireant. Hæc ex tribus Apollinis officiis desumpta sunt. Forsitan adhuc alia adduxeris. Daphnen Tirciæ filiam apud Delphos carmine usque adeo excellenti vaticinatum, ut Homerus ipse multa in suum poema transtulerit, memorat DIODORUS. Daphnen Nympham, earum unam, quæ montem incolerent, à Tellure delectam, quæ Delphis, Oraculorum sedi, præsideret, PAUSANIAS Author est. An harum ex nomine, munerisque dignitate, fabulam arbitraberis confictam? Nihil video quod ob stare possit; sunt tamen qui totam seriem ad moralia detorquerent, & sub Daphnes in arborem semper virentem metamorphosi, Virginum, quæ pudicitiam suam intactam conservassent, malint immortalem contemplari gloriam.

## XIII.

# BELLEROPHON PEGASUM DOMANS.



**H**Anc gemmam ex eodem Angelone cò libentius proponimus, quò aperius contra PAUSANIAM videtur militare.

Ita

Ita ille in *Corinthiacis* Ἀθηναίαν Θεῶν μάλιστα ὑπερμαρτυροῦναι  
 πίπει ἄλλα Βελλεροφόνῃ Φασι, καὶ ὡς τὸν πῆγασόν ἐι παρεῖναι,  
 χαρυσταμένην τὴν ἑ, ἐνθῆσαι αὐτῇ τῷ ἵππῳ χαλινόν. *Minervam*  
*ajunt praeter ceteris Diis Bellerophonti, cum aliis in rebus opitula-*  
*tam, tum verò à se domitum, freno jam imposito, pegasus dedisse.*  
 Freno jam imposito? Atqui in proposita gemma frenum abest,  
 nec Minerva Pegasus domat, sed Bellerophon? Nihil dubita.  
 Surgit gemmae Patronus. STRABO *Lib. 8.* Cum de Pirene, fonte  
 Acrocorinthi, locutus esset, subjicit: ἐνταῦθα δὲ Φασι πινόντα τὸν  
 πῆγασον ἀλῶναι ὑπὸ Βελλεροφόνῃ. *Ibi Pegasus, cum biberet*  
*CAPTUM ajunt esse à BELLEROPHONTE.* Ita quod PAU-  
 SANIAS Minervæ adscribit, STRABO & GEMMA adscribunt Belle-  
 rophonti. An sibi contrarii? Si corticem respicias, sunt: si me-  
 dullam, non sunt. Bellerophontem quidam ab occiso Bellerō de-  
 nominatum ajunt; sed verius, quasi Βελληρόφοντα *Consiliarium*,  
 dictum probat FULGENTIUS *Lib. III. pr.* inde præcipue, quod  
 HOMERUS.

ἀγαθὰ φρονέοντα ἢ δαίφρονα Βελλεροφόντην.

*Bona Consulentem & prudentem*

appellet. Hunc si sequaris, jam constabit, idem esse, sive Miner-  
 vam dicas frenum Pegaso imposuisse, sive ipsum Bellerophontem.  
 Minerva enim aliud non est, quam prudentia; & prudentia opus erat  
 equum, alis armatum indignantemque, domanti. Indignantem Pe-  
 gasum frena recepisse, OVIDIUS Author est, versu quem & supra  
 citavimus.

*Indignanti frena receperat Ore*

Alas ob celeritatem ei datas, vulgò patet; Neque enim, si PALA-  
 PHATUM audis, fieri posset, ut Equus voliter, etiam si omnium avium  
 pennas sibi junxisset. Ita vel ex his intelligis non tam historiam,  
 quàm fabulam hic exhiberi: Quanquam historia subesse possit, sive  
 Bellerophontem Equi alicujus, celeritate quasi volantis, domitorem  
 statuas, sive navigii gubernatorem, cujus vela alarum vices im-  
 plevrint. De navigio suggerit idem PALÆPHATUS: De Equo  
 PLINIUS, qui Bellerophontem primum Equo vehi docuisse *libro 7.*

NIX

cap. 56. testatur, & HORATIUS, qui Equetrem peritiam ut extolleret, Neobulen allocutus.

*Eques, inquit, ipso melior Bellerophonte*  
Accedit Bellerophontis Patria. Ephyra oriundus memoratur, propè  
*Argos Equis aptum.* HOMERUM audi.

ἐς πόλιν ἐΦύρην μυχῷ ἄργεῳ ἵπποβότοιο.  
ἐνθα δὲ Σίσυφῳ ἔσκεν, ὃ κέρδιος γένει ἀνδρῶν  
Σίσυφῳ Ἀιολίδης. ὃ δ' ἄρα Γλαῦκον πεπεθίειν.  
Ἄντιρ Γλαῦκῳ ἐπὶ ἔνι ἀμύμονα βελλεροφόντην.  
Τῷ δὲ Θεοὶ καλὸς τε, καὶ ἠγορέην ἐοικωμένην.  
ᾠπαισεν.

*Est Civitas Ephyra in recessu Argi Equis apti*  
*Hic autem Sisyphus fuit, qui prudentissimus existit*  
*Virorum*  
*Sisyphus Aëolides. Hic vero Glaucum generavit filium.*  
*Verum Glaucus genuit inculpatum Bellerophontem;*  
*Hic autem Dii pulchritudinem & amabilem Virili-*  
*tatem*  
*Dederunt*

Quibus ex verbis simul & de genere Bellerophontis constat:  
Constat & de pulchritudine & virilitate, quas in gemma mirificè  
expressas cernimus.

XIV.  
IN FUNDAMENTIS  
TEMPLI CAPITOLINI.  
CAPUT HUMANUM  
repertum.



**D**Uplex Onyx in *Dactyliotheca* ABRAHAMI GORLÆI, inter Gemmas solutas No. 35. & 36. hominem nudum exhibet, dextra caput humanum præferentem, sinistra ligonem tenentem. Ligonem statuimus, idque moniti numismate Cartejæ *Thef. El. Brandenburgici*, in quo Vir quidam simili instrumento terram percutiens & fodiens cernitur. Duorum scilicet generum erant ligones, vel lati & quadrati, vel in acumen exeuntes, qualem in proposito cernimus. Acumen istius modi COLUMELLA Ligonis dentem appellavit, & non unum interdum fuisse ex hoc SIDONII intelligas.

*Flexi dum fortè Ligonis  
Exerces dentes.*

Ex quo simul & de forma constat, cujus intuitu, STATIO *lib. 3. Theb.* INCURVI LIGONES vocantur, adeo ut de ligone dubium non superfit, nisi fortè similem ferè figuram *falcis* in medium adducas, quam in sequenti Ejusdem GORLÆI No. 64. *Gemmarum solutarum*, Saturnus præfert.



Sed longitudine ea differt & forma, licet acumine non minus ac ligo conspicua sit, qua ratione & ipsa *dentis* nomen meruit, apud VIRGILIUM, sed *dentis Saturni*, qui OVIDIO *lib. 1. fast. Falcifer*, & in Ponto *falcitenens Deus* audit: alias, ut quidam rentur, vel à *suturando*, propter annonæ erogationem, nomen sortitus: vel à *satu*, quod Sercoratori præsit, & Agriculturæ, quod officii genus in Gemma per spicas exprimitur, dilucidatque alias ejusdem GORLÆI in *Dactylotbeca No. 117. & 175.*



*Onyx incis*

In Cujus prima mulier cum ligone & capite papaveris, & à tergo spica; in secunda rursus loco capitis papaveris, caput humanum cernitur. Ligo fodiendæ terræ instrumentum, non tantum in effodiendis ædificiorum fundamentis usurpatur, sed etiam in agricultura, adeoque facile constat, caput papaveris & spicam, ad hanc solam pertinere, spicam autem & caput humanum, non tantum Agriculturam tangere, sed etiam historiam effossi Capitis humani simul adumbrare, quo prodigio futurus Romanorum dominatus, & ex dominatu procedens agriculturæ securitas, annonæque copia Romanis innotuit.



XV.  
CLOELIA.



**I**Nter Camæos, ab ANGELONE publici juris factos, etiam  
proposita mulier visitur, Equo ad Cursum incitato vecta;  
sed nomen, uti nec in reliquis, adscriptum non est.  
CLOELIAM ea adumbrari, facile opinor persuasero. Nota est  
Virginis Virtus, & facinus! Notum virtutis præmium! Cùm  
Porfenna Etruscorum Rex, Romanis gravi obsidione Virgines ob-  
sides extorsisset, illa per Tiberim fugiendi reliquis & Author &  
Dux, adedò Regem perculit, ut Equo bellico donatam dimitteret,  
Romanique statuâ Æneâ redeantem honorarent. An per flumen  
tranaverit, an equitaverit, anceps apud Authores assertum est.  
Secundum VIRGILIUM, *Æn. 8.*

*Fluvium Vincis INNAVIT CLOELIA ruptis*  
Secundum JUVENALEM.

*Imperii fines Tiberinum Virgo NATAVIT.*

Ita & DIONYSIUS Halicarn. A Custodibus, precibus con-  
tenderunt, ut sibi flumen adire, & se lavare permitterent,  
quum id impetrassent, eos rogarunt, ut tantisper à flumine reca-  
derent, donec se lavissent, & Vestes resumpsissent, ne se nudas vi-  
derent, quumque id illi fecissent, CLOELIA illas adhortante,  
primaque incipiente, FLUVIO TRANATO, in urbem sunt  
reversæ. Et LIVIUS lib. 2. cap. 13. CLOELIA Virgo, una ex  
obsidibus, quum Castra Etruscorum forte haud procul ripa Tiberis  
locata essent, frustrata Custodes, dux Agminis Virginum, inter  
Tela hostium, TIBERIM TRANAVIT.

Multò aliter FLORUS: *per patrium flumen*, inquit, *EQUITABAT*: & AURELIUS VICTOR, *Porfenna CLOELIAM Virginem nobilem inter obsides accepit, qua deceptis Custodibus noctu Castris egressa, EQUUM, quem fors dederat, arripuit, & Tiberim Trajecit*: His accedit & nostra gemma, in qua Equus posterioribus pedibus flumen premit, adè ut vel hinc colligas, cum habitum hinc exprimi, quo Tiberim ingressa est; nec forsitan dubium, quin eodem & statua fulserit, quam in Via sacra, quæ in Comitium fert, Clæliæ positam, DIONYSIUS *Halicarnassensis* memorat. De loco audiat & SENECA *de Consol. Equestri insidens statua, in sacra via, celeberrimo loco, Clælia exprobrat Juvenibus nostris pulvinum ascendentibus, in ea illos urbe sic ingredi, in qua etiam feminas equo donavimus*: Quibus ex Verbis ALDUS MANUTIUS colligit, Versum hunc apud CIC. *off. lib. 1. Statuæ insculptum fuisse*:

*Vos etiam Juvenes animum geritis muliebrem  
Illa Virago Viri!*






Ertium Viridarii nostri segmentum varias nobis Inscriptiones objicit, vel cum figuris illustres, vel absque figuris memorandas. STEPHANUS WINANDUS PIGHIUS, nobilioris Antiquitatis sedulus inquisitor, non hujus tantum, sed & sequentis capitis suppeditat divitias. Autographum ejus inter Manuscripta Bibliothecæ Electoralis

Brandenburgicæ asservatur, variante pulcherrimæ mercis copia referatissimum. Ad GRUTERUM, REYNESIUM, aliosque Authores, hoc in genere non obscuros, id examinantes, plurima jam vulgata, pauca hæcenus inedita, quædam etiam à vulgatis diversa deprehendimus. Quæ jam vulgata, sufficientique commentario illustrata prostant, hoc volumine tangere religio nobis est. Quæ à vulgatis differunt, confidimus fore delectationi: Quæ nondum edita, emolumento. Utraque proponimus, non ad rationem ordinis, sed ut quæque sese obtulerunt.

# I.



Inscriptio hæc est apud CL. SPONTIUM in *Miscell. Erudita Antiquitatis* pag. 224. Unica quidem litera diversa, sed quæ diver-

diversum planè sensum inducit. Secundum PIGHIUM Memphis Libraria fuit; sed secundum SPONIUM, fuit Pompeja. Si quæras utri credendum, judicium, nisi inspectione lapidis firmetur, difficile dixerim. Sensem integrum & planum dedit PIGHIUS, innuens Memphim, Pompejæ Librariam vixisse annos XX. Sed planum dedit & SPONIUS, si Memphim Pompejæ Librariæ monumentum posuisse intelligas, vixisse autem Pompejam Annos XX. Hæc utcunque fuerint, indicasse sufficiat.

De Voce *Libraria* major cura. SPONIUS Librarias dictas ait, quæ pondera librabant, à *Libra* scilicet: quod licet Veterum autoritate non stabiliverit, & Libraria à *Libra* adjectivè apud COLUMELLAM legatur, tamen & substantivè, pro ea, quæ pondera librabat, & pensa ancillis dispertiebat, JUVENALIS posuit, Sat. VI. vers. 475.

Nocte Maritus  
Aversus jacuit, periit LIBRARIA, ponunt  
Cosmetæ tunicas.

Quo loco vetus SCHOLIASTES *Librariam*, *Lanipendiam* interpretatur, quod scilicet lanas penderet, & pensa, quæ inde, à pendendo scilicet, dicta sunt, ancillis dispertiret.

Forſitan Librariam intelligas, quæ libros vel transcribebat, vel vendebat, idque idè, quod Librarius eo sensu apud idoneos Auctores legatur, priore scilicet apud CICERONEM, LIVIUM & HORATIUM, posteriore apud CATULLUM ad Calvum, Epigr. 14. Sed virilia hæc officia fuere, nec sine Veterum autoritate ad fœminas extendenda. Fœmina fuit Memphis, & fuit Libraria, id est Lanipendia fœminæ: Pompejæ scilicet, quæ an Cæsaris uxor fuerit, quam ob suspicionem adulterii cum Clodio repudiavit, an Sexti Pompeii filia, pignus initæ cum Triumviris concordia Marcello desponsata, sed non deducta, quæ postea Scribonio nupsit, an alia, anceps & incerta disquisitio foret.

LIBRARIA

II.

L. CORNELIUS  
L. F. GAL. CINNA.  
II VIR.  
MVRVM LONG. P. CII.  
EX. D.D. F.C. IQ. P.

**E**st hæc Inscriptio apud REYNESIUM Classe II. Numero 19. Sed Cornelius ibi non L. ut apud PIGHIUM, sed CN. Prænomen habet, quæ differentia causâ est, ut hic denuò proponendam censeamus. Series ita legitur : L. CORNELIUS Lucii Filius GALLUS CINNA DuumVIR MVRVM LONGVM Pedes Centum & duos EX Decreto Decurionum Fieri Curavit Idem Que Probavit.

III.

MANLIAE. IVCVNDÆ. NVTRICI.

**R**EYNESIUS Classe XI. No. 30. Inscriptionem habet in Hortis Maffæorum Romæ exstantem, quæ an cum proposita eadem sit, an diversa, Lectori dijudicandum relinquimus. Ita habet :

MANLIA SEVERA  
MANLIÆ SECUNDÆ  
NUTRICI.

Hanc nostrâ pleniorẽ esse, non diffiteor, adeoque nomen *Manlia Severa* libenti animo agnosco, An autem loco *Secunda*, *Jucunda*, an vice versâ legendum sit, ipse lapis discernat necesse est. Differentiam indicare volui, ut veritatis eruendæ occasio esset, nec PIGHII de Nutrice siletur sententia, quam ille his verbis adscripsit :

*Nutrices, inquit, Libertina fortis erant : Puellas Virgines,*

in ludum Literarium commeantes comitabantur. LIVIUS Lib. 3. de Virgine puella, quam Appius Xvir servituti addidit: Virgini venienti in forum (ibi enim in taberna literarum ludi erant, Mistrer Xviri libidinis manum iniecit. Et paulò post: Pavida, puella stupente, ad clamorem Neutricis, fidem Quiritium implorantis fit, concursus.

#### IV.

LIVIVS. AVGVSTI.  
TABVLARIVS.  
ATALIANVS.

INscriptio hæc quod sciam hætenus vulgata non est. CL. SPONIUS in Miscellaneis Tabularios intelligit Notarios sive Scribas Publicos Rationum rerumq; Castrensium: ut apud GRUTERUM *Tabularii Rationis Fisci, Tabularii Rationis Hereditatum, Tabularii Patrimonii Caesarum.* Idè autem arbitrat Tabularios dici, quòd Tabulis ligneis, eburneis, ferreis, marmoreis consignarentur aëta scriptaq; quæ nunc chartæ pergamenæq; inscribuntur; Idem p. 218. Tabularii, ait, qui Tabulas publicas & Archiva curabant & custodiebant, unde in Gloss. Lat. Gr. Tabularius *Γραμματεὺς Φίλαξ, λογιστὴς & λογοποιός.* Videri possunt & SIDONIUS *ad Petrejum*, & SENECA *Ep. 89.* & addatur PANCIROLL. *de Magistratibus Municipalibus* c. XXI. Alio planè sensu, quam quo Tabellarius, de quo CICERO *ad Terentiam lib. 1. Ep. 22.* Tabellarium appellans, qui literas perfert, id quod & colligas ex Epistola ad Pætum *l. 9. Ep. 15.* his verbis: *Duabus Tuis Epistolis respondebo: uni, quam triduo ante acceperam à Zeto: alteri, quam attuleras Phileros* TABELLARIUS. Et hinc apud eundem: *Tabellarios mittere & remittere: Tabellarios excutere & scruteri: Tabellarios deprehendere & subministrare.*

#### V.

V.

DIIS  
MANIBVS.  
C. STATILI.  
MAXIMI.  
MENSORIS.  
ÆDIFICIORVM

**G**RUTERUS pag. 623. No. 7. fere similem inscriptionem habet, aitque, Arulæ inſcriptam, Romæ in Vinca Carpenſi exſtare. Unica differentia eſt, quem noſter *C. Statilium* vocat, Gruterus *L. Cacilium* appellat, ſervato utrinque *Maximi* Cognomine, ſervato & *Menſoris Ædificiorum* officio. Quem *Menſorem Ædificiorum* vocant lapides, cum ſimpliciter *Menſorem* appellant Authores. Erat ſub Magiſtro Officiorum, Principemque, in aliquam civitatem iturum, præibat, & domos, in quibus quique hoſpitaturus eſſet, ſigno denotabat: diverſus à Metatore, quod hic integris Caſtris locum deligebat, ille ſingulis hominibus vel in Caſtris vel in Urbe. Plura videri poſſunt in commentariis PANCIROLLI ad Notiſiam Imp. Orient. cap. LXV. & GOTHEFREDI ad Cod. Theod. Tom. II. lib. VI. Tit. 34. *de Menſoribus* & lib. VI. Tit. 8. Leg. 4. *de Metatis*.

VI.

FONTI DIVINO  
NO. ARAM  
POSTVMIVS. SA  
TVLIVS. EX. VOTO.  
D. D. D.

**E**ſt Inſcriptio apud GRUTERUM unica littera à noſtra diverſa, qui PIGHIO Satulius eſt, is GRUTERO *Statulius* cognominatur. Quicquid ſit, aram ab eo erectam Fonti, ex hoc monumento diſcimus, & ne cauſa cultus deeſſe videretur, innuit, hoc ſe facere Fonti Divino. Divinis ſcilicet honoribus colebantur fontes, dic-

dicebanturque ea sacra cognato vocabulo *Fontinalia*. VARRONEM & FESTUM testes apponimus. Festus ita: *Fontinalia fontium sacra, unde & Roma fontinalis porta*. VARRO: *Fontinalia à fonte, quod is dies feria ejus. Ab eo autem tum, & in fontes coronas jaciunt, & puteos coronant.*

## VII.

LONGINVS.	C. IVLIUS CAESARIS L.
OSTIARIVS.	DEMETRIVS.

GRUTERUS quidem aliis in inscriptionibus Longinum & C. Julium Denetrium memorat, sed illum Ostiarium, hunc Cæsaris Libertum fuisse, non memorat. Utrumque ex Pi-ghiana intelligimus. *Ostiarii* officum fuisse portas custodire & impedire ingredi volentes, ex SUIDA docet CL. SPONIUS. ILL. du CANGE in Glossario plura collegit, quæ honorifica tanti viri cum mentione huc transcriberem, nisi longiora forent. Notare tamen licebit: apud antiquos Romanos ædilitiorum nomen Ostiarios gestasse: *Ostiarium Palatii* primum inter Ministriales Palatinos, qui majoribus ministris suberant, fuisse: Goterianum *Magnificum Ostiarium* memorari in Epist. Hadriani PP. 92. Codicis Carolini: Francolinum *Ostiarium Regis* apud Odorannum in Chron. An. 1031. Gerungum *summum sacri Palatii Ostiarium* apud Frotharium Tullensem Ep. 2. 4. *Ostiariorum Magistrum* apud Eginhardum Anno 822. Athonem *Ostiarium Caroli Imperatoris* apud Hincmarum de villa Novilliaco in Appendice ad Flodoardum: Fuisse & *primum gradum Ordinis Ecclesiastici*, ad eumque pertinuisse Claves Ecclesiæ, ut Clauderet & aperiret Templum Dei, & omnia, quæ sunt intus extraque, custodiret, fideles reciperet, infideles & excommunicatos rejiceret. Authores prædicta confirmantes videri possunt apud Eundem ILL. Dominum Du CANGE. Nobis sufficit notasse differentiam inter *Ostiarium Palatii* & *Ecclesiæ*; Notasse & dignitatem, ne aliquis Ostiarii munus inter vilia & abjecta fors per imprudentiam reponat.

## VIII.



# VIII.

PARTHAS.	ΙΟΥΑΙΑΑΝΘΟΥ
CAESARIS.	ΣΑΜΙΑ ΩΝΟΣΑ
VNCTOR.	ΔΕΛΦΗΧΑΙΡΕ.

**D**Uæ hæ inscriptiones uno secundum PIGHIUM continentur lapide. GRUTERUS priorem tantum exhibet, eâ tamen cum differentia, quod non *Partham*, sed *Pantham* hunc Cæsaris Unctorem appellat. *Unctores* erant qui Unguentis Odo-ribusque variis balneum ingredientes, aliosque ungebant. Unctor *sordidus* vocatur Martiali; sed nostro elevationis fortunæ umbram circumfundit appositum Cæsaris nomen. Græca inscriptio per se patet. Latine sic redderes. *Julia Florens, Soror Milonis, Vale!*

# IX.

ANVS. AD.  
DVOMVIR  
CONLEGANVLARI  
LOCVM SEPVLCHM  
INFRONTI. PEDESXXV  
IN AGRO. PEDESXXV  
DE SV. PEQVNIA.  
CONLEGIO ANVLAR  
DEDIT.

**C**Ujus honori propositum Marmor erectum fuit, ejus nomen mutilavit injuria temporis, adeo ut temerè acturus sit, qui sine veterum autoritate id restituere præsumserit. Duumvirum *Collegii Annulariorum* fuisse, locumque sepulchralem col-  
legio

legio dedisse, ex residuis clarum est. Collegium Annulariorum hæctenus inter Antiquitatis reliquias, quod sciam, non apparuit. Fuisse Annulorum artifices, qui Græcis, *ΔακτυλιωγλῖΦοι* vocantur, HENR. STEPHANUS ait, allegato in rei fidem CICERONE. Acad. *An tibi erit quarendus ANNULARIUS aliquis?*

X.

M. VLPIVS AVG LIB PLOCAMVS  
EX DOMV AVG SCASOR.  
ET IVLIA CHELIDO CONTVBER  
EIVS C IVLIO RVFO FIL PISSIM  
FECERVNT ET SIBI ET POSTERISQ  
SVIS. VIXIT ANN. XVIII. MEN. V. DXV.

**R**EYNESIUS classe IX. (No. 66. ubi hanc inscriptionem proponit, loco vocis SCASOR, legendum arbitratur STATOR, remittitque Lectorem, ad alias inscriptiones, in quibus Statoris mentio occurrit. Sed SCASOR, & non STATOR, in proposita legendum esse, CODEX THEODOSIANUS persuadet *Lib. 2. de Excusat. Artificum*, ubi inter eos, qui ab universis muneribus vacare jubentur etiam SCASORES nominantur. GOTHOFREDUS legendum arbitratur *Scansores*, ex quo GLOSSA: *scansor κατασκευης*: vel *Stratores*, qui pavimenta sternebant: vel *Scansores*, qui circa gradus seu scalaria occupati essent, per quos scanditur. Sed frustra laborat, si non de sensu, tamen de voce, cum *scansores* legendum esse, nostrum marmor liquido evincat.

XI.

CHARACTERI.  
T. CAESARIS. AVG.  
PEDISEQ. PRIMIANO.

**D**E *Pedissequis* variae sunt apud GRUTERUM inscriptiones sed de *Pedissequo Primiano* res non adeò trita est. *Pedissequi* ex ipsa vocabuli notatione sunt ii, qui Dominos à pedibus sequuntur. Ita apud PLAUTUM: *Pedissequi Tibi sum*, & CICERO ad Atticum: *Mibi videtur una concinnula, clamore pedissequorum nostrorum esse peritura*; & pro domo: *Conculcari hunc à Pedissequis iussit*.

XII.

MARI. MAXIM.  
PRAEF. VRB.  
PROCONS. V.  
SUFFRAGAT.

**M**arium Maximum, qui hic nominatur eundem esse, cum L. Mario Maximo, cujus infra mentio habebitur, vix dubitari potest. Utrunque enim *Præfectus Urbis* dicitur, utrinque *Proconsul*. Ultima Vox SUFFRAGATOREM prodit, sed nomen ejus injuria temporis abolevit. Suffragatores antiquitus erant, qui suffragabantur, sive suffragio suo, aliquem in petitione honoris juvabant, Græcis *ψυδοδότης*: Ita CICERO pro L. Murena ad Ser. Sulpitium: *Tua Nobilitas, tametsi summa est, tamen hominibus literatis & historicis est notior, populo vero & SUFFRAGATORIBUS obscurior*. Et PLAUTUS in *Cassina* Act. 2. sc. 4. *Ego Te & suffragatores ulciscar Tuos*. Poste-

rioribus temporibus idem significabat, quod vulgo *suffraganeus*. *Suffraganei* autem erant Episcoporum adjutores. De quibus plura apud DOM. DU CANGE in Gloss. med. Lat.

XIII.



**H**anc inscriptionem & GRUTERUS & BOISSARDUS exhibuerunt uterque non exigua à PIGHIO cum differentia. GRUTERUS, pro ΕΩΣ, habet ΕΩΣ: pro ΤΕΙΜΙΩΤΑΤΗ, ΤΕΙΜΙΩ-  
ΑΡΑΙ: *Rotam*, figurarum alteri à tergo appositam, omittit, aitque, *baculum supra Gryphum* demitti; BOISSARDUS, loco literarum Θ.Η. substituit Θ.Κ. loco ΚΗΝΣΩΡΕΙΝΑ legit ΚΗΣΩΡΕΙΝΑ, in voce ΑΠΕΛΕΥΘΕΡΑ loco Θ. literam Τ. venditat, suppressoque spei simulacro, alteri, loco baculi, palmam appingit, omissa denuo tota, & assurgente cotam non Grypho, sed cane: Quæ omnia in  
pro-

proposita secus se habent, aded ut hæc differentia sufficiens mihi causa sit, ut cramben his coctam denuò recoquere sustineam.

Quod inscriptionem attinet, procul dubio GRUTERUM errasse fateberis, procul dubio agnosces BOISSARDUM loco Θ.Η. literas Θ.Κ. recte substituere, cum statam & usitatam formulam. ΘΕΟΙΣ ΚΑΤΑΧΘΟΝΙΟΙΣ *Diis manibus*, iis credi debeat expressisse artifex, quam plena literarum serie apud eundem BOISSARDUM parte V. p. 94. & parte VI. pag. 144. legimus.

Sed in his ut BOISSARDUM amplectimur, ita non probamus omissam literam N. in voce ΚΗΣΩΠΕΙΝΑ, pro ΚΗΝΣΩΠΕΙΝΑ. Censorina notissimum nomen est; at Ceforina nullibi, quod sciam, legitur: simili modo in voce ΑΠΕΛΕΥΘΕΡΑ, non literam T. sed Θ. agnoscendum arbitramur, tum genuina vocis Etymologia moti, tum duplici, GRUTERI scilicet, & PIGHII Autoritate.

His ita præmissis de sensu inscriptionis laborandum. Gruterus ΕΛΠΙΔΙ ΕΩΟΣ *spei resurrectionis*, videtur interpretari, an autem Vox ΕΩΟΣ pro resurrectione ponatur, haud abs re fortasse dubitaveris. Auroram ea sonat, non resurrectionem. Si dicas, resurrectionem mortuorum, venturæ dici æternæ quasi auroram esse, respondeo: in inscriptionibus vocabula proprie esse intelligenda, unde etiam simulacra propriam significationem, ut ΕΛΠΙΔΟΣ *spei*, ita & ΕΩΟΣ *Aurora* stabiliunt, id quod infra pluribus docerimur.

Hæc dum dico, subit dubium, an voces, ΕΛΠΙΔΙ ΕΩΟΣ, Nomina Appellativa sint, an Propria? Pro propriis militat copula ΚΑΙ. Quæ ut post se nomen proprium habet, ita & ante se videtur requirere. Non refragatur vox ΕΛΠΙΔΙ, quæ non tantum spem significat, sed & variis in inscriptionibus nomen proprium est. Ita apud GRUT. pag. 788. No. 5. & BOISSARDO Parte IV. pag. 138.

DIS MANIBUS  
HELPIDI CONJUGI  
HELIUS  
B. M. F.  
V. A. XXXV.

Ut alias taceam , quæ videri possunt apud Eundem pag. 977. No. 11. pag. 479. No. 4. pag. 613. No. 5. pag. 319. No. 4. pag. 632. No. 8. & apud BOISSARDUM variis in locis: Ne autem adspirationem H. conjecturæ obstaré arbitreris , audi iterum GRUTERUM pag. 930. No. 10.

L. STRATONICUS ELPIDI EARINÆ  
CONJUGI. &c.

Et denuo pag. 973. No. 1. eadem pagina , qua & Pighianum.

ELPIS AMPELI  
CONSERVA.

Ut proinde absurdum non sit , si vocem ΕΛΠΙΔΙ nomen proprium statuamus , & ΕΛΠΙΔΙ ΕΩΟΣ non *spei Aurora* , aut cum Grutero , *resurrectionis* interpretemur , sed ΕΛΠΙΔΙ ΕΩΟΣ filia , adeoque totam Inscriptionem hoc modo vertamus.

D. M.  
ELPIDI EOI F.  
ET CENSORINÆ  
HONORATISSIMÆ  
LIBERTA  
POSUIT.

Sed , inquis , adjunctæ figuræ , *spes* scilicet & *Aurora* evincunt , non Nomina Propria hæc esse , sed Appellativa ? Facilis est responsio : Nomina Propria esse non negant ; sed appellativorum sensum simul involvere , id est , quod juxta indigitant . Res in lapidibus insolita non est : Monumentum T. STATILI. VOL. APRI. testem se sistit . In eo *aper mortuus* exprimitur , non ut Apri cognomen nomen proprium negetur , sed ut ambiguitas vocis *Apri* insinuetur : Sistit se testem , Patrem , Matrem , & Liberos lugens , lacrumisque confecta CYPRIS , quæ tanquam altera Cypris sive Venus , venustate haud vulgari inter duas Cyparissus aræ adstat , defunctisque juxta solvit . Utrumque videas apud BOISSARDUM . Taceo numismata , ubi Acilii Æsculapium cum salute & valetudine : L. Antonius Pietas , Pietatem : Lucretius Trio , Triones : Manlius Torquatus , Torquem : Poblicius Malleolus , Malleum : Alii alia expressere :  
omnes

omnes ad indicandum vel Nominum vel Cognominum suorum  
sive originem, sive significationem. In monumento nostro *speciem*  
cernimus & Auroram. De Spei simulacro omnia plana sunt. De  
simulacro Auroræ res obscurior. Cephalum rapientis meminit  
PAUSANIAS, *tam in Atticis, quam in Laconicis*: Jovi pro filiis  
cum Thetide supplicantis, *Eliac priore*; Sed utrinque de habitu  
tacet. Poetarum Elogia eam aliter describunt, quam in nostro  
monumento designatur; HOMERUS ei *Auream sedem* tribuit  
Odys. x. 541. Et alibi tribuit *equos, Lampum & Phaethonta* Odysf.  
23. v. 256. Quibus alii *Pegasus* substituunt, quem post Bellero-  
phontis casum à Jove Aurora impetraverit. Equos habet & THEO-  
CRITUS Id. β. ψ. 148.

ἵπποι

Ἀὐτὴν ῥοδοπῆχον εἴπ' Ὀκεανῷο Φέρουσι

Equi

*Auroram roseam ab oceano ferentes.*

Sed in proposito monumento nec Equus nec Aurea sedes, nec  
denique Pegasus; *Rota* adest & *Gryphus*, illa procul dubio, quod  
vias Aurora aperiat, hic ad indicandam arctiorem cum Phœbo ne-  
cessitatem, cujus secundum ORPHEUM ἀγγελία πύξια crede-  
batur, quod & VIRGILIUS confirmat, *præviæ flammiferi*  
*curru* appellans, in Experimentis. Gryphum certè Phœbo sacrum,  
ex varia Antiquitatis suppellectile jam dudum patet, & declarat  
CLAUDIANUS his versibus:

*At si Phœbus adest & frenis GRYPHA jugalem*

*Riphaeo tripodas repetens detorsit ab axe.*

Ex quibus lucem simul mutuantur quatuor Gryphi apud CL.  
SPONTIUM curru juncti, quas apud Indos solem ipsum denotare  
ÆLIANUS prodit lib. 4. de Animal cap. 27. Ratio consecratio-  
nis in animalium, quibus Gryphus componitur, *Aquila* scilicet &  
*Leonis*, dominatu sita est, quod omnibus dominanti sideri non  
alia magis conveniant, quam quæ in suo genere dominatum sibi  
vindicaissent.

Sed

Sed ad propositum revertimur, reliquum Auroræ habitum contemplaturi. VINCENTIUS CHARTARIUS in Iconologia Deorum, ubi Auroram currui insistentem, Pegasoque tractam exhibet, addit & averſam numismatis primi sub Plautia Gente, in qua figura alata quatuor inter Equos, quos frenis dirigit, volare videtur. Procul dubio etiam hanc Auroram putavit: Et ſtabiliri poſſet opinio non ſolum, quod, ut ſupra audivimus, Aurora Solis prævia fuerit, & in averſa Solis caput exhibeatur: ſed etiam quod in noſtro monumento eadem alata occurrat; Sed dubium movet noſtiſſimum Victoriæ ſimulacrum, id enim non modo alatum fuiſſe, ſed etiam ſoli egregie videtur quadrare, cum hic *invictus* paſſim in antiquis monumentis nuncupetur, & apud Celeberrimum SPONIUM, loco ſupra citato, etiam à Victoria coronetur: Dubium movent Horæ, cum & has *alatas* fuiſſe vel SENECA teſte conſtet:

*Volat ambiguis mobilis ALIS Hora,*

OVIDIOQUE canente

*Jungere Equos Titan Velocibus imperet Horis.*

Secundum quod forſitan non erraveris, ſi horarum aliquanti Equos Titani adducturam in Plautii nummo agnoſcas. Ego quid ſequendum, in medio relinquam. Bacillus in mentem venit, quem Aurora noſtra manu non ad Gryphum demittit, ſed juxta alam elevat. Supra diximus BOISSARDUM non bacillum, ſed palmam habere, procul dubio, quod non auroræ, ſed victoriæ hoc ſimulacrum crederet; Sed bacillum agnoſcit non PIGHIUS tantum, ſed etiam GRUTERUS, Et quid ſi nec bacillus ſit, ſed *Lampas*, ſecundum SILIUM ITALICUM. lib.12.


*Atque ubi nox depulſa polo, primaque rubefcit*

LAMPADÉ Neptunus, revocatque AURORA  
*labores.*

Accedit & CHARTARIUS loco ſupra citato, qui Auroram & ipſe cum lampade exhibuit, unde & *λαμπυδὴ Φόργη* dictam, GYRALDUS teſtatur.



XIV.



**A** Ram hanc Tectis, vulgo Teu, in Marchionatu Francimontano, Diocesi Leodiensi, inventam, & anno 1557. Mense Augusto exscriptam, PIGHIUS author est, qui & dextro lateri sertum, semi-coronæ formâ, ex arietis capite dependens, lateri autem sinistro, quædam militum simulacra, vetustate aded attrita, ut vix agnoscerentur, insculpta fuisse, memorat. De loco ita scribit. *Teu, inquit, Tectum sonat lingua Leodiensi; Est autem Tectis nunc pagus, quem sepulcra veterum Romanorum illic inventa, adificia quoque & Numismata, nec non aliquot saxa, Latinis antiquis literis inscripta, præter ipsum nomen, antiquam appellationem vulgo significans, Civitatem Romanis non ignotam testantur. Quia & Jul. Caesar Tectolagorum popularum Belgica, à Tectis civitate meminit.* Hæc PIGHIUS. Inscriptionem ita legimus: *IN Honorem Deorum Deo Invicto Mithra AXIVS VERVS Q. VETI ET PROBINVS VERI filius* (scilicet, posuerunt) *Vero Soluto Libenter Merito.* Quinti Vetii Ingenui meminit Inscripção Gruteriana pag. 567. No. 9. vocaturque Veteranus cohortis III. Prætoris ex Provincia Germania Inferiore, quæ utique ad nostrum aliquid lucis aspergere videbuntur, convenientibus non nomine tantum, sed & loco militiæ, cum loco inventæ aræ: imò & militia ipsa, cum militibus in aræ latere expressa.

XV.



**E**odem, quo superior, etiam hæc ara inventa est loco, eodemque anno & mense exscripta. Ita legimus: *Deo Invisito Mithra Aram Posuerunt FREIO. ET FRIATTO Voto Soluta Libenter Merito.* Nomina *Freio* & *Friatto* hæcenus quòd sciam, non apparuerunt. Forsitan à Dea *Frea* sive *Fria* deduxeris, quæ veteribus Germanis *Venus* fuit, & à qua hodiernum dies Veneris, non Germanis tantum, sed & Belgis, & Anglis aliisque denominatur.

XVI.

ΔΑΙΜΟΝΙ ΠΕΡΣΕΙΩ ΠΟΛΥΜΟΡΦΩ ΜΕΓΙΣΤΟΝΗΡΩ.


*Repertum in Capitolio ad arcam, Sub statua Triformis Deæ.*

**I**nscriptionem hanc, sub statua Triformis Deæ, in Capitolio ad arcam, repertam, se ipsum cum Pyrrho vidisse PIGHIUS noster asserit. Sub Statua Triformis Deæ! Id arguit etiam Vocabulum *πολυμέφω*. Quid autem *Dæmon* *περσεϊα*? quid *μεγιστονήρ*? posterius pro *μεγιστονήρ* positum, & *Mali osorum* significare, publico scripto monitus sum, id quòd cum gratiâ hic & agnosco & fateor. Prius ex illo Ovidii lucem mutuatur:

*Ibat ad antiquas Hecates perseidos aras.*

Ratio appellationis vel in ortu consistit, vel in loco cultus. Hecate, si Hesiodum audis, Persei filia erat. Et Diodorus Siculus de Dianâ, quæ cum Hecate eadem creditur: *A locis*, inquit, *Ephesia*, *Cressa*, *Tauropola*, & *PERSIÆ* cognomina reportavit; *A Persis enim hæc Dea plurimum colitur.*

XVII.



**G**RUTERUS pag. 1064. superius tantum hujus marmoris fragmentum habet. PIGHIUS habet & posterius, utrumque in Vinea Pontificis spectandum. An Anicius Acilius Aginatus Faustus, idem sit cum Anicio Fausto, Boethii ætate Consule, dubitari potest. Quicquid sit; Virum Consularem & INLUSTREM, Præfectumque urbi viceque sacra judicem fuisse, simulacrumque Minervæ, abolendo incendio Tumultus civilis, igni tecto cadente confractum, restituisse: & restituisse integro proviso, & pro beatitudine temporis, si non aliunde, certe ex marmore docemur. B. pro V. in voce Minerbæ novi nihil est: Ita in nummis Beneri pro Veneri, ut taceam exempla apud GRUTERUM frequentissima. Ignis tumultus Civilis, incendium abolendum nuncupatur, ut ejus enormitas pateat, eodem modo, quo LUCANUS bella Civilia, *plus quam bella* vocavit. De Consulari dignitate & Præfectura urbis res trita est. *Vice sacra judicans* sæpius occurrit apud GRUTERUM, idemque sonat, ac *Vice Imperatoris*, id quod ex alia Gruteri Inscriptione pag. 168. No. 4. clarum est: VICE M. AUREL IMP. SACRA BETICAM GUBERNANS &c.

Beatitudo temporis in Magnentii nummo *Publica* dicitur, ita  
& *beata tranquillitas*, in nummo Constantini M. & *Beatissimi*  
*Cæsares*, apud eundem GRUTERUM.

XVIII.

MARTI. SERGOMONI. SACRVM.  
Q. ADCINNIVS  
VRBICI. FIL. MARTINVS.  
SACERDOS. ROMAE. ET. AVG.  
MUNATIO. PANSA. COS.  
II VIR. IN. CIVITATE. SEQUANORVM.  
III PROVINCIÆ. GALLIÆ. HONORE. S.  
SVIS. DECREVERVNT.

**E**st etiam hæc inscriptio apud GRUTERUM; sed *Marti Sergo-*  
*moni* habet, cum noster *SERGOMONI* legat, ut tace-  
am lineam secundam, ubi GRUTERUS *Annua* legit, cum  
PIGHIO Q. ADCINNIUS appareat. Taceo II. *virum* quem  
GRUTERUS omisit & numerum III. loco cujus literam E. posuit.  
Sed punctis à Vertice linearum adjectis inscriptionem mutilam haud  
obscurè significat, proindeque fragmentum asserit, Lugduni in  
turre S. Petri Monialium spectandum. Locus etiam in PIGHIANO  
adscriptus est, & fragmentum evincit verbum *decreverunt*, nisi loco  
MUNATIO PANSA *Munatius Pansa* legendum sit, quo posito  
sensus planus foret: scilicet ut marmor Marti Sergomoni sacrum  
esse, Quintumque Adcinnium, Urbici filium, Martinum, Sacerdotem  
Romæ & Augusti, & Munatium Pansam Consulem Duum virum-  
que in Civitate Sequanorum Tertiæ Provinciæ Galliæ, honores suis  
decrevisse intelligamus.





EX PRÆ  
CEPTO  
L. O. MD  
PER  
ACACI  
VM  
NOTARI  
VM  
ET  
OLYMPI  
VM  
PATREM

ANTONII MARIANI PATER ET FILIUS  
SIMVLACRVM APOLLINIS  
STATVERVNT

XIX.

ACACIUS NOTARIUS.

**M**Armorem hanc Apollinis, cum basi & Inscriptione, statuam, Romæ in Hortis Card. Cæsii olim existentem, describit, ut solet, Celeberrimus GRUTERUS; Quod ille describit, nos cælo expressum sistimus, non mutilum, sed, fide PIGHII nostri, integrum. Acacium Notarium legimus. Notarium GRUTERUS omisit. Ita ex GRUTERO quidem, statuam hanc ab *Antoniis Marianis, Patre & filio, erectam*, & ab *Acacio & Olympio Patre* dedicatam discimus, *idque ex praecepto Jovis Optimi Maximi*; Sed ex PIGHIO etiam discimus, *Acacium* hunc vel *Notarium* fuisse officio, vel *Notarii* cognomen gestasse.

Notarios fuisse officio eos, qui per notas quàm celeritè scribebant, adeò, ut linguam loquentium non assequerentur, sed præverterent, ex variis Authorum descriptionibus patet. A USONIUS Ep. 137. *Puerum Notarum prapetum* vocat; *Notarium, velocem* vocat MARTIALIS Lio. 62. qui & alibi:

*Nondum lingua, suum dextra peregit opus.*

HENRICUS STEPHANUS, in Thes. Linguae Latinae, Notarium Græcè γραμματικός & Σημογραφέας vertit; sed differebant γραμματικός & Σημογραφέας, non officio tantum, sed etiam dignitate. Γραμματικός scribam denotat, sive qui literis scribit, Notarius aut Σημογραφέας, cum, qui signis. Scribæ apud Romanos, secundum quosdam, ad dignitates non assurgebant, quamquam aliter apud Græcos, id quod ex CORNELIO NEPOTE probant in *Vita Eumenis*, ubi scribarum munus apud Græcos multo honorificentius fuisse, quàm apud Romanos scribit; Græcos enim admisisse eos tantum, qui honesto loco nati, & exploratæ industriæ essent, Romanos autem eos Mercenariorum loco habuisse: addunt etiam PLUTARCHUM in *Catone*, ubi Cato Scribas, ad altiora aspirantes, in ordinem redegisse legitur: Notarios autem, pergunt, à Cicrone Originem habuisse, teste PLUTARCHO in *Vitis Illustribus*: Imò secundum DIONEM CASSIUM, ad Mæcenatem inventum referri: Certè usum eo Cicronem, ipso teste *Lib. 15. ad Atticum* constare: De dignitate testari Antiquitatis reliquias:

Claudianum Poëtam apud GRUTERUM *Tribunum & Notarium*, vocari, qualiter & Petronius Maximus apud Eundem pag. 449. No. 7. Hæc & similia pro Notariis adferuntur, quod quidem refellere animus non est; an autem supra Scribas eos evehant, dubitari adhuc possêt. Scribas certè ordinem obtinuisse Equestri proximum, distinctosque per decurias, TORRENTIUS ad Suetonii *Claudium*, ait, ubi *capite 1.* Drusi corpus per Municipiorum Coloniarumq; Primores, suscipientibus obviis SCRIBARUM DECURIIS, ad Urbem devectum, memoratur.

XX.



**D**E priorè hujus Inscriptionis, sanè quam brevissimæ, vocabulo duplex potest esse sensus. Alter figuris quadrat, alter Inscriptionum genio, imò & ipsis literarum apud Antiquos figuris, propior est. De utroque dicendum libero Lectoris arbitrio, utri subscribere dignetur. Vel ΑΥΣΟΝ legere potes, vel ΑΥΣΟΝ; Si ΑΥΣΟΝ, idem erit ac *Solve*, *Animam* scilicet à *Corpore*. Θεοι λύσσι apud Pollucem lib.V. cap.26. Quos in Saxo Augustodun. apud GRUTERUM pag. MCLIX. No. 12. tanquam Manium Custodes, Curatoresque, accipit REYNESIUS CL. 1. No. 23. Plutonem hos inter fuisse, Veterum Theologia abundè testatur. NICANDRI interpretes,



pretes, *Ευβελος, Ευβελιον & Ευβελια* cognominatum ajunt, quòd mortalibus consulere credatur, finemque curis ac laboribus, cæterisque moribus afferre, mortis enim vitæque dator Gentilibus erat. Parca apud CLAUDIANUM.

*O Maxime noctis*

*Arbiter, umbrarumque potens, cui nostra laborant  
Stamina, qui finem cunctis es semina præbes,  
Nascendique vices aliena morte rependis,  
Qui vitam letumque regis; nam quicquid ubique  
Gignit materies, hoc te donante creatur,  
Debeturque tibi certis ambagibus Ævi.*

ALBRICUS de Imaginibus Deorum Plutonem Deum animarum, juste decedentium: simulacrumque ejus, hominem terribilem, in folio Sulphureo sedentem, dextraque manu sceptrum tenentem, & sinistra animam constringentem, Antiquis asserit fuisse. Ejus ex mente dubitares, an proposito in marmore Proserpinam, annon potius animam sub umbras Pluto duceret; Aut quòd forsitan propius est, annon Proserpinæ raptus occulto sensu mortem hominum denotet? Et is, qui lapidem posuit, Plutonem invocaverit, ut se solveret, aut tanquam juste decedentem susciperet, eodem modo, quo apud GRUTERUM pag. DCCLXIX. No. 4. Conjux ad Chrestam uxorem *Ευψυχῇ, καμὲ μένει τὸ θανέν, bono animo esto, & duc me etiam ad mortem.* Quæ formula miseriarum cumulo fessis insolita non est, ideoque precatio apud SOPHOCLEM:

*Κακῶς ἄλαιο μὴδὲ σ' ἔχωιν ποτὶ  
Τῶν νῦν ἀπαλλάξῃαν οἱ καὶ πω θεοί.*

*Perdare pessime, è malis præsentibus  
Nunquam Diis te liberent opto inferi.*

Ubi non Plutoni tantum, sed in genere Diis inferis ea liberandi potestas tribuitur: quanquam illi, tanquam inferorum Regi, hoc præcipue conveniat, qui inter cætera potestatis insignia, si PAUSANIAM audis, etiam *clavem* gestavit: Secundum quosdam, quòd non daretur reditus ejus regiam ingressis; Sed si rationem ex hæcenus deductis,

deductis attendas; etiam quod per mortem, squalidum animæ carcerem recluderet, animasque inde educeret, ac simul à miseris liberaret. Quicquid sit, figura Proserpinæ raptum exprimit. Proserpinæ, de qua ORPHEUS in *Hymno*.

Ζωὴ καὶ Θάνατος μὴν θνητῶν πολυμόχθον  
ἔφερε· Θόνηα Φέρε· γὰρ αἰεὶ καὶ πάντα Φορέει.

Quibus in verbis Proserpinæ tribuitur, quod hæcenus Plutoni, sed id mirum non est, cum, ut modo diximus, de Diis inferis in genere id affirmetur. Proserpinam Pluto in Quadrigis memoratur rapuisse. Equorum nomina sunt apud CLAUDIANUM:

ORPHEUS *crudele micans* ÆTHONQUE *sagittâ*  
Ocyor, & Stygii *crudelis gloria* NYCTEUS  
Armenti, Ditisque *nota signatus* ALASTOR.

Sed de priorē inscriptionis nostræ sensu hæc sufficiant. Alterum licet obscuriorem, tamen veriorem arbitramur. Fulcit eam exigua literæ A. interjecta virgula, quæ eam in A. mutat, id quod ex lapide apud BOISSARDUM Parte VI. pag. 54. abundè patet, addeò ut inscriptionem nostram jam non ΛΥΣΟΝ sed ΑΥΣΟΝ legere debeamus, quod procul dubio nomen proprium ejus est, cui marmor positum, quemque ex communi formula εὐψυχῆν *bono animo esse* aut *valere* jubet is, qui marmoris author est. \*Εὐψυχι GRUTERUS *Concorditer* vertit, sed REYNESIUS pro *Vale*, *bono animo esto*, aut simili, Romanis Quadrataris solenniter positum, latius docet adductis exemplis, ΕΡΩΤΙ \*ΕΥΨΥΧΙ *Erosion Vale* & ΕΥΨΥΧΕΙ ΤΕΚΝΟΝ ΟΥΔΕΙΣ ΑΘΑΝΑΤΟΣ *bono animo esto fili. Nemo immortalis est.*



**G**RUTERUS ad hoc Marmor pag. 34. No. 6. sequentia habet:  
*Roma, inquit, sub Ara Cœli, in ea Capitolii parte, qua*  
*Aquilonem spectat, Templum subterraneum est, ubi Mithra*  
*simulacrum perelegans est & magnificum. Stant utrinque viri*  
*duo, supra quos stella singula, Oriens scilicet & Occidens. In*  
*collo Tauri NAMA SEBESIO, lingua Persica, ut opinor. In*  
*ventre autem hac: DEO SOLI INVICTO MITHRÆ,*  
*in infimo solo -- NAR -- NE -- CS.* Ex quibus, præter  
 locum marmoris, etiam mens GRUTERI de *Nama Sebesio* elucescet.  
 Non item inscriptio basis, nec figurarum sufficiens notitia. PIGHIUS  
 in utraque succurrit. Marmoris delineationem suppeditat, & In-  
 scriptionem. C. C. AUFIDII JANUARIUS in ea legitur,  
 quod nomen procul dubio cum denotat, cujus auspicii marmor  
 dicatum fuit. Aufidii & Historicis & Poëtis celebrantur. Cele-  
 brantur & superstitie nobilioris Antiquitatis copiâ. *C. Aufidine*  
 est in Inscriptione Lugdunensi, apud GRUTERUM pag. 721. No. 5,  
 qui an *C. Aufidii Januarii*, cujus Marmor meminit, Pater fuerit,  
 N dubitari

dubitari potest. Quicquid sit: *Mithram* veneratur, & ne nescius esses, quis sub eo lateret, adjecit *Deum Solem*: DEO SOLI INVICTO MITHRÆ. Solem *Mithram* vocabant Persæ, eodem modo, quo Ægyptii *Ossirim*, id quod ex STATIO palam est:

*Seu Te roseum Titana vocari*

*Gentis Achamenia ritu, seu præstat Ossirim*

*Frugiferum, seu Persei sub rupibus antri*

*Indignata sequi torquentem cornua MITHRAM.*

Mithræ habitum describit LUCIANUS in Concilio Deorum: *Mithras ille Medus, qui indumento Persico amictus, ac Tiara remeditus est.* Hæc cum ita sint, facile patet, varias Solis actiones hoc schemate præfigurari, duasque figuras, à latere stantes, eundem Mithram repræsentare: alteram orientem, alteram occidentem, appositæ ad mentem GRUTERI, id quod in alio PIGHII nostri, quod & ipsum infra sistimus, indubiè patet; Dux enim illæ figuræ facem, altera elevat, altera deprimit: eodem habitu insignes, quò Mithram LUCIANUS descripsit. De figura Taurum prosternente, & cultro fodiente, varia opinio circumfertur. Communior &, me iudice, verior Taurum Terræ symbolum statuit, Mithramq;, Taurum fodientem, Symbolum Solis, radio suo in Terræ viscera penetrantis, coque fertilitatem adjuvantis. Id videntur adumbrare spicæ, in sequenti marmore ex Tauri cauda exsurgentes. Id Scorpium ad membrum genitale, quod ex iis constat, quæ inter Gemmas de Scorpio diximus: Eodem & Serpens & Leo; Serpens enim terrigena & Cereris assecla fertur, & Leo Matri Deorum sacer est, quæ & ipsa pro terra ponitur. Forsitan Leonem & Canem ad Solis vehementiam retuleris, eò quod in Leone ferveat, & Caniculæ vis notissima sit. Id opinioni nostræ non refragatur. Sunt tamen, qui aliam foveant. Audiat LUTATIUS Statii interpres: *Mithra simulacrum, inquit, fingebatur reluctantis tauri cornua retentare; quò significabatur, Lunam ab eo lumen accipere, cum caperit ab ejus radiis segregari.* Ita & LEONHARDUS AUGUSTINI, cum superiora notasset, sub Mithra taurum fodiente, Solem in Tauri signo intelligit, mense scilicet Aprili, quo gravidam terram aperire, & calore suo semina rerum protrudere solet. Idem Scorpium juxta genitalia, ad Solem in Scorpio refert, mense scilicet Octobri, quò femina

semina amisso vigore propter frigus concluduntur, ad colligendam in visceribus terræ fecunditatem: quod insinuet & Cancer, cū Sol in eo signo deficere incipiat. Hæc licet à nostra opinione diversa, satis tamen probabilia agnoscimus, qualia & sunt, quæ à PIGHIO dantur. Ita ille ad marmor Borgefianum

Designatio picturæ hieroglyphicæ,  
OFFICIUM BONI COLONI

Exprimentis, ex antiqua marmorea tabula, quæ Romæ asservatur, in ædibus Octaviani Zini, prope theatrum Pompeji & campum Floræ.



(A) Sol oriens. (B) Natura rerum Solis comes. (C) Tria Solis tempora. (D) Luna occidens. (E) Natura rerum velox, Lunæ celeri adjuncta. (F) Quatuor Lunæ tempora, nova, semiplena, plena, & iterum semiplena. (G) Dies facem extollens. (H) Nox facem deiciens.

N 2

(I) Cor-

(I) Corvus diligentiam notans. (K) Terræ Colonus, optimus & diligens Agricola. (L) Bos sive taurus, terram designans. (M) Gladius tauro infixus, laborem arationis, fossionis ostendens. (N) Sanguis, terræ fructus innuens. (O) Canis, amoris & fidei signum. (P) Serpens, providentiæ icon. (Q) Leo, quò robur significatur. (R) Cancer, qui creationem. (S) Scorpius, qui generationem demonstrat. (T) Spicæ, terræ fructus indicantes. (V) Arbor nocturna, cum Scorpione generationis. (X) Arbor diurna cum bovis capite, labores notans. Adducit hanc picturam D. Joachimus Camerarius I.F. Medicus Norimbergensis in libello de re rustica excuss. Norimb. 1577. in quarto. Hæc PIGHIUS.

## XXII.

C. CAVARIUS. SEX. F. TERRI  
APVLVS. IIII VIR. I.D. PONTIFEX. PR  
PATRONVS. MVNIC  
CORNELIAE. P. F. INSTAR. MATRIS. NO  
AQVAM. SALVTAREM. IMPENSA. SVA

**A**Quæ variis, inter Vctustatis reliquias, cognominibus distinguuntur: Apud GRUTERUM est *Aqua Augusta*, est *Cerulea* est *Claudia*, est *Curtia*, est *Martia*, est *Trajana*, est *Virgo*: Apud REYNESIUM sunt *Aqua Urbis Rome*, est *Aqua Anienis*, *Aqua Appia*, *Aqua Tepula*; Sed Aquam *Salutarem* quis haftenus exhibuit? Equidem apud REYNESIUM Classe VII. No. 3. necesse esse dicitur, aliquam partem aquæ ex Castellis effluere, quod hoc pertineat ad Urbis *salubritatem*; Sed *salutaris* elogium, quod proposito fragmento, aquæ tribuitur, non hoc tantum innuere, sed & ipsam aquæ Virtutem videtur celebrare, quod scilicet Salutem restituat, id quod hodiè in thermis, aquisque mineralibus usu venit. Talem aquam C. CAVARIUS SEXti Filius TERRitorio APULUS, IVVIR juris Dicendi, PONTIFEX &

& PRÆTOR PATRONUSQUE & MUNICEPS, CORNELIÆ  
Publii Filiæ INSTAR MATRIS NOMINANDÆ, SUA IMPENSA;  
dicitur, an aperuisse an munivisse?


## XXIII.

CORNELIÆ  
SALONINÆ  
SANC'TISSIMÆ  
AVG. CONIVGI  
DN. GALLIENI  
INVICTI. AVG.  
FERENTINATES.  
NOV. AN. D. XOTINVM  
NI MAESTATIO. EIVS.

**P**lures Inscriptiones, variis à Civitatibus Saloninæ Aug. dica-  
tæ, sunt apud GRUTERUM; Sed à *Ferentinatibus* posita,  
hactenus non apparuit. PIGHIO eam debemus, cui & re-  
liquas omnes. Ferentinales à Ferentino, nobili Hernicorum Oppi-  
do, dictos ex LIVIO constat Lib. VIII. Ubi hæc: *Hernicorum*  
*tribus populis, Alatrinati, Verulano, Ferentinati, quia malue-*  
*runt, quam civitatem, sua legis reddita.* Ab initio Ferentinum,  
oppidum Volscorum erat, ideoque apud eundem LIVIUM Lib. 4.  
*Adversus Volscos, populantes Hernicorum fines, Legiones ductæ à*  
*Furio Cos. Quum hostem ibi non invenissent, Ferentinum, quò*  
*magna multitudo Volscorum se contulerat, cepere. Minus prada,*  
*quam speraverat, fuit, quod Volsci, postquam spes tuendi exigua*  
*erat, sublatis rebus, noctu oppidum reliquerunt.* Postero die  
propè desertum capitur. *Hernicis ipse ager dono datus.* Et po-  
stea Volsci queruntur: *Nec ipsos modo Romanos sua divisa*  
*habere, sed Ferentinum etiam de se captum Hernicis donasse.*  
Erat adhuc aliud Ferentinum, Etruriæ scilicet, apud Ptolemæum  
aliosque, corruptè nunc *Fiorentino* dictum. Quod probe à Fe-

rentino Hernicorum distingui debet; Sed de his constat: Non item ratio, cur Ferentinates *Novani* dicantur. Est apud GRUTERUM pag. III. No. 6. Inscriptio, in qua etiam Fabraterni *Novani* audiunt. Alibi iidem etiam vocantur *Novi*, Et in Inscriptione sequente Lanuvini *Veteres*. An ex priorum synonymia, & ex posterioris oppositione, coniecere liceat, Novanos eos esse, qui noviter in Civitatem, vel per Coloniam adducti, vel aliundè assumti erant!

## XXIV.



**D**E *Novanis* modo dictum. Propositum marmor etiam *Veteres* objicit. GRUTERUS alterum tantum fragmentum exhibet. PIGHIUS exhibet utrumque; an integrum dubitari potest. GRUTERUS enim post lineam quartam interfecit NERVÆ PRONEP. & linea octava habet Col. II. Quicquid sit, Senatus Populique Lanuvini Veterum, erga Antoninum Pium Pietatis, egregium hic cernimus monumentum. Et memorabile est, quod Julius Capitolinus ait: *Lanuvina Tempia Antoninum Pium restituisse.*



XXV.

CALLISTENES CHRESTVS.

CAESAR ATRIE ARCEL.

CONDISCIPVL

**E**X voce *Condiscipuli* intelligimus, duos fuisse, qui hoc marmore celebrantur, CALLISTHENEM scilicet & CHRESTUM. Ex linea secunda discimus, eos fuisse *Atrieneses Caesaris Arcellarios*. Atrieneses dicuntur ab Atrio, quod scilicet in eo opus facerent, ut RHOE ATRIENSIS DE BASILICA apud REYNES. Classe XI. n. 39. cuius minitlerium arbitratur, *Basilicam scopis mundare, purgamenta everrere, spongiis detergere gradus, nitidas ostendere columnas, & prorsus facere id, quod Æschinem cum Patre suo Drometo cavillatur DEMOSTHENES, Λογῶν τῶν τε τῶν τε*. Sed *Callisthenes* & *Chrestus* paulò altioris fortunæ fuere. *Atrieneses* dicuntur non simpliciter, sed *Atrieneses Arcellarii*, & quidem *Caesaris*. An Cæsar pro Julio Cæsare, an pro alio, sub quo vixerint, sumi debeat, incerta disquisitio est. Quicquid sit, officium Arcellariorum tali Domino aliquantisper elevatur. *Arcellarios* ab *Arcellis* dictos arbitror, uti *Arcarios* ab *Arcis*, quas custodiebant. *Arcarii* apud GRUTERUM mentio est pag. 103. n. 10. est & *Arcarii Servi* pag. 463. n. 2.

XXVI

L.NÆVIVS.L.F.SVRDINVS.

PR

INTER.CIVIS.ET.PEREGRINOS

**L**ucium Nævium Surdinum, qui hic memoratur, filium fuisse *L. Nævii Surdini*, cujus mentio exstat in Fragmento Faustorum Municipalium, è Vico S. Pauli, propè Nolam apud GRUTERUM pag. 1087. n. 1. evincere videntur adscriptæ literæ L. F. Prætoris inter Cives & Peregrinos, mentio est in Lege de Poenis eorum, qui aquæductus violaverint, apud REYNESIUM, Class. 7. n. 10. Verba ita habent: Tum is *Prator*, qui *inter Cives & Peregrinos* jus dicit, mulctatum pignoribus cogito. &c.

XXVII

K.  
ΦΑΥΚΤΟC. ΗΡΑ  
ΕΙΝΗ ΤΕΚΝΟ ΖΗ  
CANTIM ΙΗ ΗΜΕΡ  
Α.Ψ Ε ΜΝΕΙΑC ΧΑ  
PIN. ΕΠΙΟΙHCEN.

**Q**uod nondum vulgatum hoc marmor, ideo videtur proponendum. Nihil continet, quod Græcè Gnaris non statim appareat; Latine ita vertimus: Faustus Erainæ filix, quæ vixit menses xvi. diem unum, horas v. memoriæ gratia fecit. An faustus hic sit ille, qui apud GRUTERUM pag. 409. n. 5. VI Vir & Augustalis inter primos Augustales, à Decurionibus, Augustalis factus, Viriæ maximæ, Uxori, & Urso, Lupo, Leonique Libertis futuris, monumentum posuit, an alius? dubitari potest.

XXVIII.

# XXVIII.

ALLEDIAE MARCIAE FILIAE DULCISSIMAE QVE VIXIT ANNIS MDCIS IIII DIEB



FM ALLEDIVS TROFIMIIVS ET AELIA MARINA PARENTES BENEMERENT FECERVNT



**H**Oc Marmor haecenus, quod sciam, vulgatum non est. *Alledia Marcia* id posuerunt *Alledius Trofimanus* & *Aelia Marina*. *Aelia Marina* est in Inscriptione apud GRUTERUM pag. 806. n. 3.

MARIO CRIS-  
PINO CONJUGI  
KARISSIMO. QVI  
VIX. ANN. XXXVIII. MES.  
VIII. DIES XII. AELIA  
MARINA CONJUNX  
CUM QUO VIXIT ANN. I.  
MENSIB. VII. DIEB. XVI.  
BENE MERE-  
NTI FECIT.

Ex hac Inscriptione intelligimus, Æliam Marinam Alledio non Vir-  
ginem nupsisse, sed Viduam, postquam sc. Mario Crispino annum  
unum, menses septem, & dies sedecim cohabitasset. Intelligimus  
pietatem in Maritum priorem, uti in proposito in Filiam, quam ex  
Maito altero Alledio Trofiniano susceperat. An Alledii iidem fue-  
rint cum Allidiis, dubitari potest. Si statuas, duo sunt apud GRU-  
TERUM. M. Allidius Comminianus, pag. 667. n. 2. & M. Alli-  
dius Fortunatus, pag. 189. Est & Allidia C. L. Nebris, pag. 476.  
n. 8. & Allidia Sedata, pag. 667. n. 2. Si non statuas, attamen T.  
Alledium Severum non negabis, qui TACITO lib. 12. c. 7. memo-  
rante, Eques Romanus, Agrippinæ impulsus gratiâ, fratris filiam, ex-  
emplo Claudii, sibi in matrimonium junxit.

## XXIX.



**G**RUTERUS, qui hoc marmor descripsit p. 304. n. 9. numerum  
dierum à proposito diversum posuit, XXIII. legens, ubi in  
nostro

nostro XIII. Idem figurarum alteram Fortunam statuit, alteram Genium; Cùm tamen ex inscriptione pateat, hanc *Somnum*, illam ex *Fatis* esse. De Fatis docebimur Capite sequenti. Hic inscriptio nobis curæ est. *M. Garvius Charinus* marmor posuit: Posuit *L. Caelio Feroci Filio, & Orestilla Filia*. Q. Cæcilius Ferox fuit *Kalator Sacerdotis Titialium & Flavialium*, idemque *Studiosus Eloquentia, & vixit annis XV. mense uno, diebus XIII.* Studium Eloquentiæ cum annis convenit. De Kalatore res obscurior est. *Calatores*, inquit *FESTUS*, dicebantur *Servi*, ὡτὸ τῷ καλεῖν, quod est *VOCARE*: quia semper vocari possent ob necessitatem Servitutis. Ego ὡτὸ τῷ καλεῖν *Calatores* dictos faciliè admiserim, cùm etiam vestigium originis Græcæ in litera K. appareat; an autem passivè, quòd servi semper vocari possent, de eo valdè dubitaverim. *Calare* pro *Vocare* etiam Antiqui dixerunt, sed *activè*, quod indè colligas, quod ubicunque passivè loquendum erat, passiva formâ usi sunt. Ita *Calata Comitia*, de quibus *GELLIVS* lib. 13. c. 27. In libro *Lalii Felicis* ad *Q. Mucium* primo scriptum est, *Labeonem* scribere, *CALATA COMITIA* esse, qua pro Collegio Pontificum habentur, aut Regis aut Flaminum inaugurandorum causa, eorum autem alia esse *Curjata*; alia *Centuriata*. *Curjata* per *Licforem Curiatum* *CALARI*, id est *CONVOCARI*. Hæc cùm ita sint, *Calatores* in genere eos putamus, qui alios vocarent, id quod & Alii statuunt, allegata Glossa, ubi *Calator* κλήτωρ. Aliiter autem secundum eosdem, *Calatores*, ἐκβιβασαὶ ἱερέων. ἐκβιβασῆς pro *Viatore*, *Apparitore*, qui vocat in jus: & denuò Gloss. *Calatores* δῦλοι δημόσιοι πώριπολοι, & Glossa *Isidori*: *Calator Minister Sacrorum*, voce generis ad speciem translata. Quo sensu & in Inscriptionibus, *Calator Fratrum Arvalium*, *Calator VIIVIR. Epulonum*, *Kalator Flaminum*, apud *GRUTERUM*; & in proposita *Kalator Sacerdotis Titialium Flavialium*.

## XXX.

L. COELIO BASS  
IVRIS STUDIOSO.  
AGATHO. VS.  
LIBERTVS.

**S** *Indiosum Eloquentia* Superiore Inscriptione vidimus. GRUTERUS etiam *Astrologia Studiosum* memorat; sed *Studiosus Juris* hactenus in marmoribus, quod sciam, non comparuit. PIGHIUS cum exhibet in marmore proposito, quod *Agathonicus Libertus L. Coelio Basso* crexit.

## XXXI.

L. ATIEDIVS L. L. DORVS.  
SCR. LIBR. AED. PL.  
L. ATIEDIVS HELIVS FILIVS.

**D** E Librariis supra diximus, allegato simul & HORATIO apud quem *Scriba Librarius* legitur. Scribam Librarium, qui juxta fuerit Aedilis Plebis, propositum marmor exhibet. L. Atiedius *Lucii Libertus Dorus* utroque munere se jactat. Jactat honorem Patris etiam Filius L. Atiedius Helius, qui sive solus, sive cum Patre monumentum videtur crexisse.

## XXXII.

XXXII

Q. HERIO. Q. F. OCTAVIO. IVSTO.  
PATRONO. MVNICIPII. I. L. AM. DIVI. TRAIANI.  
AEDI. II. VIRO. II. VIRO. II. Q. II. OB. MERITA. EIVS.  
ATINATES. DEC. AVG. ARKANIVIRO. PLEBS. VTRI  
VSQVE. SEXVS. EX. REDITV. PECVNIAE. LEGATAE  
SIBI  
L. D. D. D.

**D**E literis lineæ secundæ I. L. AM. dubius sum, an separatim ef-  
ferendæ, an conjunctim FLAMINI legendum sit. *Flamen Di-*  
*vi Aug. Divi Claudii, Divi Trajani, Hadriani, aliorumq; Im-*  
peratorum apud GRUTERUM memorantur. Quid vox ARCANI  
denotet non assequor, nisi ARKARIO legendum sit. Atinates la-  
pidem posuerunt: Atinates erant incolæ Atinæ, Civitatis antiquæ  
Volscorum: Atina, VIRGILIO lib. VII. *Potens* vocatur. MAR-  
TIALI lib. X. Ep. 92. *Prisca*: SILIUS in colle sitam hoc versu vide-  
tur innuere:

*Nec monte nivoso  
Descendens Atina aberat.*

Incolas bello claros Vates Mantuanus testatur, cui duplici loco  
Atinas *acer* vocatur, ut lib. XII.

*Soli pro portis Messapus es ACER ATINAS  
Sustinent aciem.*

Fuisse Municipium Romanum ex lapide, qui ibi repertus sit, con-  
stare, ait PHIL. CLUVERIUS, quod in eo MUNICIPI vocabulum  
occurrat. An de nostro lapide loquatur, compertum non est. Id  
autem monendum, licet vocabulum *Municipi* in nostro occurrat,

inde tamen indubiè non evinci, Atinam fuisse Municipium Romanum; dupliciter enim vox ea explicari potest, vel Q. Herium Patronum fuisse Municipii, vel fuisse Municipem sive Romanorum sive Atinatium. Municipia quidem erant Urbes jure Civitatis Romanæ donatæ. Sed Municipes erant, non tantum, qui in Municipio, ut est apud FESTUM, liberi nati sunt, sed etiam, qui Romam venientes munerum participes fiebant: Imò in genere, qui munera civilia capiebant, secundum PAULUM in *Lege Munus De Verborum & Rerum significatione*; aut ut ULPIANUS *lib. 1. ad Municipales*; sui cujuscunque Civitatis Cives. Secundum hæc quid obstat, quo minus in marmore nostro Q. Herium non tam Patronum Municipii, quam Patronum & Municipem dici arbitremur, & eo quidem sensu, quo Romæ munerum particeps eo vocabulo intelligitur. Patronos Civitatum, imò & Provinciarum Romæ fuisse, nemo nescit, & quidni & is poterit fuisse, qui fuit particeps munerum? Sed de his constare videtur. Reliqua per se patent. Inscriptio ita legenda. Q. HERIO, Quinti Filio, OCTAVIO JUSTO PATRONO MUNICIPI, FLAMINI DIVI TRAIANI, ÆDILI, Duum VIRO iterum, Quinquennialitio iterum, OB MERITA EJUS ATINATES DECURIONI, AUGURI, ARKARIO, SEVIRO PLEBS UTRIVSQUE SEXUS, EX REDITU PECUNIÆ LEGATÆ SIBI Locus Datus Decreto Decurionum.



# XXXIII

M TILLIO M F  
TERENTIANO RVFOG LEG  
XX VALVICTEX CCC.  
COH III PR PV PRINCIPI  
CASTROR EQ P.  
EXOR ET DONIS  
DONATO AB IMPP SEVERO  
ET ANTONINO AVGG.  
HASTA PVRA CORONA AV  
REA G. COH XII VRB ET I VIC  
EVOC AVGG DIVOR M ANTONINI  
ET COMODI PATRONO.  
MVNICIPI LIBERTI L D D D

Quaquam apud GRUTERUM pag. 1101. No. 5. hæc Inscriptio habeatur, & quidem ex *Codice PIGHIANO*, ut ait, desumpta, tamen proponendam arbitramur, ob aliqualem inter utramque differentiam. Loco G. quod linea secunda Legioni præponitur, apud GRUTERUM, est signum 7. idemque iteratur linea decima. Loco G. COH. IV. Linea quarta, est COH. III. & loco PR. simplex litera P. ex quibus utique patet, PIGHIUM à GRUTERO non satis diligenter inspectum fuisse. Inscriptionem ita legimus: *Marco TILLIO Marci Filio TERENTIANO RUFO Gemina LEGionis Vigesima VALentis VICtricis EX Centenario, COHortis Quarta Proteçtori, Prestantissimo Viro, PRINCIPI CASTRORum, Equo Publico EXORNato ET DONIS DONATO AB Imperatoribus SEVERO ET ANTONINO AUGustis HASTA PURA CORONA AUREA Gemina COHortis Duodecima URBica ET InVICi a EVOCato AUGustorum DIVORum* *Marci*

*Marci ANTONINI ET COMMODI, PATRONO MUNICIPI LIBERTI. Locus Datus Decreto Decurionum.* De vocabulo *Extercenario* per litteras EX. C. C. C. expresso, forsitan dubitaveris. Sed est apud GRUTERUM pag. 387. No. 8. C. CESTIO C. STELLÆ &c. *EXTERcenario.* Tercenarius, REYNESIO teste, fuit, qui Trecentos homines ducebat, uti Ducenarius, *Vegetio* docente, qui Ducentos. Quanquam de Equitibus Ducenarius ex Suetonii Augusto, & Pertinace Capitoloni clarum sit, ita dictos à modo Stipendii. Quicquid sit, *Extercenario* dicitur, uti *ExEvo- cato, Ex Prasecto, Ex Consule*, quod scilicet Tercenarii officio defunctus esset, qui eo nomine afficeretur. Legionem XX. Geminam seu Gemellam fuisse, constat ex eodem GRUTERO pag. 417. No. 5. Inscriptione sub iisdem Severo & Antonino erecta, ubi *Q. Hedius*, inter cætera *Tercenarius Leg. XX. G. P. PROV. 856.* dicitur.

# XXXIV.

METHYSTVS  
MAEC  
MINISTR

**M**inistrator, & Ministrator Cæsaris, item Imperatoris Domitiani, memorantur apud GRUTERUM, in proposito METHYSTUS, si rectè auguror, vel MÆCii vel MÆCili MINISTRATOR dicitur. Ministratores vocari, qui potum Dominis suis ministrabant, docet CL. SPONIUS, ex PETRONIO & SENECA. Petronii Verba adscribimus: *Vinum Dominicum Ministratori gratia est.* Sed non eos tantum, qui potum ministrabant, hoc nomine venire, sed in genere, qui ministrabant, patet ex SÆTONIO in Vitellio his verbis: *Alterum semur subdebile, impulsu olim Quadrigæ, quum auriganti Cajo MINISTRATOREM exhiberet.* Ita & CICERO 2. de Oratore: *Te Sulpiti ob- jurgabam, quòd MINISTRATOREM peteres, non adver- sarium.*

# XXXV.

XXXV.

EUMELVS  
CAES. MINISTR.  
ET PHAREZIA  
CATELLAE

**D**E Ministratore modo diximus. Proposita Inscriptio memorat eundem, non privati alicujus, sed *Casaris*. *Eumelo* nomen est, quod quin Graeciae originem debeat, vix dubitari poterit, sive *bonum cantorem*, sive *membris valentem* interpretaris. Eumelus inter Trojanos memoratur VIRG. *Aen.*

*Nuncius Anchisa ad tumulum, cuneosque Theatri,  
Incensas praefert naues EUMELUS.*

Memoratur & PAUSANIE Eumelus Corinthius, Patriae Historiae author; Sed nihil ad propositum, cum hic sub Imperatoribus Romanis vixerit, monumentumque crexerit non solus, sed cum PHAREZIA & quidem CATELLAE. De *Pharesia* non magis constat, quam de *Eumelo*. An *Catelle* nomen feminae sit, an verò diminutivum à *catulo*, incertum est. Illud generis nostri nobilitas videtur suadere, sed hoc perversae rationis suadet libido. Quae infra se sunt, homines perditè interdum amare, experientia teste constat: Et quid si de Eumelo nostro, & Pharesia, idem dixerimus, quod MARTIALIS lib. VII. Ep. 80. de Publio?

*Publius exigua si flagrat amore CATELLAE.*

Quid si idem, quod CATULLUS de Lesbicae suae passere?

*Lugete o Veneres, Cupidinesque,  
Es quantum est hominum venustiorum!  
Passer mortuus est mea puella,  
Quem plus illa oculis suis amabat &c.*

XXXVI.

ΚΑΛΛΙΤΕΚΝΟΝ  
ΣΕΜΝΗΝ ΟΔΕ.  
ΤΥΜΒΟΣ ΕΧΕΙΣ  
ΑΦΡΟΔΕΙΤΗ

**A**phroditen hujus Marmoris eandem esse, cujus apud GRUTERUM pag. 756. No. 6. mentio existat, vix videtur dubium. Literarum formæ conveniunt, conveniunt & voces, & res. Eam adscribimus, ut judicium planius sit.

Θ. Κ.

ΤΥΜΒΟΝ ΜΗ ΠΑΡΙ  
ΔΗΣ ΠΑΡΟΔΕΙΤΑ ΤΗΣ  
ΑΦΡΟΔΕΙΤΗΣ ΤΟΥΤΟΝ  
ΕΜΟΙ ΑΙΝΕΙΑΤΕ ΤΕΚΝΩ  
ΕΠΟΙΗΣΕΝ Ο ΧΡΗΣΤΟΣ  
ΣΥΜΒΙΟΣ ΕΡΜΑΓΟΡΑΣ  
ΜΝΗΜΟΣΥΝΗΣ ΕΝΕΚΕΝ  
ΧΑΙΡΕΤΕ  
ΖΗΣΑΧ ΕΤΗ. ΑΕ  
ΖΗΣΑΝΤΙ ΕΤΗ. Δ  
ΗΜΕΡΑΣ ΙΒ.

Latine ita reddideris: *Tumulum ne negligas, ô Viator, Aphrodites. Hunc mihi, & Ænea filio, fecit Optimus Contubernalis Hermagoras, memoria causa. Valet! postquam Vixissem* (scilicet Aphrodite) *annos XXXV. postquam vixisset* (filius) *annos 4. dies 12.*

Diximus convenire literarum formas: Id ex litera C, quæ utrinque usurpatur, facile adstruxeris. Diximus convenire & voces: Utrinque enim ΤΥΜΒΟΣ & ΤΕΚΝΟΝ habetur, ut de nomine Aphrodites taceam. Quod ad res attinet: Utrinque Aphrodite, quam nomine præfert, *Venerem æmulatur*: illic filiam *pulchram* & *venerandam* appellando: hinc filium *Æneam* nominando, ac si vera Venus fuisset, stirpemque ex libris, Romanæ gloriæ æmulam, expectasset.

XXXVII.

XXXVII.

O C F STELL SEVERO  
VIRO L D Q Q II PRAEF  
RVM BIS EQVO PVBLICO  
CVI CVM OB ABSTINENTIAM  
SINGVLAREM EIVS DECVRIONES  
CONSENTIENTIBVS AVGVSTALIBVS  
ET PLEBE STATVAS AERE CONLATO  
OBTVLISSENT REMISSA CONLATIONIS  
IMPENSA IPSE PONI IVSSIT  
OB QVARVM DEDICATIONEM HEREDES  
EX TESTAMENTO EIVS DECVRIONE BV  
SING. & III AVGVSTALICIS & III PLEBEI  
INTRA MVRVM HABITANTIBVS & II  
LIBERIS OMNIVM EORVM DIMIDIUM DEDERVNT

I. D D D

des

des

**P** Rincipium hujus Inscriptionis, quod injuria Temporis detraxit, forsitan ita suppleveris: C. JULIO Caji Filio STELLÆ SEVERO VIVIRO Juris Dicendi Quinquennialitio secundum, PRÆFECTO FABRUM BIS EQVO PUBLICO etc. Ex Julia familia hunc Stellam fuisse, inde auguror, quod C. JULIUS SEVERUS apud GRUTERUM memoratur, quanquam & in aliis idem cognomen occurrat. Notandum, qui lineâ sexta AUGUSTALES vocantur, quod vocabulum apud GRUTERUM frequentissimum est, eos lineâ duodecima vocari AUGUSTALICOS, quod tamen nomen in Autographo punctis subductum est.

XXXVIII.

L. MARIO MAXIMO  
PERPETVO. AURELIANO  
CV. PRAEF. VRBIS.  
PROCONSVLI. PROVINC.  
ASIAE. ITERVM  
PROCONSVLI PROVINC.  
AFRICAЕ.  
MIVLIVS. CERALIS  
MATERNVS. EX. CIVITATE  
FORO IVLIENSIVM.  
PATRONO OPTIMO.

SALMASIUS ad Lampridii verba: *Dati sunt & Sodales, qui Alexandrini appellati sunt &c.* Legit *Alexandriani*, additque, ita dici Sodales *Marcianos, Antoninianos, Aurelianos &c.* GRUTERUS inter alios multos, etiam *Aurelianus* memorat, & in nostro est *Aurelianus Perpetuus*. Erant Sodales Augustorum vel Augustarum, à quibus denominabantur, Sacerdotes, qui inter ceteros, post consecrationem, honores, non minus decernebantur, ac *Flamines & Salii*. Lineam tertiam *Clarissimo Viro PRAEFecto Urbis* legimus. M. Julii Cerialis, sed Sp. F. meminit GRUTERUS pag. 878. No. 13.



Uartum Segmentum Toreumata quædam in medium producit. Sunt autem Toreumata, Tabulæ marmoreæ, Anaglyptico Opere exsculptæ: quam artem primum inuenisse *Phidiam*, consumâsse *Polycletum*, *PLINIUS* author est lib. 34. cap. 8. Magnificæ sunt, cum aliæ hujus generis reliquiæ, tunc utraque Co-

lumma Laudatissimorum Imperatorum, Trajani & Antonini Pii, quas hodienum, magna contemplantium cum admiratione ostentat prisca illa Gentium Dominatrix Roma. Magnifica, quæ in Arcubus Severi & Constantini visuntur: Digna ubique materies, quæ non tantum, aut Romæ degentibus, aut advenis affulgeat, Sed & radiis suis orbem terrarum pervadat. Jam dudum ita judicârunt, quicunque vel Eruditione, vel Arte excellere, judiclique illius palmas meruere *PETRUS SANCTES BARTOLUS* & *J. P. BELLORIUS*, quorum ille artificioso cælo expressit, hic docto calamo illustravit, non Columnas tantum, sed & ea, quæ sub elogio *ADMIRANDORUM* orbi Literato innotuerunt: Non minutis, ut in re Nummariæ, linearum ductibus contemplantium oculos fatigantia, sed figuris, si non ubique integris, attamen majusculis fulgida: Non minus ac *Galeria Justinianeæ*, quod opus non Toreumata tantum, sed & Imagines exhibet, ut raritate, ita & magnificentia celeberrimum. Sed hæc & alia, quæ passim prostant, dignis laudibus evehere, nec virium mearum est, nec instituti ratio permittit. *PIGHIVS* sese offert, qui ut superioris, ita & hujus Capitis materiem suppeditat. Hujus Gloriæ obstetrices manus porrigimus. Procedit.

I.  
JASON  
Taurus Æripedes  
Ætæ Imperio  
Sub jugum mittens.



**J**Asonis Expeditio Colchica Græcis Latinisque, & Poëtis & Mythographis, luculenter descripta est. Descripti sunt & Labores & Casus, quoscunque Jason, Medea vel auxiliante peregit, vel adversante subiit. Illius seriem ex ORPHEO, APOLLONIO RHODIO, VALERIO FLACCO, aliisque, Benevolus Lector facillè petierit. Posteriores proposito, & sequentibus aliquot Nobilioris Antiquitatis ex monumentis, delibare animus est. Jasonem cernimus, qualiter ut aureo Vellere, quod jussu Pelæ intenderat, potiretur, Taurus Æripedes, Ætæ Colchorum Regis ex Imperio, domuisse



muisse, jugoque adamantino revinxisse memoratur. *Taurus duos* eosque *ignivomos* faciunt Poëta. APOLLODORUS & *feros* & *mira magnitudinis*, *Vulcanique munere Æete concessos*, ait. ipse Æetes apud APOLLONIUM 3. § 409. in *Campo Areio* sive Martio eos *oberravisse*, memorat. Jasonem ex horrendis latebris eos excivisse, idem APOLLODORUS testatur. Latebras unicâ arbore Artifex noster expressit, procul dubio, ut campum simul adumbraret: In Tauris magnitudo evidens est. Feritas in dextro, quem primum domuisse memoratur, jam deferbuit; in altero, quanquam languido nisu, adhuc reluctatur: Quæ causâ & videri potest absentiae flammæ, quas in neutro observamus. Sed hæc de Tauris. Ad Jasonem se confert Oratio. Hunc cernimus, qualem ORPHEUS §. 805. depinxit, & *formâ præstantem* & *procero Corpore*; Cernimus nudum, qualem APOLLONIUS, qui & *Pharmacis unctum*, indeque ineffabili robore commemorat auctum. Robur exerit utrumque Taurum domando, quem actum his versibus Poëta expressit.

Καὶ ὃ ὄρε δεξιτέρῳ βοὸς κέρας ἄκρον ἐρύσας  
ἔειλεν ἐπιμοχθῆος παντὶ δένει ὄφρα πελάσῃ  
Ζευγλῇ χαλκίῃ. τὸν δ' ἐν χθονὶ καὶ ἔβαλεν ὀκλαῖζ  
ῤίμῃα ποδὶ κρέσας ποδὰ χαλκεον. ὡς δὲ καὶ ἄλλον  
Σφῆλε γνῶξ ἐπὶ ὄντα μὴ βεβόλημένον ἐρημ  
Ἐυρὺ δ' ἀποπροβαλὼν χαμαδὶς στείλει ἐνθα καὶ ἐνθα,  
Τῇ καὶ τῇ βεβρωὺς ἄμφω ἔχε πεπνῆστας  
Γονύσιν ἐν προτέρῃσι διὰ φλογὸς εἰδαρ ἐλυδαί  
Θαύμασε δ' Ἀιήτης θένει ἀνέρε &c.

Ac ille dextri bovis cornu summum apprehendens,  
Depressit fortiter, cunctis viribus, donec admooveret  
Jugo areo, eumque in terram stravit geniculatim,  
Celeriter pede premens pedem areum. Ubi verò alterum  
Labefactavit geniculatim invadentem, uno percussum ictu,  
Vastum abiciens humi scutum, huc atque illuc,  
Hæc est illa parte, ambos continuit, collapsos  
In genua anteriora, per flammam ex tunc liberatus.  
Admiratus autem Æetes robur Viri.

Ex his non tantum Jasonem, utrumque; 1 autum cornibus apprehensum domuisse, sed & abjectis armis eos domuisse discimus. *Scutum,*

ait

**D**Omuerat Jafon Æripedes Tauros. Aratro adamantino Novale  
Martium profciderat, fatisque ex Galea Draconis dentibus,  
enatam

enatam inde clypeatam segetem virorum confecerat. Promissis tamen Æetes non stetit, imò quod filiae beneficiis rem patratam arbitraretur, infidiis potius & Jasonem & Argonautas remove statuit. Medea, consilio subolfaeto, amore & metu percita, Jasonem ad auferendum vellus aureum ea adhuc nocte incitat, pollicita Draconem Pharmacis sopitutam, facilemque velleris potiundi, artibus suis se patefacturam tramitem. Pollicita est, & si fabulam audis, promissa etiam præstitit.

Propositum lapidem intueri! Vellus inter duas Arbores expansum vides: Vides serpentem, profundo sopore languidum: Vides odores soporiferos, ex subiecto Vase, versus serpentem exsurgentes: Vides Medeam assistentem, ipsūque Jasonem vellus auferentem. Jason Caput galea tectus est, sinistra clypeum gerit, à latere dependet gladius. Hæc ejus arma fuisse ex superioribus patet. Unicum est, quod mihi incongruum videtur. *Barbatus* hic visitur, qui tamen in sequentibus *imberbis* est, qualem & ætas ferebat, unde OVIDIO *Æsonius juvenis* audit. *Formosus* dicitur passim, & ob formam Medæ fertur adamatus: imò & APOLLONIUS, cum arma cum induisse memorasset subjicit.

ἀλλὰ μὲν Ἀεῆς

Εἶχε λῶν, ἀλλὰ δὲ πρὸ χειρὸς ἔειχε Ἀπόλλωνι.

*Alia vero Marti*

*Similis, alia vero aureo Apollini.*

Adco ut dubitem, annon barba hic declinantis vitium sit! De Dracone à Medea sopito, direptoque aureo vellere, ejusdem Poëtæ testimonium adjicimus, sed cum longius sit, Calamo Romano, ne nimia Græcorum farrago Lectori fastidium pariat: Ita ille Lib. 4.

*Ille jam*

*Incantamenti sopitus, praelongam extendebatur in  
spinam*

*Serpentina spira explicatus innumeris orbibus.*

*Veluti, quando debili volutata mari*

*Unda, nigra, muta, tranquillaque fit. Attamen*

*Alte horrendum caput tentavit attolens,*

*Ambos sevis amplecti mandibulis*

*Hec autem ipsum Juniperi recens secto ramo*

*Intingens, ex potione efficacia Pharmaca Carminibus*

*Rorabat in Oculos, circumque plurimus odor*

*Pharmaci somnum creavit, mandibulumque ipso in loco*

*Demisit innixus, immensaue multum retro*

*Volumina densam per sylvam extensa sunt.*

*Tunc demum ille aureum à quercu diripuit vellus*

*Virgine iubente, hac vero continuè stans*

*Pharmaco demissit monstri caput, donec eam*

*Ipse suam ad navim reverti Jason*

*Jussit, reliquitque umbrosum Martis nemus.*

# J A S O N

Relictâ Medeâ

Ob Nuptias cum Creontis Filia contractas  
Sacrificans.



**U**T Jasonem hîc statuas, cogit omnium, & quas supra dedimus, & quæ proximè adhuc sequentur, figurarum coheræntia. Eas hîc, operis modulo consulentes, disjunximus, sed in P I G H I I Manuscripto conjuncta esse, Lectori omninò est dicendum. Sacrificantem cernimus. Sacrificium patet ex ara & puero ministrante, pateraque, ex qua dona sua ignibus sacris Jason infundit. Quænam dona hæc sint, meritò quæsieris, cum Iliacis temporibus Thure nondum supplicari suevisse, ex P L I N I O constet, & A R N O B I U S lib. 7. adversus Gentes Λιβανθοσαιαν, ut rem novam, perstringat. Sed ex eodem P L I N I O responderi potest,

cum Unguenta Iliacis temporibus non fuisse, nec Thure supplicatum dixisset, *Cedri tantum*, inquit, & *Citri*, *suorum fructuum*, *in sacris fumo convolutum*, *nidorem verius, quam odorem noverrant, jam Rosa succo reperto*. Quibus ex verbis forsitan & fructus & frutices, quos puer ab altero latere ministrat, Cedri & Citri, imò & Rosarum esse, eorumque loco posterioribus temporibus Camillum acerram Thuris præferre solitum, facile tibi persuadeas. Non sufficit sacrificium agnoscere, nisi & scias, quale illud sit? Varias ob causas Veteribus sacrificatum, latius deduci posset; sed cum ratio instituti prolixitatem excludat, paucis dicimus, Sacrificium *Nuptiale* videri: Id non tantum ex adstantibus foeminis colligentes, sed etiam ex membro proxime sequente, in quo Nova Nupta sedens, munus Medear ab offerentibus puerulis recipit. Nuptiale Sacrificium est, non ob nuptias cum Medea; Has enim sine ullo sacrorum strepitu in Phaeacia peregerat, cum insequentibus Colchis, Alcinoum Virginem reddendam judicaturum comperisset; Sed ob nuptias cum Glaucæ, sive Creusæ, filia Creontis, Corinthiorum Regis, quam, relicta Medea, sive vi coactus, sive felicitatis futuræ desiderio, duxisse legitur. Plena de ea sunt Tragicorum Theatra, in monumento nostro, tres pueros cernimus & tres foeminas. Tres Pueros, an Jasonis ex Medea filios? tot enim, imò secundum alios *quatuor* fuisse, ad ultimum demonstratum dabitur. Tres Foeminas, an Reginam sponso matrem, Sponsam ipsam, tandemque Nutricem? Sponsam velum denotare poterit, sive peplum, quo nuptæ se se obnubere solebant, Regiam Matrem demonstrare poterunt & stolam levantes pueruli, & gladii insigne, quod in his & Jason habet, & supra etiam Æetes prætulit: Qua ratione ad Medear opera idè respicientem Matrem arbitraberis, ut vigilem exprimat, pro filiar felicitate & salute, sollicitudinem. Forsitan hanc non Regiam Matrem, sed ipsam Medeam arbitraberis, quæ eodem cum marito suo insigni utatur, suorumque filiorum ministerio superbiat, imò &, ad opera sua respiciens, ingrato beneficia sua quasi exprobare videatur. Liberrimus est divinandi campus!

( 115. )  
**JASONIS FILII**

Medeæ Matris  
 Muncra  
 Novæ Jasonis Conjugi  
 offerentes.



**T**Abulam, ab hac & duabus sequentibus in paucissimis abeun-  
 tem, non de Jafone & Medea, sed de Proserpina & Cerere in-  
 terpretatur Celeberrimus PETRUS BELLORIUS in *Notis ad*  
*Admiranda Romanarum Antiquitatum.* Favet ei & Pomum  
 prædivitis Arboris, & *Parca* blanditiis dolores levans, & *Mercu-*  
*rius* somnifer cum papaveribus aditans: favet *Ceres* ob filix ra-  
 ptum bacchans, & *Arethusa* raptorem prodens, & *Urna* ad *Are-*  
*thuse* pedes, imò & ipsa, quæ

*Orbe pererrato, curru Dea fertilis auras*  
*Exit in athereas, magnumque adit agra tonantem.*

An aliud marmor secutus fuerit BELLORIUS, forsitan dubitaveris, Licet enim in nostro, quem ille *Mercurium* interpretatur, nullo omnino pileo insignis sit: Licet Nova Nupta nullum pomum teneat: licet inter mulierem Bacchantem & Draconibus vectam, non unam, quam ille *Arethusam* interpretatur, sed duas foeminas videamus: Licet etiam sub illa foemina non urna, sed columnæ fragmentum sit, reliqua tamen utrinque simillima sunt. Et quid in raptu Proserpinæ *Senex* ille *diadematur*, qui anxia juxta aures dextra, furentem foeminam sequitur & plangit? Anceps judicium est. BELLORII inter ipsos Romanarum Antiquitatum Thesauros versantis, Sculptorisque, procul dubio in his deliciis oculatissimi, fides, rem ad Proserpinam trahit. Fides PIGHII, & ipsius rerum harum intelligentissimi, cujus hic Autographum sequimur, trahit ad Medeam. Sed BELLORII gloriam intactam suspicimus, & PIGHII fidem obsequiosè colimus: Diversa marmora statuentes, id quod utriusque situs in aprico ponit. BELLORIUS suum scribit extare in *Hortis Medicæis*, PIGHIUS suum in *Foro Romano, Cosmi & Damiani ante Templum*. Sic PIGHII Vestigia nos legere meminimus, ubi Jasonis fata nos vocant.

Ex Euripide constat, Medeam, cum non minus filiis ejus, ac ipsi exilium indixisset Creon, obtentâ unius dici morâ, sub specie parandæ filiis suis manendi veniæ, per hos ipsos infecta veneficiis suis, Novæ Nuptæ misisse munera, Peplum & Coronam. Constat ipsum Jasonem Conjugi novæ, ut ea acciperet, persuasisse. In proposito segmento res ad oculum patet. Sedet Nova Nupta, & quidem, ut eam noscas, capite velato. Sedenti adstat, non ut in BELLORII marmore, Parca, sed Jason, cujus faciem injuria temporis subtraxit. Adstat & Novæ Nuptæ, ut munera accipiat, persuadet, id quod ex manûs utriusque gestu facile colligas. Persuasâ Nova Nupta, dextram extendit versus pueros munera ferentes. Munera mirantur vel famuli vel propinqui, qui attentius ea inspicunt, imò & manu sublata contemplantur. Sed ne absque basi rem dicidi arbitreris, subjicimus & Euripidis verba, quo Authore, ex interpretatione CANTERI, Medeam ita compellat Nuncius:

*Postquam*



Postquam gemina soboles tuorum Liberorum venit  
Cum Patre, & ingressa est nuptiales ades,  
Gavisi sumus, qui tuis laborabamus malis  
Famuli: per aures vero statim ibat multas sermo,  
Te & Tuum Maritum diremissee priorem discordiam.  
Osculabatur autem alius quidem manum, alius vero fla-  
vum caput

Puerorum: Ego vero & ipse pra latitia  
Simul tuos filios comitabar in conclave mulierum,  
Domina vero, quam nunc pro te admiramur,  
Priusquam vidisset par tuorum Liberorum,  
Habebat promptum oculum in Jasonem:  
Deinde vero textit oculos,  
Et retro avertit candidas genas,  
Abominans ingressum puerorum: sed maritus Tuus  
Abstulit iram & bilem puella,  
Hac dicens: Ne sis inimica amicis.  
Desiste ab ira, & huc iterum converte caput,  
Existimans amicos eosdem, quos maritus tuus.  
Accipe verò Munera, & roga patrem,  
Ut remittat exilium his meo literis in meam gratiam.  
Hac verò ut aspexit ornatum, non continuit se,  
Sed promisit viro omnia. Et priusquam ex adibus  
Procul abirent Pater & Liberi tui  
Acceptam variam vestem induit,  
Ponens auream coronam supra cincinnos.

Medæ  
Vindicta.



**T**Res in segmento personæ sunt, Vir nudus cum clypeo, quem *Jasone* interpretamur. Senex diadematus, qui *Creontem* refert, Corinthiorum Regem: & fœmina furens, quæ *Glaucen* sive *Creusam*, Creontis filiam. Ut ad vindictam Medæ hæc referenda videantur, non tantum connexio historiæ evincit, non tantum senex Diadematus, cui in fabula Cereris locus non est, sed & rudera Palatii, à Medea everfi, quæ in hoc segmento sunt, & iis afficta Jasonis, Tauros Æripedes domantis, quæ adhuc cernimus, vestigia. Miserandum novæ nuptæ, Patrisque interitum describit EURIPIDES. Ad Jasonem cum clypeo adstantem ritè retuleris testimonium SENECE, qui Jasonem, audito novæ nuptæ casu armigeros in ultionem convocasse scribit. Utriusque verba subjicimus. Ita nuncius apud Euripidem:

*Æolus*

Χροαίν ἀνδράστα, λεχρία παλιν  
Χωρεῖ τέμενσι κῶλα, καὶ μέλις Φθίνει  
Θρόνοισιν ἐμπέσσει μὴ χαμαὶ πεπεῖν

Et paulo post: Σήκωσι χαιτην καὶ τ' ἄλλοι ἄνδρες,

Et iterum: Πατὴρ δ' ὁ τλήμων συμφορᾷς ἀγνωσία,  
Ἄφνω προσελθὼν δῶμα, προσπιτνεῖ νεκρῷ  
Ἰμμοξε δ' εὐδοῖ. &c.

*Mutato colore, obliqua retro  
Cedit, tremens membris, & vix antevertit  
Solio illapsa, ne caderet in terram.*

Et paulo post: *Concutiens crines & caput huc & illuc,*

Et iterum: *Sed infelix Pater ignoratione mali  
Statim ingressus domum, irruit in eam jam mortuam,  
Et statim cœpit ejulare. &c.*

Quibus verbis, licet Poëta in quibusdam à marmore nostro abeat, miserandum tamen, & furentis Filix, & dolentis Patris, oportune describit spectaculum. Jasoni assistit SENECA, apud quem ipse:

*Quicunque Regum cladibus fidus doles,  
Concurre, ut ipsam sceleris Authorem horridi  
Capiamus. Huc! huc! fortis armigeri cohors  
Conferte tela!*

# M E D E Æ F U G A.



**M**Edeam bigis Draconum, à Sole acceptis, Athenas profugisse, constans Authorum commentum est. Audi ipsam apud SENECAM.

*Sic fugere soleo. Patuit in Cælum via.*

*Squamosa gemini colla Serpentes iugo*

*Summissa præbent.*

Et APOLLODORO teste, *sine libri 1.* sumtum à Sole alatorum Draconum curtum conscendit Medea, in eoque profugit Athenas.

De *Liberis*, & adstantibus in marmore *Fæminis*, illinc dubia, hinc incerta quæstio oritur. De his, an *Nutrix Medea* & *Chorus* quas ipsa, tanquam foeminas sibi faventes, apud Poëtas frequenter, ad discessum usque alloquitur: De illis, an duo tantum fuerint, an plures? An à Medea occisi, an inter vivos relictî? Quod ad Liberos attinet

attinet, jam antiquitus res dubia fuit: Quidam duos tantum referunt, *Mermerum* & *Pheretem*. HELLANICUS etiam *Philoxenum* addit. CINÆTHON LACÆDEMONIUS *Medum* & *Eriopin* filiam nominat, uti ex PAUSANIA constat. Alii *Dydymiam*, *Alcymentum* *Ibersandrum* & *Ithessalum* in medium adducunt. Marmor nostrum quatuor agnoscit, quorum primus juxta currum jacet, secundum Medea pede arreptum, sinistroque humero injectum secum avchit, duos reliquos autem vivos adhuc relinquare videtur, ad mentem eorum, qui relictos quidem à Medea, sed postea à Corinthiis, lapidibus obrutos memorant, uti apud eundem PAUSANIAM videre est. APOLLODORUS relictos supplices, ait, ante Acreæ Junonis templum, sed hic inter rudera Regii Palatii cernuntur; illud enim, cui infantes assistunt, columnæ fragmentum est, non urna, qualis in BELLORII marmore.

## II. PELEI ET THETIDIS NUPTIÆ.



**P**elei & Thetidis hic adumbrari Nuptias, non tantum ex Deorum præsentia intelligitur, sed vel potissimum ex coheræntia cum Tabula sequente, in qua *Judicium Paridis* exhibetur, tanquam

tanquam actus, nuptias has immediate subsecutus. Peleus Æaci ex Ægina filius, prioribus nuptiis Antigonem Eurytionis filiam, posterioribus autem Thetin memoratur habuisse. Amaverat Thetin Jupiter, sed quod majorem Patre ex ea nasciturum ex Themide didicisset, non tantum ejus complexibus abstinuit, sed & voluit, ut mortalis ea Viri conjugio cederet. Si fabulæ fides, Theris in varias se formas verrere solebat. Consilio igitur Chironis eam comprehendendi ac detinendi rationem edoctus Peleus, quiescentem corripuit, nihilque factis, nunc ignis, nunc aquæ, nunc ferarum, quos assumebat, vultibus, non prius brachium dimisit, quam pristinam Deæ formam restitutam animadverteret. Ira nuptiæ in Pelio monte celebrabantur, easque præsentia suâ honorârunt & Dii. Discordia, quod invirata non fuisset, contemnum ultura, malum aureum cum lemmate, *Detur pulcherrima!* Cœlesti Confessui projecit, eoque lecto, inter Junonem, Minervam & Venerem de forma contentio orta est, quàm Paris deinceps, ut in sequenti dicetur, judicio suo legitur diremisit. Hæc est brevis totius fabulæ narratio, qualiter ferè à Mythographis tradiunt. Ad ejus seriem marmor propositum exigamus! Locus ad amussim respondet. Montem esse nemo non videt. Montem Pelium esse, patet non tantum ex fabulæ contextu, sed etiam ex medio *antro*, quod *Chironis erat*. Ita ORPHEUS in Argonauticis §. 375. ubi Peleus ad Heroës de Pelio monte.

ὦ φίλοι, ἀθρήϊτε σκοπιῆς περὶ χονῶα κολωνῶν  
Μέσση ἐνὶ περῶνι κατὰ σκιον ἐνθάδε χείρων  
Νόϊα ἐνὶ σπήλῳ γυῖ δικαυόλατ' ἐν κενταύρων.

*Cernitis excelsa collem sub vertice, Amici,  
In medio umbrosum spatium. Justissimus illic  
Centaurorum habitat, spelunca in margine Chiron.*

Quibus ex verbis simul palam est, eum, qui ex antro hoc, capite & brachiis emicat, ipsum Chironem esse. Antra Chironis amœna, non minus ac ipsos Deos, nuptialem lætitiā permulsiſſe, QUINTUS SMYRNÆUS auctor est, in eo à marmore nostro directus, quod & Nymphas, & Gratias, & Musas Lætitiae ministras fecerit,

fecerit, quæ tamen hic non apparent. Dii ex insignibus noscuntur. Jovem Fulmen demonstrat, Mercurium Galeris, Dianam Luna falcata, Palladem Cassis, Venerem Protervitas, Martem Clypeus, Solem Quadrigæ. Reliquos injuria temporis incertos fecit, vix tamen dubium est, quin mulier ad dextram sedens Thetis ipsa sit, & adjacens vir ipse Peleus, prout & Junonem vel juxta Jovem, vel quod verius arbitror, inter Palladem & Venerem quæsieris, jam tum de Formæ palma certantem. Dianam & Phœbum nuptiis his non interfuisse, scribit CATULLUS Carm. 65. Sed Juno apud *Quintum Smyrneum* lib. 3. v. 96. necem Achillis Phœbo exprobrans, cum in nuptiis cecinisse dicit:

*Phœbe, quare scelus istud hoc die patraſti?  
Connubii illius oblitus, quod ipsi nos Dii  
Semideo Peleo conciliavimus, unaque in medio  
Epulantium cantabas, quo pacto argenteis pedibus Thetin  
Peleus Uxorem duceret, cum vastum maris gurgitem de-  
ſeruiſſet,  
Et Te Citharam feriente, denſa agmina occurrebant,  
Beſtia volucresque, & profundis ſcopulis montes,  
Nec non & fluvii, & omnis opaca veniebat ſilva.*

Sed quod hic Phœbo tribuit Juno, id apud Authorem eundem, Nestor tribuit Muſis, in eo utrinque concordante testimonio, quod bestię cantu delectatæ dicantur, appositè ad bovem nostro in marmore, ad latus Thetidis, quiescentem; Quanquam, ne quid dissimulem, nec Phœbus Nuptiis his videatur vel adesse, vel abesse: Quadrigis vehitur, id quod in Cœlo solet, quadrigæ tamen non sunt omiſſæ, ut intelligas, Nuptiis cum faſiſſe. STAPHYLUS *de Rebus Theſſaliæ* ſcribit, Chironem ſapientiâ, & rerum cœleſtium peritiâ inſignem, Peleo gloriam conciliaturum, cum filiam Aëtoris Myrmidonis ei collocaret, divulgaffe, Peleum Thetidem, Jove Nupcias conciliante, ducturum, Deosque cum imbre & tempeſtate aſſuturos: Obſervaffe verò tempus, quo ingentes pluvie, ventorumque turbines exiſterent, coque Philomelam elocando, ſamam de Thetide Peleo collocata, Deorumque præſentia, firmalle. Hæc ſi ita ſint, jam conſtat, cur Phœbum Nuptiis his abſuiſſe CATULLUS cecinerit.

Alia subit difficultas. Duos Equites cernimus. An hos Dioscurus putabimus? an Equos eos, quos Neptunum Peleo donasse apud APOLLODORUM legimus, *Balium* scilicet & *Xanthum*? Sed opinio de Dioscuris praevalet, cum dimidiatus adhuc in altero pileus appareat. De Equis est locus Pindari Pyth. l. Ubi Tyndaridas λεοντοπόλες *albis Equis insidentes* nominat, qualiter & innummeris in Romanorum Numismatibus hodiernum visuntur.

Ad Discordiam transimus, quæ proposito in segmento alata, & cum Palma visitur, qualiter aliàs Victoria solet, cum tamen Autho-ribus Furiae instar depingi solet. PETRONIUS:

*Scisso Discordia crine*

*Extulit ad Superos stygium caput. Hujus in ore  
Concretus sanguis, contusaque lumina flebant:  
Stabant arati scabra rubigine dentes:  
Tabo lingua fluens, obsessa Draconibus ora,  
Atque intortoso laceratam pectore vestem  
Sanguinem tremulâ quatiebat lampada dextrâ.*

Dextram & caput Eridi propositæ injuria temporis abstulit, ideoque de iis judicare nobis integrum non est. Vestis licet in pectore lacerata non sit, est tamen ad femur scissa, secundum MARONEM in Octavo Æneid.

*Et scissâ gaudens vadit Discordia pallâ.*

QVINTUS SMYRNÆUS Lib. 10. v. 60. ei arma tribuit ex adamante, tabo foedata, sed nulli, ait, apparere, quod cruentam nubem humeris circumdatam ferat. Sed hæc descriptio marmori nostro non quadrat. HOMERUS Lib. XI. v. 11. Deam appellat, qualiter & à Mythographis dicitur. Ad alas succurrit HESIODUS, qui in *Scuto Herculis* Eridem sive Discordiam volasse canit.

Ἐπὶ δὲ πλοπρεπῶ μετώπῳ  
Δαινὴ ἔεις πεπότητο.



# JUDICIUM PARIDIS.



**A**D Paridem, Regis Priami filium, in Gargaro, Idæ montis vertice, pecora pascentem, Judicium de pulchritudinis prærogativa, à Jove relatum, Mercuriumque jussum, & Pomum perferre, & Deas deducere, ex Authoribus constat. In proposito marmore, Paris habitu Phrygio sedet, eique adstant non Deæ tantum & Mercurius, sed & Cupido, imò & sequitur à Dearum tergo Discordia. Mercurii sermonem exprimit Lucianus: *Jupiter jubet Te, PARI, siquidem formosus es, & rerum amatoriarum doctus, sententiam ferre inter Deas, quam illarum sit formosissima. Certaminis autem præmium, ea quæ vicerit, pomum accipiat.* Apud eundem & Paris respondet: *Ultra Capella sit altera formosior, & Juvenca alia Juvenca, forsitan ex arte judicare possum.* Quibus ex verbis, pecorum, montis in vertice, & circa antrum quiescentium, ratio plana est. Circa antrum, in quo Deæ nudæ visuntur; Neque enim Paridi satis erat vestitas vidisse: *γυμνὰς ἰδὼν βήλομαι*, inquit; *Nudas videre volo*, id quod & jubente Mercurio factum memoratur. Sed nihil in his incognitum, neque enim vel de Paridis Juventute & Formositate, neque de Dearum Cultu quæsieris, cum illius prædictus AUTHOR luculentus testis sit, hujus autem ratio, MYTHO-

MYTHOLOGIS jam dudum reddita profect. De promissis  
Dearum, Venerisque victoria, ipsius Paridis verba subijcimus: ita  
ille apud OVIDIUM in Epistolis.

*Regna Jovis Coniux, virtutem Filia jactat.  
Ipse potens dubito, fortis an esse velim?  
Dulce Venus risit, nec te, PARI, munera tangant,  
Utraque suspens plena timoris, ait.  
Nos dabimus quod ames, & pulchra Filia LEDÆ  
Ibit in amplexus pulchrior ipsa tuos.  
Dixit, & ex aquo donis formaque probata,  
Victorem Cælo rettulit illa pedem.*

### III. INCUNABULA PYTHAGORÆ.



**E** Legantissimum hoc, cum Tabula sequente, Venerandæ An-  
tiquitatis monumentum, INCUNABULA PYTHA-  
GORÆ, ipse PIGHIUS inscripsit. Eum titulum, Celeber-  
rimi Viri effato parcentes, mutandum non censuimus, quanquam  
appariturum sit, non tam Incunabula, quàm Infantiam & Pueri-  
tiam, imò & vitæ Virilis non contemnendum eò exhiberi docu-  
mentum. Infantiam cernimus in segmento priore, quod hic  
pro

proponimus. Sex in eo sunt mulieres; dimidiam enim, quæ personam scenicam à tergo extendit, ad inferius referimus. Prima foemina sedet, eique secunda velata infantem adducit, vasi cuidam pedes immersum. Infans vasi pedibus immerfus persuadet, Natalitiam quandam solennitatem hic præfigurari: neque enim ad Expositionem respexeris, licet eam in fictilibus fieri solitam, ex ARISTOPHANE pateat. Potius Vasculum hoc ad Lavacrum referas, quod infantibus adhiberi solitum, ex PLAUTO constat, cui addi potest & CEL. RAPH. FABRETTUS in notis ad Tabellam Iliadis, ubi similem puerum cum vase exhibet: & DOCT. CASP. BARTHOLINUS de puerp. Vers. Forsitan etiam respicias ad Lustrationem, quæ apud Græcos vel die *decima* fiebat, unde & Δεκάτη vocabantur sacrificia tunc fieri solita, vel die *septima*. De decima testatur SUIDAS, aliique: De septima ARISTOTELES. HARPOCRATION utramque conjungit. Τοῖς ἀποτεχθεῖσι παιδίῳ, inquit, τὰς ἐβδομάδας καὶ τὰς δεκάδας ἤεν, & τὰς ὀνόματα ἐτίθεντο αὐτοῖς οἱ μὲν ἐς δόμους, αἳ δὲ ὁ ἕκτος, οἱ δὲ τῇ δεκάτῃ. Quibus ex verbis simul intelligimus eo die nomen infanti impositum, id quod non minus & Romanis in usu erat, quanquam hi non diem *septimum*, aut *decimum*, ut Græci, observabant; sed, si puella foret, *octavum*, si puer, *nonum*, uti ex FESTO planum est, & firmatur Authoritate PLUTARCHI in Quæst. Rom. & MACROBII l. Sat. c. 16.

Sed Romanos paulisper seponimus, ad ritus Græcorum rem exigendam, memores. Apud hos non confundenda *Amphidromia*, quæ die quinto fiebat, cursim ferendo partum circa aram, id quod pluribus adstruit MEÛRSIUS de *festis Græcorum*. Prævia hæc erant Lustrationi, quam in monumento nostro si admittas, consequens est, ut sub muliere infantem tenente *Patritam* intelligas, cujus PLAUTUS meminit, in *Milite*:

Tum PATRITAM clementer non potest quin munerem.

Ubi alii *Piatricem* legendum contendunt: Consequens est, ut eam, quæ machinæ insidet, Matrem ipsam statuas, lecto nisi fallor, infidentem. Sed fortius pro Die Lustrico surgit argumentum ex tribus foeminis adstantibus, quarum una stylum & volumen, altera volumen, tertia sceptrum, & à tergo rotam habet. Sceptrum

una ex Fatis præfert in Numismate *Maximiani Herculei*, quod in Eruditissimis ad Juliani Cæsares notis PERILL. SPANHEMIUS exhibet: Imò præter sceptrum eodem modo Fata etiam Altheæ adstantia delineat noster PIGHIUS alibi, quod idè etiam tangi meretur, quia inter *Admiranda* aliter, & quidem loco sceptri, voluminum & styli, stipites tenent, eos in ignem, ut videntur, conjecturæ, quod celeberrimo BELLORIO causa dubitandi fuit, Fata agnosceret, an Furias? Sed habitus & insignia omnem dubitationem tollunt. Furiarum alius planè inter Antiquitatis reliquias prostat. Numismata apud Eundem PERILL. SPANHEMIUM in laudato Opere, facibus, serpentibus & stimulis armatas exhibent, qualiter & veteribus describuntur, uti ex CICERONE lib. de Legibus, & VIRGILIO patet. Multò aliter Fata; Hæc enim ut imperium in res humanas ostendant, sceptrum præferunt: Ut decreta sua certa significant, volumina gestant: Ut vigentem innuant divini consilii in humanis efficaciam, adjacentem habent rotam. Imperium exerunt in homines, non tantum mortis tempore, prout in Meleagro vidimus; sed etiam tempore nativitatæ, prout in Pythagora. Id die lustrico potissimum fieri, vel idè credendum, quod tunc omnia captare mos erat, vel ex nomine, vel ex Horoscopo, aliisve, quæ ad eum diem contigerant; Ea enim omnia vocabant *Fata*, & in Tabulis describebant, id quod ex CHRYSOSTOMO liquet in Epist. ad Galatas. Imò & Fatis Deabus arbitrabantur notari, quo pertinent illa AUSONI de Æmilio Magno Arborio

*Me Tibi, me Patribus clarum decus esse professus  
Dictasti FATIS verba notanda meis.*

Quæ appositè quadrant ad Fata hoc in monumento expressa, quibus, ut diximus, non Rota tantum & sceptrum datum est, ad indicandum imperium in totum vitæ humanæ decursum, sed etiam Tabulæ, & Volumina, & stylus, quæ solita apud Antiquos Scribentium fuerunt instrumenta. Sed hæc de primo segmento sufficiant! Ad secundum transimus.



In hoc plura veniunt accuratioꝛe contemplatione digniſſima. Puerum videmus, cum volumine, Magiſtro adſtante: videmus Mercurium, & duas Muſas, puerum comitantes: videmus Juvenem bigis cum Aquila vectum, cujus equos ſcœmina humi ſuſpicit, ſervus frenis apprehenſos dirigit.

Omnia hæc indubitata ſunt argumenta, non aliùs hîc hiſtoriam adumbrari, quàm Pythagoræ. Νέος ἔ, Φιλομαθής, juvenis eſt & diſcendi ſtudioſus vocatur DIOGENI LAERTIO, quo teſte & Magiſter ejus fuit Pherecydes Syrus, id quod etiam ex ÆLIANO diſcas, *Var. Hiſt. lib. 5. c. 2.* Indeque dubium non eſt, quin Pherecydis hîc ſimulacrum exhibeatur, quo doctore in Leſbo Pythagoras rudimenta poſuit. Equidem præter hunc etiam Hermodamantem habuit, eodem DIOGENE teſte, imò & in Ægypto Sapientes, docente LUCIANO in *Auſtione Viſitarum*, inter quos Sonchidem memorat CLEMENS ALEXANDRINUS; Sed omnes hos poſt Pherecydis mortem, cùm vel ex Leſbo in Samum reſſus fuiſſet, vel inde in Ægyptum tranſiſſet. De Pherecyde ejusque ſtudiis, penitus videndum, cùm ex hujus fontibus Pythagoras pleraque poſtea Italicæ Philoſophiæ videatur hauſiſſe dogmata.

Fuit Pherecydes ex Inſula Syro, teſte APULEJO in *Florida*. Vixit Olymp. 29. ſive ſub Tullo Hoſtilio, dixitque primus, animos hominum eſſe ſempiternos, uti docet CICERO *Tuſc. Quæſt.* imò DIOGENE LAERTIO ex Theopompo aſſerente, primus itidem ſcripſit de Natura & Diis, conſtabatque ejus Theogonia Libris X, continetque Deorum ortum & ſucceſſum, uti eſt apud SUIDAM. TZETZES cum Cræſi temporibus vixiſſe ſtatuit, primumque inveniſſe eccliſes & periodos Lunæ. Divinandi arte inſtructum

LAERTIUS pluribus exemplis firmat, ptoindeque haud mirum, si Pythagoras, cum ab hoc Magistro animorum senipiternitatem didicisset, postea μετεμψύχωσιν excogitaverit: cum de Diis audisset, Deos sibi comites, imò se ipsum Deum finxerit: cum eclipses & periodos Lunæ accepisset, Astrologicas scientias deinceps coluerit, & Veneris Planetæ, in ortu Luciferi, in occasu Vesperis appellati, naturam, primusprehendit, id quod & Numisma, supra Capite primo No. 5. allatum, testatur. Non autem solam Astronomiam exerceuit, imò & Arithmeticam & Geometriam, & Musicam & prodigiorum scientiam, & præstigiarum artem professus est, de quibus omnibus Mercurius apud LUCIANUM in *Vitarum Auctione* Mercatori interroganti, quid potissimum sciat Pythagoras? Respondet: Ἀριθμητικὴν, Ἀστρονομίαν, γεωμετρίαν, μουσικὴν, γαστήριαν, μάντιν ἀνεροελάπεικ.

Possem hic latius excurrere: Possem Μετεμψύχωσιν, nixamque eā animarum & fabarum in cibis prohibitionem deducere: Possem ordinem institutionis Pythagoricæ; Sed cum horum in marmore nostro mentio non fiat, nec calamo addenda putamus: Idque eo minus, quo fecundior adhuc materiam ipsa Antiquitas suppeditat.

Musæ se sistunt & Mercurius. Mercurius? An quod animarum quæstor esset? qualem, DIOGENE LAERTIO teste, ipse Pythagoras appellabat. Verba adjicimus, ut simul & appellationis ratio elucescat: Τὸν δὲ εἰρηὶν πατρίαν ἑναὶ τῶν ψυχῶν, dicebat, καὶ διὰ τῆτο πομπεία λέγεσθαι, καὶ ποταῖον, καὶ χθόνιον, ἐπειδήπερ ἦτορ εἰσπέμπει δὲ τῶν Σωματικῶν τὰς ψυχὰς δὲ τὸ πὲρ γῆς, καὶ ἐκ θαλάσσης. Sed alia adhuc ratio in ipsa Pythagoræ Μετεμψύχωσι latet; Mercurium enim Patrem fuisse Æthalidis, primi, in quo Pythagoræ animā habitaverat, filioque memoriam omnium; animæque transmigrationem concessisse, ipse de se Pythagoras prædicabat. DIOGENEM LAERTIUM & hic testem adducimus, ex quo & discas, Pythagoram quintum ab Æthalide fuisse, migrante anima ab Æthalide in Euphorbum, ab hoc in Hermotimum, ab Hermotimo in Pyrrhum, à Pyrrho in Pythagoram, quanquam A. GELLIUS seriem aliter suggerat. De Transmigratione ex Pythagora in Aspasiā Milesiā meretricem, & ex hac in Craten Cynicum, inde in Regem, Pauperem, Sattapem, Equum, Graculum, Ranam, aliaque innumerabilia, & postremo in Gallum, videri potest LUCIANUS. Huc nihil facit. Ad Musas transimus.

Musas proposito in monumento pròdit Larva Scenica, quæ in antiquis monumentis, quibusdam Musarum tribui solet. Ita in Numismatibus Pomponiæ Gentis Euterpe & Thalia, quod URSINUS idèò factum arbitratur, quòd illa Tragædiam, hæc Comcediam invenerit, secundum Epigramma Græcum.

Κωμικὸν εὖρε θάλεια βίον τὲ καὶ ἤδεα μεδναί

Ἐυτέρπῃ τραγικοῦ χορῶ πολυχρία Φώνην.

*Comica vita Thalia Tibi est moresque reperti*

*Euterpeque Chori Tragici resonabile carmen.*

Suffragantur & aliæ Antiquariæ supellectilis reliquiæ, quarum plures in schedis Pighii nostri cernimus.

Sed de Musis utique constat, quid autem eæ ad Pythagoram? id paucis videtur exquirendum. Pythagoram Musis bovem immolasse, cum aliquid in Geometria invenisset, vulgaris opinio fuit, quod tamen non credit CICERO, *de Nat. Deorum lib. 3.* idque idèò potissimum, quòd non verisimile sit, cum bovem immolasse, qui à sanguine animalium abstinendum sanxisset. In delubrum Musarum cum confugisse, cum Milonis domus incensa esset, ibique, cum 40. dies perstitisset absque cibo, defecisse, teste LAERTIO, Dicæarchus author est; Sed quid hoc ad Musas Juveni adstantes? Ex PHILOSTRATO rationem adducimus, qui non tantum Apollinem manifestè, sed etiam Palladem, & quod rei caput est, Musas, non manifestè secum loqui consuevisse, alios insuper Deos, quorum nec facies nec nomina adhuc hominibus nota essent, Pythagoram tradit narrasse, adeo, ut mirum non sit, quod ex PHAVORINO LAERTIUS tradit, domum Pythagoræ Metapontinis Cereris delubrum, Vicumque *Musis* sacratum audisse. Ad Pythagoræ simulacrum revertimur. Barbatum proponit URSINUS, idq; ex Numismate Samion, ubi senis effigies est, ad OVIDII effatum, cui *Samius Senex* audit; At in nostro monumento nulla barba, nullum senis vestigium apparet. Ante Magistrum effigies puerilis visitur: In curru autem vel juvenilis, vel primâ virilitate conspicua; utrinque qualiter DIOGENI LAERTIO dicitur *σεμνοπρεπείας*, *venustissima forma*. Venustas sanè apud LUCIANUM Mycillo scommatis ansa fuit. Ita enim Gallum: *Σὲ νν Φασὶ καὶ πυθαγόραν ὄντα τὴν ὡρεὶν λαμπρὸν πολλοῖσι Λοκασίαν γινέσθαι τῷ πνεύματι.* *Ajunt Te etiam eum, quum Pythagoras esses, VENUSTA FORMA DECORUM sapius Aspasiam fuisse Tyranno.*

Honestiore elogio, Mercatori, apud eundem LUCIANUM, in *Au-  
dione Vitarum*, cum empturo, *forma non illiberali*, τὸ μὲν ἄλλο ἐν  
ἀγενεῖς dicitur, uti & Jupiter ipse κομήτην, *comatum* appellat.

Sed quid Aquila ad Pythagoram? Hæc firmissimum testimonium  
perhibet, non alii marmor nostrum esse addicendum. ÆLIANUM audi!  
Τὸν αἰετὴν τὸν λευκὸν κατέψησεν ὑπομένειν αὐτὸν, inquit lib. IV. c. 17.  
AQVILAM ALBAM, *qua volatu se ei (Pythagoræ) submiserat, con-  
tractavit*. Hæc quam appositè marmor fulciant, juxta & explicant,  
nemo non videt. De Vestitu docet LAERTIUS: *Stola illi candida semper  
ac munda, stromataq; item, candida ex lana*. ÆLIANUS de veste alba  
suffragatur, sed addit coronam auream, & Anaxyridas: PHILOSTRATUS  
Vestitum ex morticina materia cum tenuisse author est. In lapide no-  
stro stola ad oculum patet: Patet & velum Divinitatis, circa caput vo-  
litans, quale in Numismate Faustinae matris Æternitas ventilat. Quid  
hoc indigitari credas, si non Divinitatem, quam sibi etiam vivus arroga-  
bat: asserens, si PHILOSTRATUM audis, *Se interfuisse aliquando Con-  
cilio Deorum, atq; ab iis didicisse, quæ illis grata, quæ contra habe-  
rentur, imò accepisse & ea, quæ de rerum natura proferre consueisset*.  
LUCIANI Gallus animam Pythagoræ initio ab Apolline profectam me-  
minit; indeq; apud eundem Menippus cum allocutus: *Salve Euphor-  
be, inquit, sive APOLLO, sive deniq; quodcumq; voles*. Et Mercator a-  
libi, *Femur est illi aureum*. DEUS, *non mortalis videtur esse*. Taceo  
ἱερὸν λόγον *Sacrum Sermonem*, quem ab Ægyptiis accepit; taceo  
πολλὰ θεῶν & ἀπορίητα, *Divina & Arcana multa*, quæ secundum  
PHILOSTRATUM ab eo dicebantur. Taceo Tripodem Pythagoricum,  
teste Cœl. Rhod. L. 19. c. 7. ideo dictum, quod nihilo secius, quam A-  
pollo effari consuevisset; Sed quod Θεοπῆσι Divinus LUCIANO  
non uno in loco cognominetur, & PLATO cum, ut *Divinum*, miretur  
& suspiciat; imò quod ex domo ejus Templum fecerint Metapontini,  
ipsumq; pro DEO coluerint, ut JUSTINUS l. 20. c. 4. memorat, id præ-  
tereundum non est; luculentum enim creditæ Divinitatis, quam velum  
adumbrat, Pythagoræ inde surgit testimonium, simul cum ratione bi-  
garum figurarumq; reliquarum, quarum altera foemina sub bigis ja-  
cens visitur, altera virilis equos frenis arreptos tenet. Foeminam Tel-  
lurem interpretamur, quam Divinitatis vehiculo Pythagoras super-  
gressus fingitur: figuram virilem Zamolxim Pythagoræ discipulum  
& servum, qui & ipse Divinitatis famam & cultum, si non apud Græ-  
cos tamen apud Barbaros obtinuit.

CEPHA-



# CEPHALUS ET PROCRIS.



**C**ephalus & Procridis fabulam hic exhiberi, facile intelliget, cui rei series innotuit. Procris erat Pandionis, vel secundum alios Erechthei

Erechthei Atheniensium Regis filia, & Cephali Dejonis vel Dejonei, vel, ut alii volunt, Mercurii & Herfes filii uxor. Inter hos cum pactum intercederet, ne cum aliis quibuscunque rem haberent, Cephalus quidem ab Aurora adamatus, imò & raptus est; Sed ut pacto staret, amanti concubitus negavit. Aurora repulsæ impatiens, Cephalum quidem domum remisit, sed ut Procridem ei in suspicionem adduceret, multis cum muneribus, & mutatâ figurâ, ut uxor, hæc decepta, & illis seducta, fidem prior falleret, faciliorque deinceps Cephali voluntas esset. Respondit Eventus Consilio. Procris munerum cupidine amorem proditura cõarguitur, & pudore suffusa, in Cretam abit, ubi vel à Minoë vel à Diana & jaculo donata est, & cane Lelape; His muneribus regressa Cephali pudicitiam ignota & ipsa expugnavit, & ita marito reconciliata est. Gliscebant tamen occultus Zephyriæ fervor. Igitur cum Cephalus matutino tempore venatum exiret, verita Procris, ne cum Nympha aliqua ille concumberet, clam cum insculta, inter virgulta delituit, donec Cephalus Venatibus lassus, ex consuetudine Auram invocaret, ut sibi vires reficeret: Tunc iniquiore Cordis æstu se movens Procris, à marito scram existimante, eodem jaculo, quod ei dederat, percussa est. Lethale erat vulnus, post extractum tamen telum infelicem maritum, moribundæque adstantem Procris oravit, ne Auram ducere vellet, ex eaque petitione error ex nomine *Aura* ortus apparuit. Hæc fabulæ series est, prout fere ab Authoribus traditur. Videri de ea possunt OVIDII lib. 9. Metamorph. circa finem, Hyginus fab. 189. & alii.

Si propositum monumentum conferas, primo Cephalum videbis in folio sedentem, cum adstante à tergo milite, à latere autem ipsam Procridem, cui fidem videtur jurare. Sequitur Cephalus peregrina forma Procridem in Thalamum recipiens. Forsitan illic non Cephalum, sed Minoëm præfiguratum, & hic non Cephalum Procridi, sed Procridem Cephalo insidiantem arbitraberis, eo quod ipsa velata, adeoque ignota Thalamum ascendat. Id per me licebit, quanquam & juxta considerandus sit imberbis Cephalus, adeoque forma mutatus, cum in sequentibus ubique barbatus sit. Velamenta Procridis, non tam Cephali ignorantiam arguunt, quam Procridis pudorem, cum antiquitus meretrices velamentis se se operuisse vel exemplo ex Sacris constet. Sed hæc utique liquent. In sequentibus  
Cephalus

Cephalus cum jaculo, & cane Lelape, & equo, venatum proficiscitur. Cum equo & cane? Atqui apud OVIDIUM ipse:

*Nec mecum famuli, nec equi, nec navibus acres  
Ire canes, nec lina sequi nodosa solebant.*

*Tutus eram jaculo.*

Sed diversa sunt de Cephalo commenta. Artifex aut communem venantium morem, aut alium Mythologum secutus, utrumque expressit, in sequentibus NASONI propior.

Aura in nubibus sedet, quam anhelâ voce implorans Cephalus, credulam Procridis Zelotypiam impulit. Procris inter Virgulta sedens, & jam jam moritura, manum versus maritum attollit, tanquam illum imploraret, ne Auram, se mortua, conjugem duceret. Cephalus ipse, vultu in moestitiam composito, jaculum quidem ex conjugis pectore extractum, receptumque sinistra tenet, dextrâ autem & ipse elevata casum conjugis deplorat, erroremque detegit. En pulcherrimum totius fabulae nexum! Eoque modo Artificis genio effectum, quo & ab Authoribus descriptum in superioribus diximus.

*H*  
T  
V. CLEO.

# CLEOBIS ET BITON.

Matrem ad Junonis Templum  
trahentes.



**H**istoria, quæ hõc & sequentibus duobus elegantissimi mar-  
moris in segmentis exhibetur, apud HERODOTUM  
exstat, apud quem lib. I. cap. 31. interprete VALLA, quum  
Solon à Cræso interrogaretur, quænam secundum à Tello beatum  
vidisset? respondit: Cleobin & Bitonem; quippe genus *Argi-  
vum* fuisse, & victum suppeditasse Corporis, adhuc robur tantum,  
ut & in Certaminibus ambo Victores exstiterint: Additque de  
his ista memorati: Quum dies festus apud Argivos esset, opor-  
teretque omnino matrem eorum ad templum ferri bobus junctis,  
hique boves ex agro eis ad horam præstò non essent, tunc juvenes  
exclusi

exclusi tempore jugum subeuntes, plaustrum pertraxerunt, quo Mater vehebatur, & quinque ac quadraginta per stadia trahentes, ad templum pervenerunt. Quibus, cum hac fecissent, & ab omni cœtu conspecti fuissent, optimus obtigit vita exitus, & per hac Deus judicavit, satius homini esse mori, quàm vivere. Nam cum circumstantes Argivi laudibus tollerent, viri quidem consilium filiorum, fœmina vero Matrem eorum, quod talibus filiis pradita esset: Mater gaudio perfusa, cum Liberorum factio, tum fama, ante simulacrum stans, precata est eam, ut Cleobi & Bissoni filiis suis daret id, quod optimum esset homini contingere; Post hanc precationem ubi sacrificarunt, epulati sunt, quiescentesque in ipso delubro, non sunt amplius excitati, sed hoc vita exitu perfuncti. Quorum effigies, tanquam Virorum, qui optimi exstissent, Argivi factas apud Delphos collocarunt.

Hæc est historia, ut dictum, qualiter apud HERODOTUM eam Solon enarrat. Si marmor conferas, ipsam matrem in plauastro cernis, cernis eam capite velato, quod sacrificantibus moris fuit, & in Sacerdote Junonis etiam Deæ memoriam renovat, quæ & ipsa interdum velata occurrit. Mater in plauastro vehitur, idque bobus junctis, qualiter ad Templum Junonis solebat; Sed bobus adstant Filii, quod hi, bobus absentibus, eorum vices subiissent: Adstant nudi, idque secundum CICERONEM *Inscul. Quest. lib. 1. cap. 47.* Ubi veste posita Corpora oleo eos perunxisse, & ita ad jugum accessisse, memorat. Illud fortasse incongruum putaveris, quod nimis juveniliter sculpti sint, cum tamen, HERODOTO teste, Corporis robur tantum fuerit, ut in Certaminibus ambo Victores exstiterint, & Argivi eorum effigies tanquam Virorum apud Delphos dedicaverint: Adde, quod & PLUTARCHUS eos Viros appellavit; Sed notandum, appellationem *Virorum* juventutem non tollere. Quos HERODOTUS & PLUTARCHUS *Viros* appellant, eos CICERO *Juvenes* & *Adolescentes*: & si robur in medium adducas, illud sanè luce clarius elucescit in succulenta illa, qua fulgent, musculorum crassitie, artuumque vegeta stabilitate.

**MATER**  
Junonem adorans  
Filiis mortem impetrat.



**P**ietatem Fratrum vidimus. Hic cernimus pietatem Matris, pietatisque præmium. Mater ante Templum faces extollit, procul dubio, quod pro vita & felicitate filiorum oraret, & quod oraret Deam vitæ potentem. Vita Veteribus sub facis ardentis schemate præfigurabatur, uti mors sub face extincta, id quod marmora ad oculum testantur. Forsitan quod Ilithia, quæ eadem cum Junone fuit, in Numismatibus facem præferat, vel etiam, quod inter sublunaria Diis nihil magis conveniat, quam ignis; Sed Ilithia facem præfert, quod vitam largiatur, & Deos precantes, quid adhibeant potius, quam Symbola Divinæ Naturæ affinia? Nihil hic de Sacro Dianæ, in Nemore Aricinæ, de quo OVIDIUS in *Fæstis*:

*Sæpe potens voti frontem redimita coronis  
Fæmina, lucentes portat ab Urbe faces.*

De quibus videri possunt & PROPERTIUS & STATIUS. Nihil de facibus, novæ Nuptæ præferri solitis, de quibus & FESTUS & PLUTARCHUS in *Quæstionibus Romanis*. Nihil de Festis Promethei, Minervæ & Vulcani apud Athenienses, in quibus facces ferri solebant; Sola pietas, vitæque felicioris votum propositas accendisse videtur, idèò duas, quòd de duobus filiis precatio ad Junonem, vitæ felicitatisque præsidem, tenderet. Quo successu? Alio planè, quam speraverat Mater, id præcata, quod Dii judicassent optimum; Sed an mortem? Ita Dii judicarunt, procul dubio contra Matris intentionem, quòd vi-vos beari maluisset. Sed aliter res cecidit: Epulati cum matre adoles-centes, somno se dederunt, & in tantâ gloriâ vitam cum morte, citra ullum dolorem vel cruciatum, reperti sunt commutasse.

## FILII ÆTERNITATIS

Participes  
à Junone excipiuntur.



Vitam beatam Filiis suis præcata erat Mater, sed loco vitæ eorum mortem obtinuit: ut Authores arbitrantur, quòd, Deâ judice

judice, mors vitæ præstaret, imò quòd mors vitæ beatæ non finis, sed initium esset. Vita nostra quid est, si non ærumnarum concatenata series, & quid homini conducibilius, quam iis solvi? Hæc ita si nulla spes post mortem superesset. Sed superesse, & quidem felicitatis perfectissimæ, etiam Ethnicis indubium fuit. Adspice marmor nostrum! Juvenes, quos modo humi jacentes & mortuos vidimus, eos hîc cernimus vel bigarum frena apprehendere, quibus Æternitas vehitur, vel coram Junone, an Maure? flexis genibus beatissimæ vitæ dulcedinem agnoscere. Æternitatem prodit velum circum Caput in circulum volitans, & quasi in se reductum. nullo apparente, nec principio, nec fine. Eo enim Symbolo, uti jam supra diximus, etiam in Romanis Numismatibus Æternitas præfigurari solet, ex quibus etiam, bigis vectam, intelligimus, exemplo exstante apud OISELIUM Tab. 104. ex Nummo Faustinae matris. Illud in proposito novum est, quòd non Æternitatis curru vehantur juvenes, sed quod frena equorum apprehendant, prout & supra Zamolxis, quasi non tam Æternitati traditi, quam Æternitatis cursum dirigentes. Felicitas creditur terrena, si rerum in decursu temporis nobis adversantium acerbiter, prudentiâ vel evitare, vel emollire possumus. Quidni igitur felicitas æterna, quòd Æternitatis decursus, quasi ab arbitrio beatorum dependeat?



VI.

ROMULI ET TATII  
FOEDUS.  
CONCORDIAM  
CONCILIANTE HERSILIA.



**H**ersiliam, Tatium & Romulum, tribus his figuris designari, STEPHANI WINANDI PIGHII conjectura est, nec immeritò; Licet enim Romulus in Numismatibus prolixâ barbâ conspicuus, in proposito monumento autem imberbis sit, differentia tamen tanta non est, ut non diversitate temporum & ætatis excusari & possit & debeat. Reconciliatio cum Sabinis accidit Anno M. 2205. ab V. C. septimo, Triginta annis antequam turbine abriperetur; At effigies in Nummis ad eam formam delineata est, qua post derelictam vitæ stationem Proculo apparuit, seque in coelis Quirinum appellari, significavit;

Adeo

Adeo ut planum sit, in Numismate senem, sub reconciliationem autem cum Tatio, adhuc juvenem, adeoque imberbem fuisse, qualis in proposito monumento visitur. De Tatio diversa ratio: Barbatus is est, non minus ac in Numismate; Sed barbatus fuisse etiam tempore reconciliationis cum Romulo, brevis imperii persuadet. Quinque annos cum Romulo cum imperasset, Laurenti trucidatus est.

Sed, inquis, Togatus is est, cum tamen bellica veste indutum oporteret, non minus ac Romulum? Hoc & historiae, & Romanae gloriae videtur datum. Cum post Romuli preces denuo concurrerent hostiles acies, *Res Romana*, inquit LIVIUS, *superior fuit*. Superior fuit Res Romana; quid igitur mirum, quod Sabinorum Ducem habitu pacifico, & proinde pacem petentis, cernamus? quid mirum, quod cernamus Romulum bellico, & pacis leges quasi dictantis? Facilius Victi ad pacem inclinant, quam Victores, & hinc est, quod Hersilia non ad Tatium, sed ad Romulum convertatur, manibusque elevatis cum demulceat.

Hersilia, Sabina quidem, sed ex raptu Romuli uxor fuit, adeoque hic omnium raptarum loco videtur concordiam suadere, prout LIVIO teste, Duces ad foedus faciendum prodire, adeoque exercituum loco fidem sanxere.





**Q**uintum Viridarum nostri segmentum, & hoc  
 in Opusculo Ultimum, **STATUAS QUAS-**  
**DAM** exponit, non ex earum numero, quæ  
 sub *Romanarum* Titulo prostant; Sed vel  
 hæcenus non vulgatas, vel vulgatas quidem,  
 sufficienti autem Commentario non illustra-  
 tas. Paucissimæ erunt, fateor, sed Nobilitas  
 multitudinem supplebit. Et Artificium in censum venit, & Raritas.  
 Numismatum & Gemmarum Cœlatores in parvo ludunt, &  
 facile est, Artis naves in exiguis linearum ductibus abscondere, quan-  
 quam negari non debeat, plerosque etiam in his exactam diligen-  
 tiam posuisse. Torcumata mediæ ut plurimum magnitudinis  
 sunt, mediæ certè Dignitatis, cum figuras non integras exhibeant, sed  
 dimidiatas tantum, dimidia earum parte rudi sub marmore, cui af-  
 fixæ, vel ex quo elevatæ sunt, delitescunt. Solis Statuis nobilior  
 Gloria fulget, omni ex latere Artificii excellentiam ostentant. Ho-  
 dienum miramur Opera Lysippi & Praxitelis; Hodienum fama  
 Menestrati & Myronis volitat, stupefcente cum Reverentiæ sensu  
 vel ideò excipienda, quod non sibi, sed Arti videantur laborasse.  
 Phidias Diis, quàm Hominibus efficiendis melior fertur; At Poly-  
 cletus in Hominum formis, ad veritatem exprimendis, excellebat.  
 Quid dicendum? Nonne vel Naturæ lusum, vel Studii assiduitatem  
 & Diis & Hominibus consuluisse? ut ad posteros, eorum notitia eo  
 clariore radio penetraret, Artisque simul incrementum, ad summum  
 perfectionis culmen deduceretur. Sed de his alibi! Nunc ad pro-  
 positum.

U

HER-

## HERCULES CUM CETO.

**H**erculis, non minus ac reliquorum Deorum, crebra inter Antiquitatis reliquias exstat mentio. Sed cum cum Ceto, quis haecenus exhibuit? Statuam unum pomum manu gestantis, Romæ in Foro Boario, haud procul ab Altari, inventam, Celeberrimus CHOULIUS memorat. An eadem fuerit cum nostra, dubitari potest, cum & ipsa hæc unum pomum dextrâ præferat. Quicquid sit, Herculem prodit Clava & Leonis Pellis, indubitata Heroici pectoris insignia, quorum alterum Leoni Nemæo detractum, Cassidis & Clypei instar Hercules prætulisse, alterum ab Oleastro rescisum, armorum vice in memoratu vibrasse. De Clava constat, constat de Leonis Pelle loco Cassidis usurpata. De Clypeo res rarior; Eam tamen videas & ipsam in Numismate Phæstion apud GOLTZIUM, in quo non minus, ac in aliis plerisque, ne dicam omnibus, Hercules nudus, clavæque & pelle armatus visitur, cuius rei rationem DIODORUS SICULUS suppeditat, id idcirco factum asserens, quod antiquitus arma & vestes nondum cognitæ essent: quanquam alii hieroglyphicè rem explicent, sub clava Leonisque pelle & nuditate robur & virtutem intelligentes, eo quod verisimile non sit, Herculem nudum orbem Terrarum obivisse, Virtus autem firmissimum mortalibus monumentum sit, nullaque divitiarum periboliâ in transversum agatur, sed nudo homine contenta vigeat.

Ad Pomum, quod Hercules noster dextra præfert, non tantum in mentem veniunt Poma aurea Hesperidum, quæ, interfecto Dracone vigili, ad Eurytheum retulisse memoratur, sed etiam Sacra ipsius, apud Melitenses & Bæotos, Pomis celebrata, unde & Μήλων cognomen ejus fuit. De Melitensibus audi HESYCHIUM: Μήλων Ηρακλῆς. ὀνομαζήσαντες τὴν θρόν ἔργον, διὰ τὸ μὴ ἱερῆα δοῦναι αὐτῷ τὰς Μελιτεῖς, ἀλλὰ τὴν κάρπον τὰ μήλα. De Bæotiis JULIUM POLLUCEM lib. I. C. I. Sect. XXVII. Μῆλα θύσαντες ἐκ Λωπιάων Ἡρακλῆ. λέγου δὲ ἃ τὰ πρόσβατα, τῇ ποιητικῇ Φωνῇ, ἀλλὰ τὰ ἀνθρώποις, ἐκ τοιαύτης δὲ αἰτίας. Ενεξέταται μὲν γάρ ἡ πανήγυρις τῷ θεῷ, ἢ κατήπεργε. πρὸ θύειν ὁ κάρπος. Τὸ δὲ ἱερῆον ἄρα, κεί@ ἦν. Καὶ οἱ μὲν ἄγοντες, ἄκοντες ἐξορδύνον, ὁ γὰρ Λωπὸς ποταμός σῃς ἦν διαβατός, μέγας ἄφρων.

ἄφνω βίαις. εἰ δ' ἀμφὶ τὸ ἱερὸν παῖδες ὅμῃ παύσαντες, ἀπεπλήρουν τῆς  
 ἱερουργίας τὸν νόμον. λαβόντες γὰρ μῆλον ὡραῖον, κάρφη μὲν ὑπέθεσαν  
 αὐτῷ πεπλάσθαι, δῆθεν τῆς πόδας, δι' οὗ ἐπέθεσαν ἄμα, πῶς δ' ἦν τὰ κέρεα  
 ταῖς, καὶ τῆς ποιητῆς ἀπορίαν ἔφασαν τὸ μῆλον, ὡς πρόσθεν: ἡδὴ  
 ναὶ τὴ λέγειν τῇ θοσῇ τὸν Ηοκλῆα καὶ μέχρι τῶδε ὡρυμέναν τῆς  
 ἱερουργίας τὸν νόμον. καλᾷται, ὡς τοῖς θησαίοις, ἢ τοῖς βοιωτοῖς,  
 μῆλων ὁ Ηοκλῆς, ὄνομα ἐκ τῶ τρόπῳ τῆς θυσίας λαβῶν. *Circa*  
*Bæotiam*, inquit interprete RUDOLPHO GUALTERO, *Μῆλα*  
*Herculi sacrificant*; Non verò, ut Poëta per μῆλα oves, sed fructus  
 dico arboreas, hac nimirum de causa. *Stata* quadam erat publica  
 Dei solennitas, & sacrificandi instabat tempus, *victimæ* autem  
 aries erat, quem qui adducebant, *inviti* cunctabantur; *Asopum*  
 enim fluvium, *repentinis* auctum inundationibus transire non  
 poterant. *Juvenes* verò, qui festo sacrisque intererant, per lusum  
 sacrificii ritum complevere; *maturum* enim *MALUM* arri-  
 pientes, quatuor, qui pedum loco erant, bacilla subdiderunt, duo  
 vero veluti cornua apposuerunt, & secundum Poëtas malum hoc, tan-  
 quam ovem obtulisse dicuntur, nec Herculi ingratis fuisse victi-  
 mam, & propterea huc usque hunc sacrificii ritum permansisse.  
 Et Thebanis porro Bæotiisque *MALORUM HERCULES*,  
 nomen hoc ex sacrificii ritu sortitus, appellatur.

Hæc ex POLLUCE, quibus utique pomum, quod dextra Her-  
 cules noster præfert, abunde illustratur. De Corona dicendum. Po-  
 pulca ea videtur, ad mentem Poëta in 3. Æneid. quo canente.

*Herculeæ POPULUS umbra*  
*Velavitque comas, foliisque innexa pependit.*

Et paulò post:

*Tum Salii ad cantus incensa Altaria circum*  
*POPULEIS adsunt evincti tempora ramis.*

De quibus omninò videri meretur MACROBIUS lib. 3. Saturn. & quis  
 nescit tritum illud:

*POPULUS Alcida gratissima?*

Causam ex PAUSANIA discas *El. priore*, ubi populum albam in The-  
 sprotide ad Acherontem Hercules reperisse, & in Græciam intulisse,  
 memoratur, unde postea & mos manserit, Eleis patrius, ut ad usum

Olympicorum factorum ligna ex sola populo alba, neque ex alia arbore caderentur, id quod & ipse Hercules egerat. Sed propius ad rem facit SERVIUS ad dicti Poeta verba: Populus Alcide gratissima, inquit, quia EA VELATUS ab Inferis rediit, quam HOMERUS Αχαιοῖς dicit ab Acheronte ad Superos translata. Qua coronâ usus, duplici colore foliorum, geminos labores superorum inferorumque testatus est. De hac sanè arbore fabula talis est: LEUCE, Oceani filia, inter Nymphas pulcherrima fuit. Hanc Pluton adamavit, & ad Inferos rapuit, qua postquam apud eum, completo vita sua tempore, mortua est, Pluton tamen amoris, quam in memoria solatium, in Elisii piorum campis, Leucen nasci arborem iussit, ex qua, sicut dictum est, Hercules se, revertens ab Inferis coronavit.

Ad Cetum properamus, qui juxta Herculem lento conamine caput elevat. Hunc fortasse ob colli tenuitatem, non tam Cetum quam Draconem arbitraberis. Sed Cetum evincunt, non tam fluctibus immersi pedes, quam figura ejus, cujus in ventre Jonas per triduum delinuit. Videri is potest in ROMA SUBTERRANEA ARINGHI, ex antiquis Christianorum Sarcophagis delineatus, ubi eadem planè colli tenuitas, iidem pedes, idemque caput visuntur. Et quid si idem utrinque Cetus? SEXTUS EMPIRICUS adversus Mathematicos, Herculem calvum evasisse, memorat, cum à Ceto, qui in Hesione inruerat, devoratus esset. Idem tangit & LYCOPHRON, initio CASSANDRÆ:

Τρεῖς πέρ εἰ μόντ' ὃν ποτε γιάδοις  
Τείτων' ἠμάλαψε κίερχαμ' κίων  
Ἐμπνυς δὲ Δαυτρός ἠπάτων, Φλοιούμεν'  
Τινθῆ λίβητ' ἀφλόγοις ἐπ' ἐχέρας  
Σμηρυγγας ἐτάλαξε παδαίας πέδω.  
Trivestri (sive Trinotii) Leonis, quem aliquando maxillis  
Tritonis deglutivit asperè dentatus Canis;  
Vivus autem dissector intestinorum, ambustus  
Cavo lebetis in focis ignibus expertibus  
Capillos destillavit capitis solo.

Quem in locum ita ISACIUS TZETZES τρεῖς περὸν τὴν ἡρακλῆα λέγου  
καλῶν τὴν λιμόφρονα, διὰ τὸ ὅτι τῇ νύτῃ τρεῖς ἡμέρας ποιῆσαι αἷς  
ἐσπεί-

ἑσπέραι καλεῖ, διὰ τὸ ἀφύγιον, καὶ σιοταίνῃ ἵνα τῆς γαστέρας πείθῃ. *Trinoctium* a*o* *Herculem* vocari à *Lycophrone*, quia in *Ceto* tres transegerit dies, quia vespere sive noctes appellat, quia lucis expers & tenebrosus foret *Ceti* venter. Ex quibus Doctiss. *VOSSIUS* *Herculis* fabulam de *Ceto* ex historia *Jonæ* ortum traxisse statuit. Occasionem asserti ex *B. CYRILLO* sumsit, qui in *Jonæ* cap. 11. Ἡρακλῆα Φασὶ τὸν Ἀλκμήνης καὶ Διὸς καταποθῆναι ὑπὸ κήτης. ἐκδοθῆναι δὲ πάλιν ἐκ τῆς ἐκφύτης θερμότητος ἐφωλωμένης αὐτῷ τῆς κεφαλῆς, καὶ μόνῃς τριχὺς πεπονδῶσι τὴν ἀποφασιν. Μένεται δὲ τῆς ἰσορίας λιγύφρων *Herculem* ajunt, *Alcmena* & *Jovis* filium, deglutitum quidem à *Ceto*, redditum tamen ab infuso *Ceti* calore, capite solum depilato. Memini vero historia *Lycophron*. Imò etiam ex *THEOPHILACTO*: *Devoratur* ergo à *Ceto* *Jonas*, tresque dies, ac totidem noctes in eo permanet *Vates*, qua res omnem excedere fidem audientibus videtur, maximè iis, qui ex *Græcorum* Scholis, sapientique doctrina, ad hanc historiam accedunt. Quos equidem non satis demirari possum, qui fiat, quòd hæc non intelligant, cùm suis ipsorum alis capiantur. Apud ipsos enim nonnihil tale de *HERCULE* narratur, nempe quòd & ipse à *BALÆNA* devoratur, incolumis remanserit, nisi quòd tantummodo depilatus redierit, idque ob ingenitum & internum *Belluæ* calorem; Aut igitur nostra suscipiant, aut sua rejiciant. Sed hæc in medio relicta sunt.

Nos *Hercules* vocat, de quo *Hesionem* liberante, ex interpretatione *Benedicti Ægii Spoletini*, hæc sunt *APOLLODORI* verba: *HERCULES* (devictis *Amazonibus*) remanigat, & *Trojam* appellat. Tum fortè accidit per *Apollinis* & *Neptuni* iram, ut *Civitas* infelicitèr ageret; Quoniam *Apollo* *Neptunusq.* *Laomedontis* injurias ulcisci volentes, mortalibus assimilati, ac veluti mercenarii, *Pergama* sedificaturos, paciscuntur quibus cùm opere absoluto, constitutam mercedem *Laomedon* minime solveret, tum *Apollo* pestem, ac *Neptunus* cum inundatione *CETOS* immisit, quòd quicquid mortaliū in campis offendit, corripiebat; cùm vero ex *Oraculis* malorum finem tum fore diceretur, cùm *Laomedon* *Hesionem* filiam suam *Ceto* devorandam apposuisset, tum ille in proximis *Pelagi* saxis alligatam proposuit. Hanc ita expositam ut vidit *HECULES*, se servatum

rum pollicetur, si sibi, quas equas pro rapti Ganymedis jactura ei Jupiter dederat, Laomedon tradat. Hoc illi se daturum pollicitus est Laomedon. HERCULES CETOS OCCIDIT, & Hesionem servavit. Hac Apollodorus. HYGINUS in paucis aliter Fab. 89. Neptunus inquit, Cetum misit, qui Trojam vexaret, ob quam causam Rex ad Apollinem misit consultum. Apollo iratus ita respondit; si Trojanorum Virgines Ceto religata fuissent, sinem pestilentia futurum. Cum complures consumti essent, & Hesionē fors exisset, & petrie religata esset, Hercules & Telamon, cum Colchos Argonautae irent, eodem venerunt, & Cetum interfecerunt, Hesionemq; Patri pactis legibus reddunt, ut cum inde redissent, secum in patriam eam abducerent, & equos qui supra aquas & aristas ambulabant. Addatur & PALÆPHATUS de Incredibilibus lib. 1. De CETO hac quidem memorantur, quod Trojanos è mari exiens invadebat, & siquidem ei puellas aliquas Trojani obtulissent, ab eis recedebat: Si minus eorum totam regionem devastabat: Quam verò id fatuum sit, credere Trojanos filias suas proprias Ceto exponere solitos fuisse, quis non videt? Virum namq; potius magnum quendam nomine Cetum hunc fuisse, dicendum est, qui cum Rex esset, multum roboris viriumque habens, ac in re navali valde potens, Paludem quandam in Asia, quam Trojani possidebant, circa mare subvertit; Tributumq; ab eis sibi ob id persolvebatur, quod quidam Dasmon id est Vestigal vocant. Argento autem ejus temporis homines minime utebantur, sed vasis solum & suppellectile omni alia. Imperavit idè Rex ille, qui CETON nomine dicebatur, ut Civitates quadam tributi nomine equos sibi darent, alia vero puellas mitterent. Hunc vero Regem, cui nomen erat Ceton, Barbari Cetum vocabant. Hic circumquaq; loca illa vadabat, & debito necessarioq; tempore, tributum ab iis promissum, exigebat. Quod si quapiam Civitates persolvere recusarent, eorum regiones & loca male tractabat. Pervenit & is quoque ad Trojam, eo potissimum tempore, quando HERCULES illic etiam exercitum Græcorum habens, venit. Unde Herculem tunc Laomedon Rex in Trojanorum praesidium conduxit. Ceton verò exercitum suum cum impetu in eos duxit. Cui cum obviam Hercules & Laomedon cum copiis suis facti essent, illum interfecerunt, quo ex facto sermo fabulosus confectus est.

APOLLO



# APOLLO.

**N**obilissimus JOACHIMUS à SANDRART, inter *Admiranda Sculptura Veteris*, statuam proposita in paucissimis dissimilem, Poësin arbitratur, aitque eam exstare in Palatio Medicæo, quod Romæ est. Assertum juvare videntur & Volumen, quod apud eum dextrâ præfert, & Cygnus, avis secundum fabulam vocalissima, & Laurea Apollinaris, solitum cum hederâ Illustrium Poëtarum præmium.

In proposita, quam & ipsam ex MSCto Pighiano, desumsimus, idem plane habitus est, nisi quod, loco Voluminis, Lyræ præferat, & Laurea absit. Idem est habitus Cygni, idemque dependentis pallæ fluor: ut non abs ratione dubites, an non eadem utrinque statua sit? An non fractis lyræ cornibus, relicta basis voluminis, & coma vetustate corrupta, lauteæ speciem objecerit? Quicquid sit, Poësin tamen in neutra statueris. Genus obstat, quod non Poësin hoc sensu, sed *Poëtam* aliquem demonstrare videretur, in nostra *Lyricum*, in Sandrartiana *Epicum*, & quidni ipsum Mantuanum *Cygnum*? Sed hunc in nostra ut agnoscas Cithara prohibet, ut Lyricum agnoscas in Sandrartiana, prohibet Lyræ absentia, & præsentia Cygni. Tertium igitur amplectendum. Non Poësin, nec Poëtarum aliquem nostra statua præfert, sed Apollinem, Poëtarum, secundum Ethnicos, & Præsidem & Deum. Hunc lauro redimitum vel millena Numismata exhibent, redimitum tania, memorat PAUSANIAS in *Atticis* ὅτε τὸν ναὸν ἐστῖν ἠρακλῆς καὶ θησεύς καὶ ἀπόλλων ἀναδόμενοι τανία τὴν κόμην. Idem & de Cithara in *Arcadicis*, & iterum in *Laconicis*: in Portu ad Zaracam Apollinis delubrum memorans, & simulacrum Citharam tenentis.

Sed hæc utique vulgaria sunt. Non item, quod Cygnus ei sacratus erat. Cygno per aëra vectum, in ΚΑΛΧΑΔΟΝΙΩΝ Numismatibus contemplamur, ad quæ ILL. PATINUS sequentia MARTIANI CAPELLÆ citat: *Scandente Phæbo, Musarum pedissequus, adhærensque comitatus, carenti canoraque alite vehebatur. Cygnos currum Apollinis, cui sacra erant aves, vehere, finxerunt Poëte, fortassis ob Harmoniam, quam paulo ante obitum edunt.* Sed magis ad statuam facit LUCIANUS, qui Olores ἀπόλλωνος

λων παρὲς Ἀπολλίνης Ἀσέσφορες vocat, & CALLIMACHUS, qui à natatu Cygnorum, numerum fidium Apollinem defumísse narrat: Ita ille in *Hymno in Delum* §. 155. seqq.

Κύννοι δὲ θεῷ μέλποντες αἰοῖδοι  
Μήνοιον παντῶν ἐκυκλώσαντο λεπόντες  
Ἐπομαίνεις περὶ Δῆλον. ἐπήισαν δὲ λοχίῃ  
Μυστῶν ἐρνίβες, αἰοῖδ' αἰοῖδαι πετεηνῶν  
Ἐνθεν ὁ πᾶς τοσάς δὲ λίγῃ ἐνεθήσατο χάριδας  
Ἵστερον, ὡς αἰὶν κύννοι ἐπ' ὠδινέσσιν ᾄεσαν.

Olores, Phœbi cantores modulantes,  
Mœonio Pactolo relicto, cinxerunt  
SEPTIES circa Delum, & accinuerunt puerperio  
Musarum Volucres, vocalissimi inter aves.  
Atque hinc Puer (Apollo) TOTIDEM Lyra intendit  
FIDES  
Postmodum, quoties Olores pariendi doloribus accinuerant.

De Nuditate adhuc dicendam, & dependente à brachio Palla. Nudum Apollinem cum dependente, quanquam aliter, palla, plurima Numismata exhibent: Vestitum, vix unicum Augusti, in quo, ad mentem PROPERTII, Lib. II. El. 23.

*Pythius in longa Carmina veste sonat;*

Sed hic ad Citharædorum habitum videtur effectus. In reliquis plerumque nudus est, procul dubio, quòd sub eo Sol intelligatur, apertum nostris oculis Luminare, & cujus splendore totum Hemisphærium illustratur, quanquam interdum pellucidæ nubes candorem involvunt, quas proinde sub Apollinis palla tibi rite imagineris, suffragante HORATIO lib. I. ad 2.

NUBE Candentes humeros AMICTUS  
Augur APOLLO.

BACCHUS

# BACCHUS

## Coronam Hederaceam

sibi imponens.

**B**ACCHI simulacra pluribus in monumentis prostant. Non Statuæ tantum, sed & Numismata, & Gemmæ, & Marmora ejus habitum exprimunt; pauca tamen sunt, quæ non ab aliis differant. Ita etiam in iis, quæ vulgaria videntur, quædam tamen occurrunt nostrâ contemplatione non indigna, præsertim si & nobilitate Artificii excellent, & antiquæ Superstitionis vanitatem nativis ductibus exponant. Statua nostra ex horum numero est. Artificii excellentia, Genuinæque Antiquitatis genius prodeuntem adeo commendant, ut ex PIGHII delineatione eam vulgare non dubitem, licet inter *Regias Gallorum* jam vulgatam. Bacchum intueris τὸ σῶμα οὐκ ἀμορφον, *Corpore non deformem*, quod de eo Pentheus dicit apud EURIPIDEM in *Bacchis Act. 11. v. 20*. Forma Bacchum Bæoticum demonstrat; Hunc enim juvenem, elegantem, delicatum & adolescentem fuisse, diversumque ab Indico barbato, DIODORUS author est. HOMERO νεανίη ἀνδρὶ εἰσικὸς μὲν ἴσως ὅμοιος vocatur. Ἀγλαΐμορφος formosus POETÆ INCERTO in *Florilegio Epigrammatum lib. 1. c. 38. n. 11*. Formam Virineam memorat Alces apud OVIDIUM *Met. l. 111.* quæ tamen in facie & comis præcipue elucet. De Corpore reliquo ipsum de se apud EURIPIDEM audias:

ἄδ' ὅτι Σηπτόν ἀλλάξω ἐχῶ

Μορφὴν ἐμὴν μετέβαλον εἰς ἀνδρὸς φύσιν.

*Mortali sumt à imagine*

*Me in ora & habitum transformavi VIRI.*

Artuum sc. succulenta crassities, musculorumque nitidior exstantia virilitati suffragantur; at comarum nexus, at oculorum scintillæ, facieque nitor cultum scæmineum evincunt. Non alio Authore hic opus est, ac eodem EURIPIDE, apud quem idem Pentheus:

Πλόκαμὸς τε γὰρ σὺ ταναός, ἢ πλόης ὕπερ  
Γένν' παρ', αὐτὴν κεχυμένῳ πόθῳ πλέως  
Λευκὴν δὲ χροιοῖαν εἰς παρρησκειὴν ἔχεις.

*COMA* tibi prolixa est, non ex lucta,  
Formosis diffusa genis, delicata, plena desiderio.  
Præterea Cute adornatus nites candidula.

Et iterum: Πρῶτον μὲν ἀβρὸν βόσρευχον τεμῶ σέθεν.

*Primum quidem DELICATAM tuam abscondam  
COMAM.*

Cui respondit Dionysus.

Ἰεφός ὁ πλόκαμῳ. Τῷ Θεῷ δ' αὐτὸν τρέφω.  
*Sacer Capillus est. Deo ipsum nutrio.*

Cæsariem flavam & fragantem ei tribuit idem Pentheus, ubi simul  
& de oculis discas.

Λέγουσι δ', ὡς τις εἰσελήλυθε ξένῳ  
Ξανθοῖσι βόσρευχοισιν εὐκοσμος κέμην  
Ὀϊνωπαῖς ὄσοις χάριτας Αἰφροδίτης ἔχων.  
*Dicunt quod quidam hospes advenersit  
Fragans Coma, & flava Cæsarie,  
Nigrasque habens in Oculis Citherae gratias.*

Sed de his plena sunt Poëtarum Volumina. Pellem, quæ corpus  
ambit, Interpretes Statuæ Regiæ non Hinnuleam, sed Tigridis statuit  
esse, juvari que possit illo Claudiani:

*Parthica velat*

*Tigris & auratas in nodum colligit ungues.*

Sed PIGHIUS, nisi fallor, pellem hinnuleam exprescit, usus Statuâ  
procul dubio integriore. Plura Bacchus Vestium genera habuit.  
Sindonem & Mithras gestare, unguentis & floribus tingi, Bacchi-  
cum esse, STRABO ait. Bacchum in antro cubantem, tunicâque  
talari vestitum PAUSANIAS memorat: In præposita Statua pellis  
hinnulea corpus ambit. Apud EURIPIDEM crebra ejus mentio est.  
Nēbeidi: ἑξαιψίως χροός Corpore indutus Nebride venit Bacchus  
Thebas, docente ipso in Prologo Baccharum. Nēbeidῶν ἔχων  
ιερόν ἐνδυτὸν, sacro Nebridis indutus Amictu cantatur Choro, cu-  
jus ad imitationem etiam Tiresias:

Θυρσός

Θύρσῳ ἀνείπῳ ἔννεβρον δόρυς ἔχων  
 Στεφανὸν τε κισσίνους βλασημασιν,  
 Thyrsos tollere, & pelles hinnuleas induere  
 Tempora frondibus hederaceis redimire.

Se senem cum seniore constituisse jactat : & Juvenclas, Anus. In-  
 nuptas & Virgines, demissa per humeros coma, *Nebridas subli-*  
*gasse*, Nuncius memorat. Et quid multa ? Epitheton *νεβριδο-*  
*πέπλω* in epigrammate, hinnulea pelle indutum abundè demon-  
 strat. *Νέβρω δέρας σικτόν*, Hinnuli pellis maculis sparsa alibi vo-  
 catur. Sub maculis Astra inrelligi NONNUS l. 14. *Dionys.* author  
 est, quod si verum, utique sub pelle Cœlum, & proinde sub  
 Bacchi simulacro ipsum Deum intellexis, quem ideò nudum ut  
 plurimum effinxerit Gentilium superstirio, quod exfertis in genus  
 humanum divinæ bonitatis radiis se conspiciendum præbere solcar.  
 Talis Jupiter omnium Deorum Rex, talis Apollo Lux mundi, &  
 in proposita Statua Bacchus, *Vini* secundum DIODORUM *Inventor*,  
 & OVIDIO teste,

*Genialis Confisor Uvae,*

Quam sinistra contrectat, & à qua apud Homerum Πολυτέφυλλος  
*Uvis abundans* vocatur: honestiore elogio, quam in epigrammate  
*Κωμῆς Ebrius*, quo habitu currui insidentem ATHENÆUS  
 memorat, apud quem & faciem ejus ex ligno Viris reperias, non adeò  
 absurdè ad virem, arboris trunco, hoc in *καμηλίῳ*, circumvolutam.  
 Arboris trunco : An quòd vires ulmis Antiqui adjungerent, quòd  
 ex Virgilio palam est ? An quòd Bacchus etiam Arborum curam  
 gesserit, docente PLUTARCHO ? Prius forsitan prætulcris, quòd  
 posterius non truncum requirar, sed arborem & foliis & fructibus  
 divitem, ut Dei potestas simul elucescat. De vite succurrit etiam  
 elogium *εὐκαμπέλω* *vitis* *abundantis* ; Bacchus enim non vino  
 tantum se ingurgitare, adeoque potantibus sâvere, sed & vinum  
 producere, vineasque curare credebatur. Coronam, quam Capiti  
 videtur imponere, interpret Regius *Pampineam* facit; Mihi Hederacea  
 videtur. Equidem Πολυτέφανος *Varie coronatus*, in epigrammate  
 vocatur. Uvis coronatum ibidem Epitheton *Βοτρυχαίτη* indicat.

Coronatum & hederâ & lauro Homerus testatur. Et quod accedit, omnia prostant in superstitibus Antiquitatum thesauris. Sed inficias ire non possumus, communiorem Baccho fuisse coronam hederaceam, unde Κισσοτέφαινον elogium meruit. HOMERUS Κισσοκόμην, & PINDARUS Κισσοτόγον appellat. Clarius adhuc NICERATUS Epig. L. c. 59. No. 7. Bacchum allocutus de Cratino

ἔρχε δὲ κισσῶ

Μένωνον, ὡς περὶ καὶ σὺ, νευροσωμένον.

*Habuit hederâ*

*Frontem, ut ἔς Τη, redimitam.*

Hederâ Bacchum delectari, ut Capellâ delectatur Jupiter, incertus Author est alibi. PLINIUS *Bacchicam* dictam sacrisque Bacchi apud Thraces adhibitam, imò & Thyrsos, Galeas & Scuta eâ ornata memorat: Rationes Consecrationis variæ sunt: vel quòd Bacchus ea in arbore fuerit occultatus: vel quòd racemos Uvarum hederâ imitetur: vel quòd semper sit viridis & juvenis, qualis Deus ipse fingebatur: Vel quòd, cùm frigida sit arbor, ob insitum frigus, adjumento sit contra ebrietatem: vel quòd Cissus, Bacchi comes, cùm inter saltandum periisset, Bacchi jussu in hederam fuerit mutatus. Sed hæc apud Mythographos exstantia, latius hic examinare haud arbitror operæ pretium: Unicum adjicimus ex PLINIO, sed quod proposita Statuæ apprimè videtur quadrare. Ita ille Lib. XVI. c. 4. *Antiquitus corona nulla nisi Deo dabatur: ob id Homerus Cælo tantum eas ἔς Prælio universo tribuit, viritum verò ne in certamine quidem ulli. Feruntque PRIMUM OMNIUM LIBERUM PATREM IMPOSUISSE CAPITI SUO EX EDERA.*

## JULIA AUGUSTA.

**D**Um Statuam contemplor, ex Regiis apud Gallos *Ædibus* de promptam, subit ecce & alia, nec ipsa, si mihi credas, satis dilucidata. Interpretes generali vocabulo FOEMINAM inscripsit, aitque quibusdam Deam Cererem esse visam, idque quod altera manu præferat papaver. Sed difficile esse judicium, cum temporis injuria nitor evanuerit; figuram tamen pulcherrimam esse, & antiquissimam, vereque Romani artificii, id quod ex Vestimento appareat, cum Græci Statuas ut plurimum nudas exhibuerint.

Romanum artificium esse mihi facile persuadeo, Romanam enim, sed non de plebe, mihi videor intueri foeminam. Ornatus Capitis idem plane est, qui est in Numismatibus Juliae Augustæ, Uxoris L. Septimii Severi, Bellicosissimi Romanæ Gloriæ Imperiali in fastigio Restauratoris. Eadem sunt & insignia; sinistra enim non papaver, sed spicas præferre videtur, quas & Julia apud TRISTANUM in Numismate ΔΑΔΙΑΝΩΝ, quas & Ceres in Numismatibus Juliae apud ILL. MEDIOS, ex quibus simul constat, Ceteris habitu ipsam Juliam adulatoribus olim fuisse effictam. Accedit formæ, quam Statua exhibet, præstantia, cum Juliam *pulcherrimam* SPARTIANUS asserat in Caracalla, cum talem & hodiernum Numismata præferant, in quibus, nisi me acies fallit, & facierum quædam convenientia deprehenditur, quo argumento facile responderis, si quis aliam, eodem capitis ornatu insignem, puta Juliam Masam, aut Sœmiam adduxerit.

De Julia Severi constat, eam Syram fuisse: constat, horoscopus Regium habuisse, quo impulsus Severus eam duxerit. De eo SPARTIANUS. *Cum amissa Uxore, aliam vellet ducere, genituras sponsarum requirebat, ipse quoque Matheos peritissimus: & cum audisset esse in Syria quandam, qua id genitura*  
X 3 *babe-*

*haberet, ut Regi jungeretur, eandem Uxorem petiit, Juliam scilicet, & accepit interventu Amicorum: ex qua statim Pater factus est. Pater est factus, genito scilicet Caracalla: tantum abest, ut Julia vel Caracallæ noverca fuerit, vel etiam, post Severi mortem, incestas cum filio nuptias inierit. Fabulam graphicè refutat TRISTANUS, quanquam negari forsitan non debeat, Juliam haud ignavam Veneris satellitem fuisse: Adulteris famosam ÆL. SPARTIANUS testatur & in Numismatibus nihil frequentius venditat ipsa, quam Venerem vel felicem vel victricem, vel genetricem.*

Equidem non dixero, turpitudini hæc accensenda, quanquam quis turpe reputasset adulterium exemplo Deæ commissum? potius formam & fecunditatem adduxeris, quàm Veneri vel par vel superior erat: Uti & Matrem Deorum adulatio finxit, quòd Caracallam & Getam peperisset: Junonem, quòd Imperium in Terris obtineret, ut Juno in Cælis: Dianam, quòd imperatorium jubar, post Severum, unica Orbi Romano impertiret: Et denique in nostra Statua Cererem, quòd ipsius donum videretur, qua Severus Rempublicam beaverat, nobilioris Annonæ abundantia. Severi Numismata rem confirmant, ea præsertim, quibus vel Annona Augusti cum Cerere conjungitur, vel Ceres frugifera cum spicis & hasta exhibetur. Spicis & Hasta? an hinc, quem dextrâ adhuc tenet Julia nostra, bacillum, hastæ fragmentum arbitraberis? per me id licebit, quanquam & facis reliquæ esse possint, quæ & ipsa Cereri affingi solet, eam potissimum ob causam, quòd accensis in Ætna facibus, Proserpinam filiam, à Plutone raptam, quæsierit. Quicquid sit, Liberalitatem Severi & Juliæ, qua Annonæ prospexerunt, Felicitatque consuluerunt, his schematibus celebrari, non alia ratione eviceris arctius, quam eo Numismate Severi, quo figura stolata stans sinistraque cornucopiæ tenens, dextra autem frumentum quinque puerulis distribuens, SÆCULI FELICITAS inscribitur. Adeò mirum non est, Juliam Cereris, & habitu & insignibus adornatam occurrere, cujus, in reliquis, & luctui



luctui propior fuit. Sub Severo, Plautiani calumniis lacerata: Severo mortuo, Caracallæ parricidio læsa, tanto acerbius doluit, quanto occultius debuit. Philosophia tamen, qua non minus ac Astrologia & Geometria excellebat, doloris asylum erat, quousque ambitiosissimæ Fœminæ Imperialis fastigii jubar relinqueretur. Eo Macri-  
ni indignatione negato, supremum Ethnicæ stoliditatis solatium à se impetravit, ut simul cum Imperii decore, ipsam etiam vitam videatur amisisse.



*Errores Correcti.*

Pag. 14. l. 19. lege *venerabantur*. p. 16. l. 3. *Proceres*. p. 20. l. 10. *ὕδαρ*. pag. 32.  
Lineæ tres ultimæ omittantur. p. 37. l. 34. lege *χρησόμενοι*. pag. 38. l. 4. *κα-*  
*ταναύται*. p. 42. l. 7. *potius*. p. 44. l. 19. *illa*. p. 50. l. 7. *καρδιαίηνα*. pag. 52. l. 2.  
*Lapidibus* pag. 57. l. 10. *velocitate*. pag. 63. l. 2. *πυρραγοῖν*. pag. 80. l. 13. *officium*.  
pag. 85. l. 29. *BOISSARDUM*. pag. 87. l. 16. *Oceano*. l. 28. *quas*. pag. 82. l. 3. *RO-*  
*BERTUS STEPH*.









